


ମୁଦ୍ରା ତତ୍ତ୍ୱ



ଶ୍ରୀନିଧିଭୂଷଣ ଦାସ

১ম সংস্করণ সন ১৩৩৫ পৌষ ।

পাঁচ সিকা

প্রকাশক—

ত্রীনগেন্দ্রনাথ দাস ।

সং-সাহিত্য-মন্দির

৪ দীননাথ মিত্র লেন,

বিডন ষ্ট্রীট, কলিকাতা

প্রাপ্তিস্থান—

বরেন্দ্র লাইব্রেরী

২০৪ কর্ণওয়ালিস ষ্ট্রীট, কলিকাতা ।

ও অন্যান্য প্রসিদ্ধ পুস্তকালয় সমূহ

প্রিণ্টার—

ত্রীনগেন্দ্রনাথ দাস ।

আদিত্য প্রিণ্টিং ওয়ার্কস

৪ দীননাথ মিত্র লেন, কলিকাতা ।

উৎসর্গ ।

স্নেহের

নগেন্ !

এই

কুত্ৰ

এস্থ

তোমার

কর-কমলে

প্রীতিভরে

অর্পণ

করিলাম ।

উপহার।



শ্রীমান কয়দেব মুখোপাধ্যায়

বাবিচন্দ্র মুখোপাধ্যায়

২৭৩৫

সন ১৩৫৭ }
তার ১৩/৫/৫৭ }

নিবেদন ।

নৈবেদ্য, মাতৃমন্দির প্রভৃতি অনেক পত্রিকায় “পূজার তত্ত্ব” নামক আমার যে ক্ষুদ্র গল্পটী প্রকাশিত হইয়াছিল, অনেকের অহুরোধে সেই গল্পটী বন্ধিতাকারে এই উপন্যাস রূপে প্রকাশিত হইল । পুস্তকখানির নাম পরিবর্তনের জন্ত অনেক অহুরাগী বন্ধু অহুরোধ করিয়াছিলেন কিন্তু বর্তমানে পুস্তকের নামকরণ লেখকের পক্ষে বড়ই সমস্তার ব্যাপার হইয়া দাঁড়াইয়াছে । অনেক লেখক একমাসের মধ্যে একখানি বৃহৎ গ্রন্থ অনায়াসে লিখিয়া ফেলিতে পারেন কিন্তু পুস্তকের নামকরণ সময়ে ছয়মাসকাল ভাবিয়া অস্থির হইয়াও পুস্তকের উপযুক্ত নাম খুঁজিয়া বাহির করিতে পারেন না । সমস্তানের নামকরণ ব্যাপারে যত বিভ্রাট না ঘটে, ততটা বিভ্রাট লেখকের পক্ষে পুস্তকের নামকরণ লইয়া । যাহা হউক অনেক ভাবিয়া চিন্তিয়াও যখন আমি মনোমত নামকরণে অক্ষম হইলাম, তখন ইহার নাম পরিবর্তনে অনর্থক মাথা ঘামাইবার কষ্ট স্বীকার না করিয়া পূজার তত্ত্ব নামেই পুস্তকখানি জন সাধারণের নিকট উপস্থিত করিলাম । কানা মেয়ের নাম পদ্মপলাশলোচনা রাখিলেই পিতামাতার তৃপ্তি ঘটে বটে কিন্তু অপরে তাহাতে হাস্য করে মাত্র । বিশেষতঃ বর্তমান যুগে সাহিত্য রথী-মহারথীগণ উপন্যাসের এমন অদ্ভুত নামকরণ করেন যে পুস্তকের সহিত তাহার বিন্দুমাত্র সামঞ্জস্য থাকে না । আমি নবীন সাহিত্যিক নই, কাজেই বর্তমানের গড্ডালিকা প্রবাহে গা ভাসাইয়া দিতে আমার প্রবৃত্তি হইল না । পূজার তত্ত্বের বিভ্রাট লইয়া এই উপন্যাসের সৃষ্টি, কাজেই সেই নামে পুস্তকের নামকরণ সমীচীন বলিয়া আমি মনে করিলাম—বন্ধুগণ আমার ক্রটি মার্জনা করিবেন ।

চাপাপুস্তক }


২৪ পরগণা }

বিনীত

গ্রন্থকার ।

গ্রন্থকারের অন্যান্য পুস্তকাবলী

১। জ্যোতিঃ	(উপগ্রাস)	১০।
২। মানের পাহাড়	এ	১০।
৩। ঋণ পরিশোধ	এ	১০।
৪। ভবসুন্দরী	এ	১০।
৫। সোণার প্রতিমা	এ	১৫।
৬। যুগল মিলন	এ	২।
৭। দিদিমণি	এ	২০।
৮। সত্যগ্রহ সংগ্রাম	এ	১৫।
৯। স্বদেশী চাবুক	(১৮ পর্ক)	১০।
১০। বিসর্জন	(কাব্য)	১৫।
১১। রেলযাত্রী	(গল্প ও উপগ্রাস)	১০।
১২। সমাজ চিত্র	(২০ সংখ্যা)	১০।
১৩। মডারেটের মতিভ্রম	(গল্প)	১০।
১৪। বন্দী	(উপগ্রাস)	১০।



পূজার তত্ত্ব !

(১)

ছেলের বিয়ের পাওনা কড়ার গুণায় বোলআনা হিসাব করিয়া লইয়াও পূজার সময় তত্ত্ব হইল না বলিয়া পটলডাঙ্গার রাজারাম ঘোষের পৌত্রবধূ শ্রীমতী হরম্মন্দরী রাগে ‘গর গর’ করিতে করিতে বৈবাহিকের পিতৃ-পিতামহের অনেক কুৎসা লোক-সমাজে অগ্নানবদনে প্রকাশ করিতে দ্বিধা বোধ করিল না। বৈবাহিকের প্রপিতামহ যে চামার ছিল এবং তাহার বংশে যে মুন্সফরাসের জন্ম হইয়াছে, সহসা অষ্টমী পূজার দিন বেলা সাড়ে আটটার সময়ে হরম্মন্দরী তাহা ‘গেজেট’ করিয়া দিল। পটলডাঙ্গার লোক সেই অভাবনীয় অশ্রুতপূর্ব্ব অভিনব সংবাদ শ্রবণ করিয়া অবাক হইয়া রহিল।

শ্রীমতী হরম্মন্দরী রাজারাম ঘোষের পৌত্র, বাহারাম ঘোষের পুত্র, অশীতিবর্ষীয় শ্রীমান নফরচন্দ্র ঘোষের তৃতীয় পক্ষের গৃহিণী। বৃদ্ধ বয়সে

পূজার তত্ত্ব

কায়স্থ-কুল-তিলক নক্ষত্রের আফিমের পুরাত্না চড়াইয়া দিয়া তৃতীয় পক্ষের গৃহিণীর অঞ্চল ধারণ করিয়া বড় জাহাজের গাথাবোটের মত সর্বদা অন্দর-মহলে আশ্রয় গ্রহণ করিয়াছিল। হরসুন্দরীর বয়স চল্লিশের অতি সন্নিকটে উপস্থিত হইয়াছিল। বড় মাসুকের ঘরের দ্বত দুই ও উপাদেয় খাতের বরাদ্দ বৃদ্ধি করিয়া শ্রীমতী তাহার গৌরবর্ণ কলেবর খানির পরিপুষ্ট অতিমাত্রায় বজায় রাখিয়াছিল এবং সেই হুট-পুট কলেবরের সহিত সামঞ্জস্য রাখিয়া অলঙ্কার গড়াইতে দশ বিশ ভরি অধিক স্বর্ণের অপব্যয় হইয়া গিয়াছিল। অন্ধের নয়ন, খঞ্জের যষ্টি, ইহকালের সম্বল, ভবপারের ভেলা হরসুন্দরীকে লইয়া শ্রীমান নক্ষত্রের শেষ বয়সটা পরম সুখে বিনা গোলযোগে বিমাইতে বিমাইতে কাটিয়া যাইতেছিল। সহসা অষ্টমীপূজার দিন প্রভাতে যখন হরসুন্দরী বে-আক্কেল বেহাইএর বেয়াদপির কথা নক্ষত্র-চন্দ্রের কাণে তুলিয়া ঘুমন্ত গৃহস্থের ঘরে ডাকাত পড়ার মত সহসা ঋষভ নিনাদে চাৎকার করিয়া উঠিল, তখন বেচারী নিতান্ত হতভম্বার মত গৃহিণীর নগ্ন-শোভিত পূর্ণচন্দ্রের জায় মুখখানার দিকে তাকাইয়া বলিল, তাইত গা ! ব্যাপারখানা কি ?

গৃহিণী বারান্দার উপর পা ছড়াইয়া বসিয়া দুই একবার ফোঁস ফোঁস করিয়া ঘেন হারমনিয়মের ‘বেলো’ টানিয়া স্বর বাহির করিয়া বেহাগ রাগিনীতে আলাপ করিতে লাগিল, ওগো, আমার প্রকাশ সে দিনের ছেলে—তার কিসের বয়স ? সখ করে ছেলের বিয়ে দিয়েছিলাম, এখন মান-মর্যাদা সব যে যায় দেখছি ?

কর্তা আলবোলায় তামাক টানিতে টানিতে বলিল, তখনত বলেছিলাম, মৌলিকের ঘরে ছেলের বিয়ে দিয়েনা। তা এ বুড়োর কথাত কেউ শুনবে না ? এখন এ হ’ল কি বলত ?

পূজার তত্ত্ব

সেতারে ঝঙ্কার তুলিয়া গৃহিণী বলিল, হ'বে আর কি ? ছোটলোক দন্ডের ঘরে ছেলের বিয়ে দিয়ে যা হ'বার তাই হচ্ছে । চামারের বংশে মুন্স্করাস জন্মেছে, ব্যবহারটাও সেই রকম করেছে ।

কর্তা ঝিমাইতে ঝিমাইতে হঠাৎ বলিয়া ফেলিল, বিয়ের সময় পাওনাটা কিন্তু নেহাত মন্দ হয় নি ।

গরম তেলে কই মাছ ভাজার মত লাফাইয়া উঠিয়া গৃহিণী বলিল, রেখে দাও তোমার বিয়ের পাওনা । তত্ত্ব-তাবাসের পাওনাইত আসল পাওনা—যেমন প্রজার কাছে খাজনার উপর উপরি পাওনা আদায় । গুরুঠাকুরের বার্ষিক বন্ধ করে' জামাইএর বাড়ী তত্ত্ব পাঠাতে হয়, ছোটলোক তার খবর রাখে না ?

ঠিক সেই সময়ে পোদ্ধার বউ, যিনি পটলডাঙ্গা অঞ্চলের রয়টারের টেলিগ্রাম—লোকের ঘরের হাঁড়ির খবর যিনি কটাক্ষমধ্যে সহরময় রাষ্ট্র করিয়া থাকেন, তিনি স্বীয় বিশাল বপু বহন করিয়া মাতঙ্গিনী-গমনে মেদিনী কম্পিত করিয়া সশরীরে ঘোষ-গৃহিণীর সম্মুখে আবির্ভূত হইলেন । ঘোষ-গৃহিণী হরস্বন্দরীর মুখানা তখন ঠিক যেন আগুনে পোড়া ভীমরূলের চাকের মত । পোদ্ধার বউকে দেখিয়া হরস্বন্দরী পোড়ামুখ নীচু করিয়া রাখিল ।

পোদ্ধার বউ বলিল, দেখে এলাম বোসেদের বাড়ী পূজার তত্ত্ব এসেছে । হ্যাঁ—দেখবার মত তত্ত্ব বটে ! বিশজন ভারীর কাঁধে হাজার রকমের জিনিস—ঘরে রাখবার স্থান কুলাচ্ছে না । বোস-গিন্নি বুকের পাটা আজ দেখে কে ? বড় ঘরে কাজ করেছে বটে !

আর যাবে কোথায় ? খুনার গন্ধে মনসা-কাণী নাচিয়া উঠিল । একে বোসেদের সঙ্গে চিরকালের বিবাদ । তাহার উপরে পূজার তত্ত্বে

পূজার তত্ত্ব

‘টেকা’ দিয়া তাহারা আজ মুখ ঝলসাইয়া দিল। গৃহিণী হরম্মন্দরী রাগে অগ্নিশর্মা হইয়া চীৎকারে পাড়া মাতাইয়া তুলিল। বোসেদের বাড়ীর তত্ত্বের কথা শুনিয়া ঈর্ষায় বুকের মাঝে দাবানল জলিয়া উঠিল। সূতন বেহাইকে সবংশে নিপাত যাইবার আশীর্বাদ করিয়া হরম্মন্দরী গোকুরা সাপের মত গর্জনে করিতে লাগিল।

(২)

ঘোষেদের আর বোসেদের বাড়ী পাশাপাশি। অপরাহ্নে পাশের বাড়ীর বোস-গিন্নী ছাদের উপর উঠিয়া ঘোষেদের বাড়ীর ক্ষ্যাস্ত চাকরানীকে ডাকিয়া বলিল, ক্ষ্যাস্ত ! ঘোষ-গিন্নী আজ ডুমুরের ফুল হ'ল নাকি—একটাবারও ছাদে উঠলো না যে ! সমস্ত দিন ধরে' বেহাইএর বাড়ীর পুজার তত্ত্ব গুছিয়ে ঘরে তুলছে বুঝি ?

ক্ষ্যাস্ত দাসী ব্যঙ্গ বুঝিল—মনে মনে তাহার বড় রাগ হইল কিন্তু তাহার মত ঝি-চাকরানী বড় ঘরের গিন্নীর মুখের উপর সমান উত্তর দিলে দোষের হইবে ভাবিয়া মনের গরম চাপিয়া রাখিয়া অগ্রদিকে মুখ ফিরাইয়া শুকুনো কাপড় গোছাইতে লাগিল। সে কোন উত্তর দিল না বটে, কিন্তু অত্যন্ত ক্রোধে তাহার কণ্ঠ হইতে একটা অব্যক্ত শ্বনি বাহির হইল।

পূজার তত্ত্ব

বোস-গিন্নী হাসিয়া বলিল, কিরে ! তত্ত্বের ঢেকুর তুল্ছিস্ নাকি ?

এবার ক্ষ্যান্ত রাগ সামলাইতে না পারিয়া বোস-গিন্নীর দিকে মুখ ফিরাইয়া বলিল, পরের বাড়ীর তত্ত্বের ‘পিত্যেশে’ সম্বৎসর আমাদের হা করে’ বসে থাকতে হয় না মা ! আমরা রোজই এমনি ঢেকুর তুলে থাকি ।

বোস-গিন্নীর অন্তরে খোঁচা লাগিল—চাকরাণীর মুখে এমন উত্তর শুনিয়া রুগ্ন হইয়া বোস-গিন্নী বলিল, ক্ষ্যান্তি ! আমরাই বুঝি তত্ত্বের আশায় হা করে’ বসেছিলাম ?

ক্ষ্যান্ত বলিল, তা যদি না থাকবেন, তবে এমন ঢাক বাজিয়ে লোক জানাজানি কর্ছেন কেন ? আজ কাল ছোটলোকের ঘরেও পূজার সময় তত্ত্ব এসে থাকে ।

বোস-গিন্নী রোষভরে বলিল, বটে ! তোর ছোট মুখে এত বড় কথা ! আমরাও কি ছোটলোকের দলে ?

ক্ষ্যান্ত বলিল, কারো গায়ে ছোট লোক ভদ্রলোকের ‘ছাপ’ দেওয়া থাকে না । আপনি ভদ্রঘরের গিন্নী—আমি ছোটলোক চাকরাণী । আপনি আমার সঙ্গে ঠাট্টা বিজ্ঞপ আরম্ভ করে’ দিয়েছেন, আপনার ভদ্রতা কেমন ?

ঠিক সেই সময় রণরন্ধিনী মূর্তিতে ছাদের উপর দেখা দিল, শ্রীমতী হরসুন্দরী । বোস-গিন্নীর সব কথা তাহার কানে গিয়াছিল—আগুন-ভরা বোমার মত উপরে উঠিয়া আসিয়া হরসুন্দরী গর্জ্জন করিয়া বলিল, বোস-গিন্নি ! তোমরা কি ভদ্রলোক ?

ঘোষ-গিন্নীকে কোন্দলে পরাজয় করা বোস-গিন্নীর সাধ্যাতীত বেগতিক দেখিয়া পলায়নোত্তত হইয়া বোস-গিন্নী বলিল, আমার

ভঙ্গলোক হ'ব কি করে' ? আমরা ত চামার কসাইএর সঙ্গে কুটুস্থিতে করিনি ?

ঘোষ-গিন্নী নিজ মুখে নিজের কুটুস্থিকে চামার কসাই বলিয়া ঘোষণা করিয়াছে, বোস-গিন্নী সেই কথাই খোঁচা দিয়া ছাদ হইতে পলায়ন করিয়া আত্মরক্ষা করিল। হরসুন্দরী নিজের কথায় নিজে ঠকিয়া বেয়াকুবের মত মুখভার করিয়া নীচে নামিয়া গেল।

হরসুন্দরী নফরচন্দ্রের কাছে গিয়া গর্জন করিয়া বলিল, এমন ছোটলোকের বাড়ীর পাশে তোমার বাপ ঠাকুরদা বাড়ী করে-ছিলেন ?

কাল বৈশাখী মেঘের গর্জন শুনিয়া নফরচন্দ্র ভীতভাবে বিজড়িত-স্বরে বলিল, কেন, হয়েছে কি ?

হরসুন্দরী বলিল, হ'বে আর কি ? বোস-গিন্নী ছোট মুখে বড় কথা শুনিয়া গেল। এক হতভাগার সঙ্গে কুটুস্থিতা করে' বসেছ। পূজার সময় মান রাখলে না, এখন লোকের কাছে মুখনাড়া সহিতে হচ্ছে। ইচ্ছা করে, গলায় দড়ি দিয়ে মরি।

যথার্থই যদি গিন্নী গলায় একটা ফাঁসি লাগাইয়া দেহত্যাগ করে, তাহা হইলে নফরচন্দ্রের উপায় ! আশী বছর বয়সে আর ত চতুর্থ-পঞ্চের আশা নাই। মহাভীতভাবে নফরচন্দ্র বলিল, যাঁ—বল কি ! তুমি গলায় দড়ি দেবে ? না—না—অমন কষ্ট করো না গিন্নি ! তাহ'লে আমি হাফিয়ে মারা যাব। বলিয়াই নফরচন্দ্র হরসুন্দরীর হাত ধরিল। ভক্তি দেখিয়া হরসুন্দরী সবলে হাত টানিয়া লইয়া বলিল, মরণ আর কি ! ধাক্কা খাইয়া নফরচন্দ্র গৃহিণীর পদতলে লুটাইয়া পড়িল।

পূজার তত্ত্ব

জরা-জীর্ণ বৃদ্ধ নফরচন্দ্রের হাত ধরিয়া তুলিয়া হরমুন্দরী স্বামীর
পায়ের ধূলা মাখান্ন লইল। অমনি বৃদ্ধের মুখে গালপোরা হাসি
বাহির হইল। আশীর্বাদ করিয়া বলিল, বেঁচে থাক—বেঁচে থাক—
শত্রুর মুখে ছাই দিলে তোমার এক শ বছর পরমায়ু হ'ক।

ঠিক সেই সময় নফরচন্দ্রের জ্যেষ্ঠ পুত্র অমুকুল চন্দ্র একখানি পত্রিকা
হস্তে লইয়া সেইখানে উপস্থিত হইল।

(৩)

হরসুন্দরী জিজ্ঞাসা করিল, কোথায় পত্র ?

অন্নকুল বলিল, মা ! প্রকাশের স্বাভাবিক কঠিন ব্যারাম হয়েছে, জীবন-সঙ্কট অবস্থা । সিমলা থেকে পত্র এসেছে । সেইজন্য প্রকাশের স্বস্তির পূজার তত্ত্ব করতে পারেন নি । তিনি লিখেছেন, তত্ত্বের পাণ্ডনাটা পরে কড়ায় গণ্ডায় মিটিয়ে দেবেন ।

বিকৃতকণ্ঠে রুষ্টস্বরে হরসুন্দরী বলিল, ও সব সেয়ানামি কার কাছে ? পূজার সময় তত্ত্ব পাঠালে না—পরে কি আমার শ্রাবকের তত্ত্ব পাঠাবে ? ছোট লোক জানে না, বড় ঘরে কাজ করলে বড় রকম খরচ করতে হয় ?

বিরক্তভাবে অন্নকুল বলিল, ই্যা মা ! বিপদে পড়ে তত্ত্বটা করে' উঠতে পারেন নি বলে' তুমি কুটুস্বকে এত গালিগালাজ করছ ?

ক্রোধভরে হরসুন্দরী বলিল, কেন গাল দেব না—এক শ বার দেব, সে ছোটলোক, তার চোদ্দ পুরুষ ছোটলোক ।

অন্নকুল বলিল, নিজের কুটুস্বকে নিজে ছোটলোক বলছ, আর পরের কাছে তারই 'খোঁটা' খেয়ে মবছ । এইমাত্র বোস-গিন্নী তোমাকে কি উত্তরটা দিয়ে গেল, শুনে লজ্জা হ'ল না ? ছিঃ !

পূজার তত্ত্ব

বেহাইএর বিপদের কথা শুনিয়া কর্তা সহানুভূতির স্বরে বলিল, তাইত ! বেহাইএর বড় বিপদ দেখছি ! ছোট খাটো বিপদ নয়—বেহানের অস্থখ । যদি তেমন কিছু ঘটে, সর্বনাশ হ'বে যে ! গৃহশূন্ত হওয়া যে কি দায়, তা যে আমি ছ'বার ভুগে বুঝতে পেরেছি । আহা ! বেহাইএর বড় বিপদ গো বড় বিপদ !

হরস্বন্দরী চোখ রাঙ্গাইয়া ধমক দিয়া বলিল, কিসের বিপদ ! বাড়ী শুদ্ধ মরে' উজাড় হ'য়ে যা'ক না কেন, তবু তত্ত্বের ভুল হ'বে ?

অনুকুল বলিল, বল কি মা ! দায়ে পড়ে কি লোকের দোষ ঘাট হয় না ? আমাদের বোন পুঁটুর ত সে দিন বিয়ে দিয়েছ ? এবার পূজোর সময় কতটা তত্ত্ব করেছ, বলত ?

অন্তরে একটা খোঁচা খাইয়া দুই একটা ঢোক গিলিয়া হরস্বন্দরী বলিল, যদি না করে' থাকি, হয়েছে কি ?

অনুকুল বলিল, তারা যদি এমনভাবে আমাদের গাল দেয় ?

পুঁটু নিকটেই দাঁড়াইয়া ছিল । সে বলিল, না বড়দা ! আমার স্বপ্নের তেমন অভদ্র লোক নন । জ্যৈষ্ঠ মাসে আম কাঠালের তত্ত্ব হয়নি কিন্তু তিনি একটুও গাল-গালাজ করেন নি । শুদ্ধ তিনি আমার স্বাশুড়ীকে বলেছিলেন, বেহান্ আমার মেদিনীপুরের মেয়ে—উড়ের দেশের নিকটে বাস, তত্ত্ব-তাবাস কি করে' করতে হয়, ভাল করে' শেখেন নি । ভদ্রতা শিখতে এখনও ঢের দেবী ।

অনুকুল মুহূহাস্য করিয়া মুখ নীচু করিল । সে হাসি দেখিয়া হরস্বন্দরীর গা জলিয়া উঠিল । রাগে অগ্নি-অকতার হইয়া হরস্বন্দরী কণ্ঠকে লক্ষ্য করিয়া বলিল, গাল দেবে তাদের সাধ্য কি ? জানিস্, আমার ঘরের মেয়ে নিয়ে তার চোদ্দ পুরুষ উদ্ধার হয়েছে ? আমরা কি ছোটলোক দাস, দত্ত ?

অমনি অন্নকুল বলিল, তুমি ত মা ! হাঁসখালির দত্তদের ঘরের মেয়ে । তোমাকে ঘরে এনে আমার ঠাকুরদাদার কত পুরুষ উদ্ধার হয়েছে ?

পিতার কুলে আঘাত পড়াতে হরস্বন্দরীর কণ্ঠস্বর পঞ্চম হইতে কড়িমধ্যমে নামিয়া আসিল । কিন্তু পরক্ষণেই সপ্তমে সুর চড়াইয়া গৃহিণী বলিল, অহু ! তোদের ভাগ্য ভাল, তাই হাঁসখালির দত্তদের মাতুল পেয়েছিলি ?

অন্নকুল বলিল, কেন মা ! দাস দত্ত হঠাৎ গরম হ'য়ে উঠলো কি করে' ?

হরস্বন্দরী বলিল, ওরে তাদের আট ঘাট বাঁধা । কত ঘোস বোস মিড়ির তাদের আন্তাকুড়ে গড়াগড়ি যাচ্ছে ।

অন্নকুল বলিল, বটে ! শুনেছি, হাঁসখালির দত্তরা নাকি জেলে পাটনীর বংশ ।

প্রবাদ বা অপবাদ আছে, হাঁসখালির দত্তদের কোন পূর্বপুরুষ মাছের ব্যবসা করিয়া প্রচুর অর্থ উপার্জন করিয়া বড়লোক হইয়াছিলেন । অন্নকুলের মুখের কথা সমাপ্ত হইতে না হইতে হরস্বন্দরী উঠিয়া দাঁড়াইয়া বাগেত্রী আলাপ করিয়া বলিল, পাজি ! নচ্ছার ! তোর ছোট মুখে বড় কথা ?

মাথা নীচু করিয়া অন্নকুল বলিল, সত্যি কথা বললে, রাগ কর কেন ? তোমার পিতৃকুলে এ অপবাদ নাই মা ?

দুনিয়ার হরস্বন্দরীকে সকলেই ভয় করিয়া চলিত, কেবল এই পেটের ছেলে অন্নকুলচন্দ্রই মাঝে মাঝে তাহার উপর দৌরাড্যা করিত । পুত্রের ব্যবহারে অসন্তুষ্ট হইয়া নফরচন্দ্র বলিল, অন্নকুল ! অপবাদ

পূজার তত্ত্ব

সত্যই হ'ক, আর মিথ্যাই হ'ক, গর্ভধারিণীর সঙ্গে কথা কাটাকাটি কোন ভদ্র-সন্তানের করুতে নাই, তা তুমি জান ?

পিতা রুষ্ট হইয়াছেন, কাজেই আর কথা বলা উচিত নয় ভাবিয়া অম্বুকুলচন্দ্র পৃষ্ঠ প্রদর্শন করিল। হরসুন্দরী অনেকক্ষণ বকাবকি করিল। চীৎকারে যখন গলা ভাঙ্গিয়া গেল, তখন তাহার স্বর নরম হইয়া আসিল। হরসুন্দরী শেষে মীমাংসা করিল, বউ বেটা আগে ঘরে আসুক, এর শোধ নিয়ে ছাড়বো।

বাধ্য হইয়া কর্তাকেও গৃহিণীর সেই এক তরফা মীমাংসায় গৌজামিল দিতে হইল।



(৪)

প্রকাশচন্দ্রের স্বস্তর হেমবাবু সিমলা পাহাড়ে বড়লাটের আফিসে হোম ডিপার্টমেন্টে চাকরী করেন। গত বৈশাখ মাসে তিনি ছুটি মইয়া কলিকাতায় আসিয়া চারি পাঁচ হাজার টাকা ব্যয় করিয়া পটলডাঙ্গায় 'বড়ঘরে' আদরের কন্যা শৈবলিনীর বিবাহ দিয়াছেন। কন্যার বিবাহের পর ষথাসময়ে সপরিবারে তিনি সিমলায় ফিরিয়া গেলেন।

হঠাৎ হেমবাবুর স্ত্রী স্বরবালা কঠিন রোগে আক্রান্ত হইল। প্রথমে তাহার বুকে সর্দি লাগে—সামান্য বলিয়া অগ্রাহ্য করিয়া অত্যাচার করিল। রোগ, ঋণ আর আগুন যত সামান্যই হ'ক না কেন, প্রথমে অগ্রাহ্য করিলে পরিনামে ভয়ঙ্কর হইয়া উঠে। অত্যাচারের ফলে সেই সামান্য সর্দি বুক জুড়িয়া বসিল—ফুস ফুস আক্রান্ত হইল। বিস্তৃত চিকীৎসক বুক পরীক্ষা করিয়া মুখভার করিয়া বলিলেন, যক্ষ্মার লক্ষণ। হেমবাবুর মাথায় আকাশ ভাঙ্গিয়া পড়িল।

কন্যার বিবাহে অনেক অর্থ ব্যয় হইয়াছে—সঞ্চিত ধন ফুরাইয়া গিয়াছে—কিছু ঋণও হইয়াছে। পত্নী স্বরবালার যে অসুখ, তাহাতে প্রচুর

পূজার তত্ত্ব

অর্থ ব্যয় প্রয়োজন। সিমলা পাহাড় স্বাস্থ্যকর স্থান হইলেও ডাক্তারে ব্যবস্থা করিল, আলমোরা কিম্বা কাশ্মীর প্রদেশে রোগীকে সম্বর স্থানান্তরিত করা প্রয়োজন। হেমবাবু ভাবিয়া অস্থির হইলেন, কি প্রকারে পত্নীকে স্থানান্তরে লইয়া যাইবেন। পরাধীন চাকরী, কন্টার বিবাহে একবার ছুটি লইয়াছেন। আবশ্যক হইলে যদিও পুনরায় দুই এক মাস ছুটি লইতে পারেন কিন্তু সেই অল্প সময়ের মধ্যেই যে তাঁহার পত্নী দুরারোগ্য ব্যাধির হস্ত হইতে নিস্তার লাভ করিতে পারিবে, তাহারই বা স্থিরতা কি ?

হেমবাবু বড় বিপন্ন হইলেন। পত্নী স্মরণে তাঁহাকে চিন্তিত দেখিয়া বলিল, তুমি ভেবো না—আমাকে স্থানান্তরিত করিতে হ'বে না। এইখানে ঔষধ খেয়ে ভাল হ'য়ে যাব।

স্মরণের মনের উদ্দেশ্য কি, তিনি বিলক্ষণ হৃদয়ঙ্গম করিতে পারিলেন। স্মরণে বুঝিয়াছিল, তাহাকে কাল-রোগে ধরিয়াছে, নিস্তার পাইবার কোন উপায় নাই। তাহার স্মৃতিস্রাব জন্ম ব্যস্ত হইলে স্বামীকে অর্থাভাবে বিপন্ন হইতে হইবে—রোগ সারিতে কিম্বা তাহার মৃত্যু ঘটিতে বিলম্ব হইলে হয়ত তাঁহার চাকরী যাইবার আশঙ্কা উপস্থিত হইবে। শেষে কি স্বামীকে ধনে প্রাণে মজাইয়া পথের ভিখারী করিয়া যাইবে? তাহাই স্মরণে জেদ করিয়া বসিল, সিমলার পাহাড় ছাড়িয়া সে এক পাও নড়িবে না।

হেমবাবু বলিলেন, অস্ত্রায় জেদ করুছ কেন স্মরণে ?

স্মরণে বলিল, অস্ত্রায় নয়, আমি বেশ বুঝিতে পেরেছি, আমাকে কালে ধরেছে, আমার অব্যাহতি নাই। তবে অনর্থক অর্থ ব্যয় করে' কেন সর্বস্বান্ত হ'বে ?


পুজার তত্ত্ব

হেমবাবু বলিলেন, যদি তুমি চলে যাও, আমার সর্বস্বান্তের বাকি কি থাকবে? বরং ‘যতক্ষণ শ্বাস—ততক্ষণ তল্লাস’, স্বেচ্ছারোগে কি লোক বাঁচে না? ডাক্তার সাহেব বলেছেন, এখনও আশা আছে।

স্বরবালা বলিল, ডাক্তার সাহেব তোমাকে যতই ভরসা দিন না কেন, আমার শরীরের অবস্থা আমি বেশ বুঝতে পারছি, আমার নিস্তার নাই। তুমি বুক বাঁধ।

স্বরবালা যাহাই বলুক, হেমবাবু কিন্তু বুক বাঁধিতে পারিলেন না। রোগিনীর মনের এ দুর্বলতা তিনি রোগেরই একটা লক্ষণ ভাবিয়া লইলেন। কাজেই তিনি দৃঢ়প্রতিজ্ঞ হইলেন, স্বরবালা যতই আপত্তি করুক না কেন, তাহার সূচিকীংসার ব্যবস্থা করিতেই হইবে, নতুবা তাঁহার কর্তব্য হানি হইবে।

তাঁহার কতকগুলি পুত্র-কন্যা। শৈবলিনী তাঁহার জ্যেষ্ঠা কন্যা—তাঁহার বয়স চতুর্দশ বর্ষ। সে বিবাহিতা হইয়াছে, দুদিন পরে স্বশ্রমালয়ে চলিয়া যাইবে। যদি স্বরবালার কোন অমঙ্গল ঘটে, তিনি নাবালক পুত্র-কন্যাগণকে লইয়া কি প্রকারে সংসার-যাত্রা নির্বাহ করিবেন? স্বরবালার সহস্র আপত্তিতে কর্ণপাত না করিয়া তিনি দুই মাসের ছুটির দরখাস্ত করিলেন—ছুটি মঞ্জুর হইয়া গেল। এক মাসের বেতন পাইয়া ও ঋণ করিয়া কিছু অর্থ সংগ্রহ করিয়া তিনি ডাক্তারের উপদেশ মত সপরিবারে আলমোরা যাত্রা করিলেন।



(৫)

যে আলমোরায় গেলে মরা রোগী বাঁচিয়া যায়, সেই আলমোরায় উপস্থিত হইয়া স্বরবালার রোগ আরোগ্য হওয়া দূরে থাকুক, অধিকতর বৃদ্ধি পাইল। পূর্বে স্বরবালা চলিয়া ফিরিয়া বেড়াইতে পারিত, এখানে আসিয়াই একেবারে শয্যাগত হইল। রোগ উত্তরোত্তর বৃদ্ধি পাইতে লাগিল, হেমবাবুর আশা ভরসা সব গেল কিন্তু তবুও তিনি হাল ছাড়িয়া দিলেন না। ঝড়ে নোকা দরিয়ার বুকে ডুবিতে বসিয়াছে, তবুও জোর করিয়া হাল ধরিয়া বসিয়া আছেন, যদি তুকানের বুক ভাঙিয়া একটা চেউ আসিয়া তরী কূলে তুলিয়া দিয়া যায়। তিনি মনস্থ করিলেন, আলমোরা ত্যাগ করিয়া কাশ্মীরে যাইতে হইবে।

তিনি মনস্থ করিলেন বটে কিন্তু আর অর্থ নাই। স্বরবালা বলিল, আর কেন, ঢের হয়েছে। তোমার ছুটাও ফুরিয়ে এসেছে—আমার দিনও নিকট হয়েছে। চল, সিমলার ফিরে যাই। হেমবাবু তাহাতে কর্ণপাত না করিয়া অর্থ সংগ্রহের চেষ্টা করিতে লাগিলেন। কিন্তু এই

বন্ধু-বান্ধবহীন অপরিচিত স্থানে অর্থ পাইবেন কোথায় ? তিনি চিন্তিত হইলেন। তখনও তিনি আশা করিয়াছিলেন, হয়ত কাশ্মীরে গেলে সুফল ফলিতে পারে।

শঙ্কর নামে হেমবাবুর এক বিশ্বস্ত ভৃত্য ছিল। ষোল বৎসর পূর্বে হেমবাবু যখন প্রথম চাকরী পাইয়া সপরিবারে সিমলার আসিয়াছিলেন, তখন তিনি পথে রেল-স্টেশনে এই ভৃত্যটাকে কুড়াইয়া পাইয়াছিলেন। ত্রিসংসারে শঙ্করের কেহ ছিল না। রুগ্ন অবস্থায় সে স্টেশনে পড়িয়াছিল—লোকের কাছে হাত পাতিয়া ভিক্ষা করিয়া সে দিন কাটাইতেছিল। তাহার দুঃখের কথা শুনিয়া হেমবাবুর স্ত্রী সুরবালার দয়া হইল। তাহাকে সিমলার পাহাড়ে আনিয়া চিকীৎসা করাইতে রোগ ভাল হইয়া গেল। সেই অবধি সে হেমবাবুর পরিবারভুক্ত হইয়া মাসিক দশ টাকা বেতনে ভৃত্যের কার্য করিতে লাগিল।

শঙ্কর পশ্চিম দেশীয় হিন্দুস্থানী—বর্তমানে তাহার বয়স চল্লিশের উপর। সে ছোট পুট ও বলিষ্ট। সুরবালাকে সে মা বলিয়া ডাকিত। সুরবালার পুত্র-কন্যাদের সে কাঁধে গিঠে করিয়া মাহুয করিত। সুরবালাকে আজ মৃত্যুশয্যায় শায়িত দেখিয়া কৃতজ্ঞ প্রভুভক্ত শঙ্করের বুক কাটিয়া গেল। আলমোরার আসিয়াও যখন সুরবালার রোগের প্রতিকার হইল না, তখন শঙ্কর চোখের জলে বুক ভাসাইতে লাগিল। সুরবালাকে কাশ্মীরে লইয়া বাইবার জন্ত যখন হেমবাবু আকুল হইয়া পড়িলেন, কিন্তু অর্থান্ধাবে সক্ষম হইতেছিলেন না, তখন শঙ্কর ধীরপদে হেমবাবুর সম্মুখে উপস্থিত হইয়া বলিল, কাশ্মীরে গেলে মা আমার ভাল হ'বেন ?

পূজার তত্ত্ব

হেমবাবু কাতর দৃষ্টিতে শঙ্করের মুখের দিকে তাকাইয়া বলিলেন, শেষ চেষ্টা করে' দেখা আমার কর্তব্য কিন্তু আমার যে অর্থ নাই শঙ্কর ?

শঙ্কর বস্ত্রমধ্য হইতে একটা টাকার থলে বাহির করিয়া হেমবাবুর সম্মুখে রাখিয়া বলিল, বাবু ! টাকার ভাবনা নাই, আপনি আমার মাকে ভাল করুন। শঙ্কর বালকের মত কাঁদিয়া ফেলিল।

হেমবাবু বিস্মিতভাবে শঙ্করের মুখের দিকে তাকাইয়া রহিলেন। শঙ্কর পুনরায় বলিল, একদিন আমি মৃত্যুতে বসেছিলাম, মা আমাকে কত বড়ে সেবা করে' বাঁচিয়েছিলেন। আমার এতকালের সঞ্চিত অর্থ আজ আমি মার সেবায় ব্যয় করে' ঋণ পরিশোধ করবো বাবু !

হেমবাবুর দুই চক্ষু হইতে দর দর ধারায় অশ্রু ঝরিতে লাগিল। অদূরে রোগ শয্যায় শায়িতা সুরবালার চক্ষু হইতেও অশ্রু ঝরিয়া পড়িল। সুরবালা কীণকণ্ঠে বলিল, শঙ্কর ! শঙ্কর !

শৈবলিনী নিকটে দাঁড়াইয়া ছিল—ছুটিয়া গিয়া শঙ্করের হাত ধরিয়া অশ্রুসিক্তনয়নে বলিল, শঙ্কর দা ! তুমি যথার্থই আমাদের বড় ভাই !

শঙ্কর বলিল, দুনিয়ায় আমার কেউ নাই। তোমরাই আমার যথাসর্বস্ব। আজ যদি মা আমাদের ত্যাগ করে' চলে যান, আমরা কোথায় ভেসে যাব দিদি !

সুরবালা বলিল, শঙ্কর ! অনর্থক অর্থ ব্যয় করো না বাবা ! বেশ বুঝতে পারছি, আমি বাঁচবো না। টাকাগুলো রেখে দাও, তোমার ত একটা পরিণামের চিন্তা আছে ?

শঙ্কর বলিল, যদি নাই বাঁচ, আমাদের আপশ্রোষ থাকে কেন, একবার শেষ চেষ্টাটা করে' দেখা যা'ক।

অবিলম্বে হেমবাবু আলমোরা হইতে কান্দীর যাত্রা করিলেন। হৃদের ধারে একটা 'বাংলো' ভাড়া করিয়া বাস করিতে লাগিলেন। স্থানের গুণে প্রথমে রোগিনী অনেকটা উপকার বোধ করিল কিন্তু অল্পদিনের মধ্যে আবার পূর্বের অবস্থা ফিরিয়া আসিল। এত অর্থ ব্যয় করিয়া অনেক সেবা-শুশ্রূষা করিয়া কিছুই ফল হইল না। হেমবাবু পরিণাম বুঝিতে পারিলেন। হতাশ হইয়া তিনি সপরিবারে পুনরায় সিমলায় চলিয়া আসিলেন।

সুরবালার অবস্থা অত্যন্ত শোচনীয়—হেমবাবু কপর্দক শূন্য হইয়াছেন। ঠিক সেই সময় দুর্গাপূজা উপস্থিত। সহসা তাঁহার মনে পড়িল, সম্প্রতি শৈবলিনীর বিবাহ হইয়াছে, তাহার স্বশ্রবণী পূজার তত্ত্ব পাঠাইতে হইবে—না পাঠাইলে বড় ঘরের মর্যাদা-হানি হইবে। কিন্তু উপায় কি? প্রতি মুহূর্তে সুরবালার মৃত্যু হইবার সম্ভাবনা, তাহার উপর দারুণ অর্থকষ্ট উপস্থিত হইয়াছে। বিপদে পড়িয়া কৃতজ্ঞ প্রভুভক্ত ভূত্য শঙ্করের সন্ধিত অর্থ গ্রহণ করিয়া আত্মরক্ষা করিতে হইতেছে। কাজেই নিতান্ত বিপন্ন অবস্থায় পড়িয়া তিনি ক্রটি স্বীকার করিয়া পটলডাকার বৈবাহিককে পত্র প্রদান করিলেন। নিজের বিপদের কথা জানাইয়া পরমাখ্যায়ের কাছে সহানুভূতি পাইলেন না, পটলডাকার ঘোষেরা একখানা পোষ্টকার্ড লিখিয়াও তাঁহার মজলামজলের সংবাদ লইল না। হেমবাবুর মনোকষ্টের অবধি রহিল না।

(৬)

কন্তা শৈবলিনী দিবারাত্র মূৰ্খ জননীর পার্শ্বে বসিয়া সেবা করিতে লাগিল। ছোট ছোট ভাই ভগিনীগুলির মূখের দিকে তাকাইতে আর কেহ নাই। হেমবাবু পুনরায় চাকরীতে যোগদান করিয়াছেন, কাজেই বালিকা হইলেও শৈবলিনীই তাহাদের একমাত্র অবলম্বন হইয়াছে। শঙ্কর চাকর হাড়ভাঙ্গা পরিশ্রম করিয়া সংসারের সব কাজ করিতেছে, ছেলেমেয়েরা দুষ্টামি করিলে তাহাদের চোখ রাঙ্গাইয়া ঠাণ্ডা করিয়া দিতেছে, আবার তাহারা ক্ষুধার জ্বালায় কাঁদিয়া উঠিলে সম্মুখে তাহাদের বুক তুলিয়া লইয়া চোখের জলে নিজের বুক ভাসাইতেছে।

সুরবালা ক্ষীণকণ্ঠে বলিল, শৈবলিনি! মা আমার, এত অল্প বয়সে তুই এমন সেবা করিতেও শিখেছিস? রোগের যাতনা আমি একটুও বুঝিতে পারি নে। মা! দেবতার মত স্বামী, তোমার মত কন্তা, শঙ্করের মত ভৃত্য বার আছে, মরণেও তার দুঃখ নাই। কেবল দুঃখ হচ্ছে অই অপগণ্ডুলোর জন্ত। তুমি খণ্ডর ঘরে চলে গেলে কে ওদের মানুষ করবে? সুরবালার কোটরাগত চক্ষু জলে ভরিয়া গিয়া গণ্ডুল প্রাবিত করিতে লাগিল।

শৈবলিনী নিজের চোখের জল মুছিয়া স্বীয় বসনাঞ্চলে জননীর চোখের জল মুছাইতে লাগিল। ইতিপূর্বে শঙ্কর চাকর বালক বালিকাদের লইয়া পাহাড়ের উপর বেড়াইতে গিয়াছিল। এই সময় সে বাড়ী ফিরিয়া আসিল। একটি বালক তাহার কক্ষে, একটি বালিকা তাহার কক্ষে, অপর বালকের হাত ধরিয়া সে ধীরপদে কক্ষ-মধ্যে প্রবেশ করিল। শঙ্কর নিজের অর্থ ব্যয় করিয়া তাহাদের খাবার কিনিয়া দিয়াছিল, তাহারা মনের আনন্দে খাইতেছিল।

সে দৃশ্য দেখিয়া সুরবালা অবাক হইয়া রহিল। শৈবলিনী বলিল, শঙ্কর দা! ওরা ত বড় হয়েছে, চলতে পারে। তবে কেন তুমি ওদের ঘাড়ে পিঠে করে' ব'য়ে বেড়াও ?

শঙ্কর বালক বালিকাদের নামাইয়া দিয়া বলিল, তোদের ঘাড়ে পিঠে করে' ব'য়ে বেড়াবার জন্তই যে ভগবান আমাকে সংসাকে পাঠিয়েছেন। তুই ভুলে গেলি দিদি! আমার কাঁধে পিঠে চড়ে ত তুই এত বড়টা হয়েছিস।

শৈবলিনীর লজ্জা হইল। সে পিতামাতার প্রথম সন্তান— শঙ্কর চাকর তাহাকে যত কোলে পিঠে করিয়াছে, আর কাহাকেও তত করে নাই। অপর ভাই ভগিনীগুলি যদি সে অধিকার পায়, তাহার ত ঈর্ষা করা উচিত নয়। কিন্তু শৈবলিনী ঈর্ষাভরে কথাগুলি বলে নাই। শঙ্করের ত্যাগ ও কর্তব্যপরায়ণতায় শৈবলিনীর হৃদয় তাহার উপর প্রকায় ভরিয়া গিয়াছে। শঙ্করকে সে আজ সামান্ত ভৃত্য মনে করিতে পারে না—সে যেন তাহাদের পরমাত্মীয়। শৈবলিনী বলিল, শঙ্কর দা! মার অসুখ—আমি দিনরাত্রি মার সেবা করছি। সংসারের সব কাজ এখন তোমাকে করতে হয়।

পূজার তত্ত্ব

তুমি দাদা ! অবসর মত একটু আধটু বিশ্রাম করো, নয়ত শরীর ভাল থাকবে কেন ?

শঙ্কর বলিল, বড় দরদী বোন্ হয়েছিস্ বে ! আমার ছোট ছোট ভাই বোন্গুলোর যদি কষ্ট হ'ল, তবে আমার শরীর ভাল থেকেই বা লাভ কি ? শৈবি ! তোকে কোন চিন্তা করতে হ'বে না, আমি ওদের নিয়ে বেশ আছি ।

যথার্থই শঙ্কর ছেলেমেয়েদের ভালবাসিত—তাহাদের মত্ন করিত কিন্তু তাহার একটা দোষ ছিল, সে তাহাদের দুষ্টামি আদৌ বরদাস্ত করিতে পারিত না । যখনই তাহারা দুঃস্থপণা করিত, শঙ্কর চোখ রাঙ্গাইয়া তাহাদের পেটের 'পিলে' চম্কাইয়া দিত অথবা গণ্ডে এমন চপেটাঘাত বসাইয়া দিত যে পাঁচ মিনিট কাল হা করিয়া তাহারা চীৎকার ছাড়িয়া কাঁদিত । পরক্ষণে শঙ্কর নিজেই সন্দেশ রসগোল্লা কিনিয়া আনিয়া আবার তাহাদের হা বুজাইয়া দিত ।

সুখে দুঃখে এইভাবে কিছুদিন কাটিয়া গেল । তাহার পর, একদিন সুরবালা পুত্র-কন্যাগণকে অকালে মাতৃহীন করিয়া স্বামীকে অনন্ত শোক-সাগরে ডুবাইয়া শঙ্কর চাকরের বুক ভাজিয়া দিয়া পরলোকে প্রস্থান করিল । হেমবাবু কাঁদিয়া আকুল হইলেন—শৈবলিনী পাগলিনীর মত হইল—আর শঙ্কর চাকর ছোট ছেলে মেয়েদের বকের মধ্যে চাপিয়া রাখিয়া বালকের মত স্নেহন করিতে লাগিল ।

অবিলম্বে বন্ধু বান্ধবেরা আসিয়া মৃতদেহ সৎকারের জন্ত শ্রমশানে লইয়া গেল । পাহাড়ের উপর ক্ষুদ্র ঝরণার ধারে চিতা জলিয়া উঠিল । শঙ্কর চাকর ছেলেমেয়েদের বকে করিয়া দূরে বসিয়া সেই

পূজার তত্ত্ব

চিতার পানে একদৃষ্টে তাকাইয়া রহিল। সে মনে মনে ভাবিতে লাগিল, মার সোনার অঙ্গ এমনি করে' চিতার আঙনে পুড়ে ছাই হ'য়ে গেল। মা আমার কোন্ স্বর্গরাজ্যে চলে গেল। পড়ে র'ল, মার এত সাধের সাজানো সংসার। সে সংসারও যে আজ অশান হ'য়ে যায়! মাগো! সোনার রথে উঠে স্বর্গরাজ্যে চলে যাচ্ছ, একবার আমাদের দিকে ফিরে চাও।

ক্রমে চিতা নিভিয়া গেল। শঙ্কর স্বর্ণার জলে ছেলে মেয়েদের স্নান করাইয়া তাহাদের কোলে গিঠে লইয়া ঘরে ফিরিয়া গেল। শৈবলিনী তখন ধূলায় গড়াগড়ি দিয়া কাঁদিয়া আকুল হইতেছিল। হেমবাবু তাহার পার্শ্বে বসিয়া সান্ত্বনা প্রদান করিতে গিয়া নিজেই চোখের জলে বুক ভাসাইতে ছিলেন।

(৭)

পত্নীর আন্ধ শান্তির জন্ত পুনরায় কিছুদিনের ছুটি লইয়া হেমবাবু সপরিবারে কলিকাতায় আসিলেন। ভবানীপুরে তাঁহার পৈতৃক বাস-ভবন ছিল। তাঁহার আত্মীয় স্বজনগণ চারিদিক হইতে ছুটিয়া আসিয়া সহানুভূতি দেখাইল—অনেক আঁহা উছ করিল, কেবল আসিল না, পটলডাকার বড় ঘরের পরমাশ্রী ঘোষেরা। একদিন হেমবাবু নিজে তাহাদের দ্বারস্থ হইলেন, তাঁহার ক্রটির জন্ত বৈবাহিকের হাত ধরিয়া ক্ষমা চাহিলেন কিন্তু তবুও বড় ঘরের মনের গরম মিটিল না। প্রাক্কের সময় নিমন্ত্রণ হইল কিন্তু সে নিমন্ত্রণ রাজারাম ঘোষের পৌত্রবধু হরসুন্দরীর গ্রাহ হইল না—ঘোষ পরিবারের একটি প্রাণীও নিমন্ত্রণ রক্ষা করিতে গেল না।

একে পত্নীশোকে হেমবাবু কাতর হইয়াছেন, পটলডাকার ঘোষদের দুর্ব্যবহারে তিনি আরও মর্মান্বিত হইলেন। প্রাক্কান্তে তিনি পুনরায় কর্মস্থলে যাইতে উত্তোষী হইলেন। সেই সময় পটলডাকার ঘোষদের বাটী হইতে সংবাদ আসিল, তাঁহার কন্যাকে

শ্বশুরালয়ে পাঠাইতে হইবে। হেমবাবুর ইচ্ছা ছিল, শৈবলিনীকে পুনরায় সঙ্গে লইয়া সিমলায় যাইবেন। সংসারে আর কোন বয়স্কা স্ত্রীলোক নাই—চারিদিকে বিশৃঙ্খলা। শৈবলিনী এখন তাঁহার ছেলে মেয়েদের একমাত্র অবলম্বন হইয়াছে—তাঁহার দুই বছরের শিশু পুত্রটি শৈবলিনীর গলার হার হইয়া পড়িয়াছে। শৈবলিনী কিছুদিন তাঁহার সঙ্গে থাকিলে অনেক সুবিধা হইবে, এই ভাবিয়া কত্নাকে শ্বশুরালয়ে পাঠাইতে প্রথমে আপত্তি করিলেন। অমনি পটলডাক্তার অঞ্চল হইতে জোর তুলপ আসিল, পাঠাইবে কি না, স্পষ্ট জানাইবে।

হেমবাবুর হৃদয়ে বিদ্রোহের আগুন জ্বলিয়া উঠিল—তিনিও যেন চোখ রাঙ্গাইয়া উত্তর দিতে প্রস্তুত হইলেন, যদি না পাঠাই! কিন্তু পরক্ষণেই তিনি আত্মসংবরণ করিলেন। কত্নাকে যখন পরের ঘরে দিয়াছেন, তখন আর ত তাহার উপর কোন দাবী দাওয়া চলিতে পারে না। তিনি বুঝিয়াছেন, পটলডাক্তার পরমাত্মীয়দের যেমন প্রবৃত্তি, তাহাতে তাহারা হয়ত কেলেঙ্কারী ঘটাইতে পারে। এমন কি, হয়ত তাহাদের পুত্রের বিবাহ অল্প স্থানে দিয়া বসিতে পারে। কাজেই কত্নার কল্যাণ কামনায় তিনি আর দ্বিধা করিলেন না। কত্নাকে শ্বশুরালয়ে পাঠাইয়া দিবার ব্যবস্থা করিলেন।

শৈবলিনী বসন ভূষণ পরিধান করিয়া কাঁদিয়া আকুল হইতে লাগিল—ছোট ছোট ভাই বোনগুলি তাহাকে জড়াইয়া ধরিয়া কাঁদিতে আরম্ভ করিল—সর্ব্ব কনিষ্ঠ শিশু ভাইটি তাহার কোলে উঠিয়া গলা জড়াইয়া ধরিল। শৈবলিনীর বুক ভাঙিয়া যাইবার

পূজার তত্ত্ব

উপক্রম করিল। শিশুর মুখচুষন করিয়া তাহাকে নামাইতে গেল, সে কিছুতেই নামিতে চাহে না, তাহার বক্ষে মুখ লুকাইয়া ‘দিদি’ ‘দিদি’ বলিয়া ফুলিয়া ফুলিয়া কাঁদিতে লাগিল।

নিকটে দাঁড়াইয়া হেমবাবু সে দৃশ্য চোখে দেখিলেন, বুকে যেন কামানের গোলার আঘাত লাগিল। তিনি হাত বাড়াইয়া শিশুকে কোলে লইতে গেলেন—সে কোলে আসিল না, জোরে দিদির গলা জড়াইয়া ধরিল। তখন নিতান্ত নিষ্ঠুরের মত তিনি সবলে শিশুর হাত ধরিয়া টানিয়া জোর করিয়া তাহাকে ছাড়াইয়া লইলেন। শিশু উচ্চ চিৎকার করিয়া কাঁদিয়া উঠিল, পিতার বুকের উপর আছাড়ি পিছাড়ি করিতে লাগিল। শৈবালিনী বুক বাঁধিয়া পিতার চরণে প্রণাম করিয়া দ্রুতপদে কক্ষ ত্যাগ করিল।

শৈবালিনী বুদ্ধিমতী বালিকা। সম্প্রতি মাতৃহীনা হইয়াছে, আজ তাহার বড় আদরের ভাই ভগিনীগুলি ত্যাগ করিয়া স্বশ্রমালয়ে চলিয়াছে। বালিকার ক্ষুদ্র হৃদয়খানি যেন একটা প্রবল ভূমিকম্পে ভাঙ্গিয়া বাইবার উপক্রম করিল। স্নেহময়ী স্বর্গীয়া জননীর মুখখানি মনে পড়িল—পিতার বিষণ্ণ মুখ ছল ছল দৃষ্টির উপর লক্ষ্য হইল—শঙ্কর দাদা বাঁশের লাঠি হাতে লইয়া মাথা নীচু করিয়া অশ্রুত্যাগ করিতেছে, তাহাও তাহার নয়নগোচর হইল। শৈবালিনীর ক্ষুদ্র হৃদয় আর কত সহ্য করিতে পারে? সে রোরুদ্যমান ভাই ভগিনী-গুলির মুখচুষন করিল। তাহার পর, শৈবালিনী একটা সুদীর্ঘ নিঃশ্বাস ত্যাগ করিয়া—আত্মীয় স্বজনগণকে পশ্চাতে রাখিয়া—রমণী জীবনের চির দাসত্বের বোঝা মাথায় করিয়া চক্ষু মুছিতে মুছিতে অশ্রুধানে গিয়া আরোহন করিল। স্বশ্রমবাহীর ক্যাস্ত

চাকরাণীও গাড়ীতে উঠিল। হেমবাবুর আদেশে শঙ্কর চাকরও কোচবাক্সে কোচমানেব পাশে গিয়া বসিল।

শৈবলিনী গাড়ীর জানালা খুলিয়া আর একবার পশ্চাতে চাহিল। সে দেখিল, তাহার পিতা শিশু পুত্রকে বুকে জড়াইয়া প্রস্তুতমুত্তির মত অচলভাবে দ্বিতলের বারাণ্ডায় দাঁড়াইয়া আছেন—শিশু দিদি দিদি বলিয়া কঁাদিয়া আকুল হইতেছে। অন্ত ভাই বোন্গুলি রেলিং জড়াইয়া ধরিয়া গাড়ীর দিকে চাহিয়া আছে—চোখের জলে তাহাদের বুক ভাসিয়া বাইতেছে। শৈবলিনী সে দৃশ্য আর সহ করিতে পারিল না। ধৈর্যাহীন হইয়া সে নিজেই উচ্চকণ্ঠে বলিল, শঙ্কর দাদা! দেবী করুছ কেন, গাড়ী হাঁকাও। -

গাড়ী ছুটিল—বিষাদের ভরা বুক পূরিয়া শৈবলিনী স্বস্তরালয়ে চলিয়া গেল। অমনি হেমবাবু শিশুকে বুকে করিয়া ছোট ছেলে মেয়েদের লইয়া শয্যার উপর গিয়া আছাড় খাইয়া পড়িলেন। আজ তিনি ভালরূপ বুঝিতে পারিলেন, একমাত্র সুরবালার অভাবে এ সংসার তাঁহার পক্ষে অন্ধকারময় হইয়াছে।

ভবানীপুর হইতে অশ্বষানে উঠিয়া শৈবলিনী পটলডাঙ্গায় উপস্থিত হইল। গাড়ী স্বশুরালয়ের অন্তঃপুরের পার্শ্বে ফটকের নিকট দাঁড়াইল। ক্যাস্ত দাসী প্রথমে গাড়ী হইতে নামিল, তাহার পর, শৈবলিনীকে হাত ধরিয়া নামাইল। শঙ্কর চাকর কোচবার হইতে নামিল। সে শৈবলিনীকে স্বশুরালয়ে রাখিয়া যাইবার জন্ত সঙ্গে আসিয়াছিল। তাহার কার্য শেষ হইয়া গেল। এইবার তাহাকে বিদায় গ্রহণ করিতে হইবে। বাশের লাঠি হাতে লইয়া ধীরপদে সে শৈবলিনীর সম্মুখে গিয়া দাঁড়াইল। তাহার চক্ষু জলে ভরিয়া আসিল। কোমল কণ্ঠে কাতর স্বরে শঙ্কর বলিল, দিদিমণি ! বাড়ী যাই ?

শৈবলিনী অবগুষ্ঠন অঙ্গ অপসারিত করিয়া শঙ্করের মুখের দিকে তাকাইল। তাহার পর, একটা দীর্ঘনিঃশ্বাস ত্যাগ করিয়া বলিল, দাদা !——, শৈবলিনীর কণ্ঠস্বর রুদ্ধ হইয়া গেল—চক্ষু হইতে অশ্রু ঝরিয়া পড়িল—সে মাথা নীচু করিল।

শঙ্কর শৈবলিনীর অতি নিকটে আসিয়া মুখ নীচু করিয়া তাহার মুখের দিকে তাকাইয়া অত্যন্ত স্নেহসূচক বাক্যে বলিল, কি বলতে চাও, বল দিদি ?

শৈবলিনী মুখ তুলিয়া বলিল, আমার বাবাকে যত্ন করো দাদা !

শঙ্কর বলিল, করবো ।

শৈবলিনী বলিল, আমার ভাই বোনদের মেরোনা দাদা !

শঙ্কর বলিল, না দিদি ! আর তাদের মারবো না—একটা রুট বাক্যও আর তাদের বলবো না ।

শৈবলিনী বলিল, তারা বড় অভাগা । তাদের ভালবেসো দাদা ?

“ভালবাসবো ।”

শঙ্করের মুখে আশ্বাসের বাণী পাইয়া শৈবলিনী যেন কতকটা স্বস্তি অনুভব করিল । সে বলিল, মাঝে মাঝে আমার সংবাদ নিয়ো দাদা !

শঙ্কর বলিল, নেব । তবে আসি দিদি ?

মাথা নীচু করিয়া মুহূর্ত্তে শৈবলিনী বলিল, এস । বলিয়াই সে অন্তঃপুরের পথে একপদ অগ্রসর হইল—শঙ্করও কয়েকপদ চলিয়া গিয়া আবার দাঁড়াইল—আবার শৈবলিনীকে দেখিবার জন্য অন্তঃপুরের পথে আকুল দৃষ্টিতে তাকাইল । সে দেখিল, শৈবলিনী তাহার দিকে তাকাইয়া দাঁড়াইয়া আছে ।

শঙ্কর আবার বলিল, তবে আসি দিদি ?

শৈবলিনী বলিল, এস দাদা ।

শঙ্কর আবার কয়েক পদ চলিয়া গেল—আবার পশ্চাতে চাহিল । তখনও দেখিল, শৈবলিনী ঠিক সেইখানে সেইভাবে দাঁড়াইয়া তাহার

পূজার তত্ত্ব

দিকে চাহিয়া আছে। দূর হইতে শঙ্কর উচ্চকণ্ঠে পুনরায় বলিল, তবে আসি দিদি ?

শৈবলিনী কথা কহিল না—শুদ্ধ ঘাড় নাড়াইয়া জানাইল, এস।

শঙ্কর অনেক দূরে চলিয়া গেল—শৈবলিনীও একপদ একপদ করিয়া অন্তঃপুরের দিকে চলিল। শঙ্কর আবার দাঁড়াইল—পশ্চাতে ফিরিল—দেখিল, শৈবলিনী মুখ বাড়াইয়া তাহার দিকে তাকাইয়া আছে—তাহার দুই চক্ষু হইতে দর দর ধারায় অশ্রু ঝরিয়া পড়িতেছে। অতিদূরে দাঁড়াইয়া উচ্চকণ্ঠে চিৎকার করিয়া শঙ্কর বলিল, দিদি ! আসি তবে ?

সে কি কাতর কণ্ঠধ্বনি ! সে কি বুকভাঙ্গা বিদায়ের বাণী ! যেন গভীর বিষাদভরা বেহাগের বাঁশী বাজিয়া উঠিল—কাঁপিয়া কাঁপিয়া সে কণ্ঠধ্বনি শৈবলিনীর ক্ষুদ্র বুকে প্রবল আঘাত করিল। শৈবলিনী দূর হইতেই মাথা নাড়িয়া জানাইল, এস।

শঙ্কর গলিপথ ঘুরিয়া দৃষ্টির বাহিরে চলিয়া গেল। আর সে পশ্চাতে ফিরিয়া চাহিল না। বাঁশের লাঠি কাঁধের উপর ফেলিয়া সে হন্ হন্ করিয়া চলিতে লাগিল, অনেকদূর গেল। বড় রাস্তায় উঠিয়াই সে স্থির হইয়া দাঁড়াইল। আর যেন তাহার চরণ চলিতে চাহে না। কি যেন এক অমূল্য পদার্থ সে পশ্চাতে ফেলিয়া আসিয়াছে—ফিরিয়া গিয়া আবার যেন তাহা বুকে তুলিয়া লইতে ইচ্ছা করিতেছে। দিদির মুখখানা আবার একবার দেখিতে সাধ হইয়াছে। কিন্তু সে আর ফিরিল না—রাস্তার ধারে বাগাণ্ডার উপর সে বসিয়া পড়িল। এক পরসার কাবুলী মটর ভাজা কিনিয়া খাইতে গেল—মুখে যেন বিশ্বাস ঠেকিল। কাগজের ঠোঙ্গা দূর

পূজার তত্ত্ব

করিয়া ফেলিয়া দিল। একটা কুকুর ছুটিয়া আসিয়া ঠোকাটী দুই একবার শুঁকিয়া সেও বোধ হয় বিস্বাদ মনে করিয়া চলিয়া গেল।

শঙ্কর বসিয়া বসিয়া মনে মনে বলিতে লাগিল, দিদি! কত যত্নে তোমাকে মানুষ করেছি, না খেয়ে তোমাকে খাওয়ায়েছি, আজ তোমাকে ঠাকুর বিসর্জনের মত পরের হাতে সমর্পণ করে' চলে যেতে হ'ল। তোমাকে না দেখে কি করে' যে আমি বেঁচে থাকবো, ঠিক করে' উঠতে পারছি নে। হতভাগা আমি—সংসারে আমার কেউ নাই। তোমার পিতামাতা এ পথের জঞ্জালটাকে কুড়িয়ে এনে গলগ্রহ করেছিলেন—আমিও এ যাবৎ তোমাদের গলায় হার করে' পরম সুখে ছিলাম। কিন্তু আমার কপাল পোড়া—মা ক'ঁকি 'দয়ে চলে গেলেন—তুমিও পরের ঘরে গিয়ে আশ্রয় নিলে। কার মুখের দিকে চেয়ে আমি বাঁচবো? দিদি! তোমাকে যে আমি কত ভালবাসি, কি করে' তা জানাবো?

হতভাগা শঙ্করের দুই চক্ষু হইতে দর দর ধারায় অশ্রু ঝরিতে লাগিল। সে অনেকক্ষণ সেইখানে বসিয়া কাঁদিল। তাহার পর, আন্তে আন্তে উঠিয়া বাঁশের লাঠি কাঁধে লইয়া ভবানীপুরের দিকে হাঁটিয়া চলিল।

বিবাহের পর শৈবলিনী আর কখনও স্বশ্রাৱগ্নে আসে নাই—
 এই তাহার দ্বিরাগমন। ক্যাস্ত দাসী শৈবলিনীকে অস্তঃপুরে লইয়া
 গেল। অল্প কোন পরিজন আসিয়া আদর করিয়া শৈবলিনীর
 সহিত একটা কথাও কহিল না—তাহার মুখের দিকে কেহ ফিরিয়াও
 চাহিল না। শৈবলিনী দ্বিতলে একটা প্রকোষ্ঠের সম্মুখে অবগুষ্ঠনবতী
 হইয়া চুপ্ করিয়া দাঁড়াইয়া রহিল।

ঘোষ-গৃহিনী হরসুন্দরী প্রথমে দেখিয়া লইল, দ্বিরাগমনে শৈবলিনীর
 সঙ্গে কি কি জিনিস-পত্র আসিয়াছে। কিন্তু দুঃখের বিষয় হেমবাবু
 অধিক কিছু দিতে পারেন নাই। কেননা, পত্নীর আক্ষে অনেক
 অর্থ ব্যয় হইয়া গিয়াছে—বর্তমানে তাঁহার যথেষ্ট হাতখালি হইয়াছে।
 সুতরাং দুই দুইবার হেমবাবুর বিশেষ ক্রটি হইয়া গেল। প্রথমে
 পূজার তত্ত্ব হইল না, শেষে দ্বিরাগমনে ঘোষ বংশের মান গোছানো
 হইল না, হরসুন্দরীর আপাদমস্তক জলিয়া উঠিল।

অনতিবিলম্বে প্রবল প্রতাপশালিনী ঘোষ-গৃহিণী কড়া হুকুম জারি করিয়া বসিলেন, বাড়ীশুদ্ধ কোন লোক মূতন বউএর সঙ্গে আলাপ করিতে পারিবে না। খোদ ব্রিটিশ গবর্ণমেন্টের আইন অমান্য করা বাইতে পারে—শাস্ত্রের বিধানগুলিও অগ্রাহ্য হইতে পারে, কিন্তু ঘোষ-পরিবারে কাহারও সাধ্য নাই, হরস্বন্দরীর আদেশের বিরুদ্ধে বিন্দুমাত্র প্রতিবাদ করিতে সাহস করে। সুতরাং মূতন বউএর উপর এই কঠোর শাস্তির এক তরফা রায় বহাল হইয়া গেল, তাহার বিরুদ্ধে কোন আপীল আদালত হইল না, মুখে একটা বিরক্তি-ভাব প্রকাশ করিতে কাহারও সাহসে কুলাইল না।

কক্ষের সম্মুখে শৈবলিনী অনেকক্ষণ একাকী দাঁড়াইয়া রহিল—কেহ তাহার কাছে আসিল না—বাক্যালাপ পর্য্যন্ত করিল না। ক্রমে সন্ধ্যা হইয়া আসিল। বাধ্য হইয়া বালিকা ধীরপদে প্রকোষ্ঠ-মধ্যে প্রবেশ করিল। কক্ষ-মধ্যে একখানি পালক ছিল, সে তাহার একপার্শ্বে গিয়া বসিল। বালিকার বিষাদ-পূর্ণ ক্ষুদ্র বুকখানার উপর ফোটা ফোটা চোখের জল পড়িতেছিল। সুন্দর মুখখানি বর্ষাবিধৌত পদ্মফুলের ন্যায় অশ্রুসিক্ত হইয়াছিল। বালিকার প্রাণ মাঝে মাঝে ফুলিয়া ফুলিয়া কাঁদিয়া উঠিতেছিল। কিন্তু হায়! কেহই বালিকার দুঃখ বুঝিল না—কেহই একটা সুমিষ্ট সান্ত্বনা-বাক্য বলিল না—মুখের কথাটা পর্য্যন্ত কেহ কহিল না। বালিকা মনে মনে ভাবিতেছিল, কেন ইহারা আমার উপর এমন ব্যবহার করিতেছে—আমার অপরাধ কি? কিন্তু হায়! কে তাহাকে তাহার অপরাধের গুরুত্ব বুঝাইয়া দিবে? বালিকা নীরবে অশ্রুত্যাগ করিতে লাগিল।

ক্ষণকাল পরে একজন দাসী কক্ষ-মধ্যে প্রবেশ করিয়া ঘরে আলো

পূজার তত্ত্ব

জালিয়া দিল। শৈবলিনী কাতরদৃষ্টিতে তাহার মুখের দিকে তাকাইল— দাসীটীও কেমন বিষম্বদনে বালিকার পরম সুন্দর মুখখানার দিকে তাকাইয়া রহিল। কিন্তু যেইমাত্র শৈবলিনী মুখ ফুটিয়া তাহার সহিত কথা কহিতে গেল, অমনি সে দ্রুতপদে কক্ষত্যাগ করিয়া চলিয়া গেল।

মুখের কথা মুখেই রহিয়া গেল—শৈবলিনী একটা দীর্ঘ নিঃশ্বাস ত্যাগ করিল। বালিকা ভাবিল, দাসীটা পর্য্যন্ত কথা কছে না কেন? ক্ষান্ত দাসী আমাকে ঢেনে—কত বার আমার বাপের বাড়ী সে গেছে। সেও আজ আমার সঙ্গে এমন ব্যবহার কেন করছে? বালিকা অবাক হইয়া রহিল।

কেহই কথা কহিল না—আদর-যত্ন করিল না বটে কিন্তু শৈবলিনী মনে মনে চিন্তা করিল, একজন আছেন, তিনি নিশ্চয় কথা কহিবেন— আদর-যত্ন করিবেন। তিনি ত আমাকে পায়ে ঠেলিতে পারিবেন না; কিন্তু কোথায় তিনি—কখন তাঁহার সঙ্গে সাক্ষাৎ হইবে? হায়! অভাগিনী বালিকা সেই একজনের আশায় বুক বাঁধিয়া চুপ্ করিয়া বসিয়া রহিল—নব জলধরের আশায় যেন তৃষ্ণার্ত চাতকিনী উর্দ্ধমুখে চাহিয়া থাকিল।

ক্রমে রাত্রি নয়টা বাজিয়া গেল। একজন দাসী আসিয়া কক্ষতলে একখানি আসন পাতিয়া এক গ্লাস জল রাখিয়া চলিয়া গেল। পরক্ষণেই গাচক ব্রাহ্মণ অন্নব্যঞ্জন-পূর্ণ থালা রাখিয়া নিঃশব্দে প্রস্থান করিল। শৈবলিনী ভাবিল, এ আহারের আয়োজন নিশ্চয় তাহার স্বামীর জন্য। এখনই তাহার স্বামী কক্ষ-মধ্যে আসিবেন—তাহাকে আদর করিয়া বক্ষে ধারণ করিবেন। লজ্জায় হর্ষে জড়-সড় হইয়া অভাগিনী স্বামীর আগমন প্রতীক্ষা করিতে লাগিল।

রাত্রি দশটা বাজিয়া গেল, অন্নব্যঞ্জন ঠাণ্ডা হইতে চলিল কিন্তু কেহই কক্ষ-মধ্যে প্রবেশ করিল না। শৈবলিনী ভাবিল, ব্যাপার কি? এখনও তিনি আসিতেছেন না কেন? পোড়াকপাল আমার—তিনিও কি আমার উপর বিরূপ হইলেন? তিনি ত তেমন প্রকৃতির লোক নহেন!

মনে পড়িল, বিবাহের রাত্রিতে বাসর ঘরের কথা। তিনি তাহাকে কত আদর করিয়া বক্ষে ধারণ করিয়া মুখচুম্বন করিয়াছিলেন। মনে পড়িল, ফুলশয্যার রাত্রির কথা, যে দিন তিনি তাহাকে আদরিণী—চির জীবনের প্রিয় সঙ্গিনী বলিয়া সম্বোধন করিয়াছিলেন—কত ভালবাসার কথা বলিয়া তাহার অতি ক্ষুদ্র হৃদয়ে স্বর্গরাজ্যের পবিত্র আশার আলো জ্বালিয়া দিয়াছিলেন এবং অভাগিনী এ যাবৎ সেই সুখের স্বপ্নে বিভোব হইয়াছিল। এই অল্পদিনের মধ্যেই তিনি কি এত নিষ্ঠুর হইতে পারিয়াছেন, যে তাহাকে একেবারে ভুলিয়া গিয়াছেন? শৈবলিনীর চক্ষে জল আসিল—সে উপাধানে মুখ লুকাইয়া ফুলিয়া ফুলিয়া কাঁদিতে লাগিল।

সহসা কক্ষের বাহিরে হরসুন্দরী চীৎকার করিয়া বলিল, 'ও ক্ষ্যাস্ত! নুতন বউটাকে বামুনঠাকুর ঘরে ভাত দিয়ে এসেছে ত?'

শৈবলিনী চমকিত হইয়া উঠিয়া বলিল। সে ভাবিল, ও হরি! এ অন্নব্যঞ্জন যে আমার জন্ত রেখে গেছে! কেন, আমি ঘরের বউ—রান্নাঘরে যাব, আমার জন্ত এ ব্যবস্থা কেন হ'ল?

কক্ষের বাহিরে পুনরায় গৃহিণীর কণ্ঠবীণায় ঝঙ্কার উঠিল, রাগ করিস্নে তোরা। ছোটলোকের মেয়ে হ'লেও দুটা খাবে পরবে ত? ওর বাবা শুনেছি, চামার। তা চামারের মেয়ের কি ক্ষিদে তেঁষ্টা নেই?

সরলমতি বালিকা ভাবিল, কি আশ্চর্য! আমি ত কায়স্থের কন্যা—আমার পিতা চামার হ'লেন কি করে?'

পূজার তত্ত্ব

অভাগিনী জানে না, অর্থের অভাবে আজ কত পিতাকে চামার কসাই পর্যায়ভুক্ত হইতে হইয়াছে—কতাদায়ে যথাসর্বস্ব খোয়াইয়াও নিস্তার পাইতেছে না, তাহার উদ্ধতন পুরুষকেও পরলোকে বসিয়া কুৎসিত নিন্দা শ্রবণ করিতে হইতেছে—বার্ষিক শ্রাদ্ধে বংশধরের হস্তে জলপিণ্ডদানের ব্যবস্থা হইবার পূর্বে কুটুম্বের প্রদত্ত অখাদ্যে তাহাদের উদর পূর্ণ হইয়া যাইতেছে।

শৈবলিনী আকাশ পাতাল ভাবিতে লাগিল। ভাবিতে ভাবিতে তাহার চক্ষে জল আসিল—বালিকা শয্যার উপর শুইয়া পড়িল। অচিরে নিদ্রা আসিয়া তাহার সকল জ্বালাবসান করিয়া দিল।

দুই চারিদিন কাটিয়া গেল—শৈবলিনী সেই নির্জন কক্ষে নীরবে কাল কাটাইতে লাগিল। পাষণ-হৃদয় স্বাণ্ডী একটা নিরীহ বালিকার উপর এ প্রকার কঠোর শাস্তি বিধান করিল। বালিকার প্রাণ হাফাইয়া উঠিতে লাগিল। সে আর সহ্য করিতে পারে না। একজন দাসী যদি তাহার কক্ষ-মধ্যে প্রবেশ করে, শৈবলিনী ছুটিয়া তাহার কাছে যায়—কাতরভাবে তাহার মুখের দিকে তাকায়। সে করুণ দৃষ্ণে দাসীরও বুক ফাটিয়া যায় বটে কিন্তু মুখ ফুটিয়া তাহার সহিত কোন কথা বলিতে পারে না, কেন না, গৃহিণী যদি জানিতে পারে, বাঘের মত লাফাইয়া তাহার ঘাড়ের উপর পড়িবে—তাহাকে ছিঁড়িয়া খাইবে। কাজেই দাসী শৈবলিনীর সহিত বাক্যালাপ না করিয়া পলায়ন করে। শৈবলিনী হতাশ হইয়া শয্যার উপর গিয়া বসিয়া পড়ে।

গৃহিণীর কন্যার নাম উষারানী, ডাক নাম পুঁটু। সে শৈবলিনীর সমবয়স্কা। মায়ের আদরে মেয়ে। গৃহিণী পাহারায় রাখিয়াছিল, তাহার কন্যাকে। কন্যা অলঙ্কিতে থাকিয়া সর্বদা লক্ষ্য রাখিত, কেহ মূতন বউএর সহিত গোপনে কথা কয় কি না। পুঁটুর গোয়েন্দাগিরি বড় সাংঘাতিক ছিল। জানালার ফাঁকে, দরজার আড়ালে সর্বদা তাহার

পূজার ভক্ত

নয়ন দুইটা সজীব হইয়া থাকিত। যদি কেহ ইসারা-ঈঙ্গিতেও নূতন বউএর সঙ্গে আলাপনের চেষ্টা করিত, সে ছুটিয়া গিয়া তাহার জননীকে সংবাদ জ্ঞাপন করিত। অমনি গৃহিণী সিংহী-গর্জনে সে বিশাল অট্টালিকা কাপাইয়া তুলিত, ভয়ে পুরবাসীর অন্তরাত্মা কাঁপিয়া উঠিত। সরকারের গোয়েন্দা বিভাগে আজও এমন কোন খাতনাগা কর্মচারীর নাম শুনিতে পাওয়া যায় নাই, যিনি ভূয়োদর্শন ও হুস্মানুসন্ধানে ঘোষ-নন্দিনীকে হারাইয়া দিতে পারেন।

কোন দাসী বা পুরবাসী নূতন বউএর কক্ষ-মধ্যে প্রবেশ করিবার পূর্বে পুঁটু অতি সঙ্কোপনে আলমারার আড়ালে কিম্বা ঘরের কোণে গুটানো মাতুরের মধ্যে আত্মগোপন করিয়া বসিয়া থাকিত, কখন কখন বা পালঙ্কের নীচে পলাইয়া থাকিত। কাজেই এত সতর্ক পাহারায় ধরা পড়িবার ভয়ে অত্যন্ত ইচ্ছা সত্ত্বেও কেহ নূতন বউএর সহিত অতি গোপনেও দুটো সাক্ষনার কথা বলিতে সাহস করিত না। সহসা একদিন শৈবলিনী পুঁটুকে গেরেফতার কারিয়া ফেলিল। ঘোষ-নন্দিনী অতি গোপনে তাহার কক্ষে প্রবেশ করিয়া আত্মগোপন করিতেছিল, শৈবলিনী তাহা জানিতে পারিয়া ছুটিয়া গিয়া তাহার হাত ধরিয়া ফেলিল। সে পলায়নের চেষ্টা করিল কিন্তু শৈবলিনীর হাত ছাড়াইতে পারিল না, টানাটানি আরম্ভ করিয়া দিল।

শৈবলিনী কাতর কণ্ঠে বলিল, ঠাকুর-ঝি! একটা মুখের কথা বল, কেন তোমরা আমার সঙ্গে এমন ব্যবহার করুছ? কথা বলবার লোক না পেয়ে আর যে ঝাটিনে ভাই?

পুঁটু কোন উত্তর না দিয়া কেবল জোর করিয়া হাত ছাড়াইয়া লইবার চেষ্টা করিতে লাগিল। শৈবলিনী আজীবন সিমলা পাহাড়ের

পূজার তত্ত্ব

স্বাস্থ্যকর স্থানে বাস করিয়াছে, কাজেই তাহার চেয়ে শৈবলিনীর শরীরে শক্তি অধিক ছিল, সে বাঘে ধরা ছাগলের মত কেবল ছট্‌ফট্‌ করিতে লাগিল।

শৈবলিনী আবার বলিল, ঠাকুর-ঝি। বিয়ের সময় যখন এসেছিলাম, আমার সঙ্গে কত হেসে হেসে কথা বলেছিলে, দিন রাত্রি আমার পাশে পাশে থাকতে কিন্তু আজ কেন তুমি এমন হ'লে আমাকে সত্য বল ভাই ?

কিন্তু ঠাকুর-ঝির মুখে কোন কথা নাই—সে বসনাঞ্চলে মুখ ঢাকিয়া শুদ্ধ পলায়নের জন্তই প্রাণপণ চেষ্টা করিতে লাগিল। যখন কিছুতেই সে শৈবলিনীর সবল হৃদয় মুগ্ধ হইতে নিস্কৃতি লাভ করিতে পারিল না, তখন সে মুখ গুঁজিয়া গৌ গৌ করিয়া কেমন একটা অব্যক্ত চিৎকার করিয়া উঠিল। অমনি ভীতভাবে শৈবলিনী তাহার হাত ছাড়িয়া দিল—পুঁ টুউর্ক্‌খাসে পলায়ন করিল।


পরক্ষণেই ঘোষ-গৃহিণী কক্ষের বাহিরে তর্জ্জন গর্জ্জন খারস্তু করিয়া দিল, কি সর্ব্বনেশে ছোটলোকের পাহাড়ে মেয়ে গো ! গায়ে যেন পালো-য়ানের শক্তি ! জোর করে' আমার দুধের মেয়ের ননীর মত হাতখানা ধরে' রাখে, এত বড় বুকের পাটা তার ? হতভাগিনী জানে না, তার বাপের ঘরে ছেলের বিয়ে দিয়ে ঘোষ-বংশের উচু মাথা নীচু হ'য়ে গেছে। পূজার সময় তত্ত্ব করে না—দ্বিরাগমনে বড় ঘরের মান রাখে না, এত বড় ছোটলোক যার বাবা, সে আমার মেয়ের হাত ধরে, তার সঙ্গে কথা কইতে সাহস করে ?

তাহার যে অপরাধ কি, আজ ঘোষ-গৃহিণী জনান্তিকে স্পষ্টভাবে শৈবলিনীকে শুনাইয়া দিয়া গেল। আজ অভাগিনী বালিকা বুদ্ধিতে পারিল, তাহার পিতার ক্রটিতে তাহার উপর এ শাস্তির ব্যবস্থা হইয়াছে।

পূজার তত্ত্ব

কিন্তু সে ক্রটীর প্রতিকার করিতে শৈবলিনীর কি শক্তি আছে ? তাহাকে যদি এমনভাবে নির্জজন কারাগারে বন্দী করিয়া রাখে—যন্ত্রণা দেয়—পলে পলে মৃত্যুর মুখে জোর করিয়া ঠেলিয়া ফেলিয়া দেয়, তাহা হইলে কে তাহার মুখের দিকে তাকাইবে ? বালিকা মরণের ভয়ে ভীত হইয়া পড়িল ।

শৈবলিনী এ কঠোর শাস্তি অগ্নানবদনে মাথায় পাতিয়া লইতে পারিত, যদি এক মুহূর্তের জন্তও একজনের সেই সুন্দর মুখখানি একবার চক্ষে দেখিতে পাইত—যদি একদিনের তরেও সে তাহার সম্মুখে আসিয়া একটা আশার বাণী বলিত । শৈবলিনীর দুইটা চক্ষু তৃষিত চাতকের মত দিন রাত্রি কাহাকে অহুসঙ্কান করিত ; বাহিরে পুরুষের কণ্ঠস্বর শুনিলেই যে কোন ছলে বারাণ্ডার উপর গিয়া দাঁড়াইত, কিন্তু হয় ! অভাগিনীর এ কামনাটুকুও পূর্ণ হইল না । এতদিনের পরে বাস্তবিক তাহার বুক ভাঙিয়া পড়িল ।



কার্তিক মাসের পড়ন্ত বেলায় ক্ষ্যান্ত দাসী ছাদের উপর উঠিয়া যখন আমসী শুকাইয়া হাঁড়ি ভরিতেছিল, তখন বোসেদের ছাদে সশরীরে দেখা দিল, বোস-গিন্নী। বোস-গিন্নীর বয়স চল্লিশের নিকটে—দোহার গঠন, দেখিতে স্ত্রী—তাহার নাম মহামায়া। মুখখানি সর্বদা হাসিমাখা বটে কিন্তু মহামায়ার বুকখানা যেন দুষ্ট বুদ্ধিতে ভরা। ক্ষ্যান্ত দাসী পূর্বে অনেককাল বোসেদের বাড়ী দাসী-গিরি করিয়াছিল, কাজেই সে বোস-গিন্নীকে সম্মানের চক্ষে দেখিত।

মহামায়া নিজেদের ছাদের ‘আলিসা’ ধরিয়া দাঁড়াইয়া ক্ষ্যান্তকে লক্ষ্য করিয়া বলিল, ওরে ক্ষ্যান্ত ! শুনেছি, তোদের নূতন বউমা এসেছেন, ছাদের উপর বেড়াতে আসেন না কেন ?

ক্ষ্যান্ত দাসী মহামায়ার প্রকৃতি ভালরূপ জানিত। একটা কথার সূত্র ধরিয়া বোস-গিন্নী যে ঘোষ-গিন্নীকে ছ’কথা শুনাইয়া দিতে আসিয়াছে, সে বেশ বুঝিতে পারিয়াছিল। দুই ঘর বড়লোক পাশাপাশি বাস করে—দুই ঘরের দুই গিন্নীতে দিন রাত্রি বিবাদ চলে। এই বিবাদের সূত্রপাত হইতে দুই ঘরেই পরস্পরে মনোমালিন্য চলিয়াছে। অবশেষে কান ভাঙানিতে পুরুষেরা পর্যন্ত সেই বিবাদে যোগদান করিয়া বলিয়াছে। পূর্বে দুই ঘরে সম্ভাব ছিল—পরস্পরের স্বখে দুঃখে সহানুভূতি ছিল—আমোদে উৎসবে নিমজ্ঞণ চলিত—দুই পরিবারে যেন হরি-হর আত্মা

পূজার তত্ত্ব

ছিল। কিন্তু কি কুক্ষণে হরসুন্দরীর সহিত মহামায়ার দেখা সাক্ষাৎ হইল—তাহারা আদায় কাঁচকলার সম্বন্ধ পাতাইয়া বসিল, নানাকারণে ঝগড়া বিবাদ চলিতে লাগিল।

ঘোষ-গৃহিণী হরসুন্দরী যেমন অহঙ্কারী তেমনই কলহপ্রিয় ছিল। দামাশ্র একটা কথার আঘাত সহ করিতে পারিত না—উচ্চ চীৎকারে পাড়া মাতাইয়া তুলিত। বোস-গিন্নী মহামায়া কাটু-পিঁপ্‌ড়ের মত কটাস্ করিয়া একটা কথার কামড় দিত—ঘোষ-গিন্নী রাগে উন্মত্ত হইয়া লাফালাফি আরম্ভ করিয়া দিত। সয়তানি বুদ্ধিতে মহামায়া অভ্যঙ্গ ছিল—ঘোষ-গিন্নীকে রাগাইয়া দিয়া দূরে দাঁড়াইয়া সে ‘মজা’ দেখিত।

এই প্রকারে মজা দেখিতে দেখিতে শেষে দুই পরিবারে যথার্থই ‘বিবাদ বাধিয়া গেল—মুখ দেখাদেখি পর্য্যন্ত বন্ধ হইল। তবে ছাদের উপর উঠিলেই দুই গিন্নীতে যে গজকচ্ছপের লড়াই বাধিয়া যাইত, ইহা নিবারণের কোন উপায় রহিল না। বোস-গিন্নী হুষ্টবুদ্ধিতে বিশেষ পরিপক্ব ছিল, সেই প্রথমে কথার কামড়ে জ্বালা ধরাইয়া দিত—দান্তিকা হরসুন্দরী সে জ্বালা সহ করিতে না পারিয়া ইতর লোকের মত গালি-গালাজ করিয়া ভূত ভাগাইয়া দিত।

ক্যাস্ত দাসী প্রথমে বোস-পরিবারে চাকরী করিত—তাহার যথেষ্ট স্নানাম ছিল। বোস-গিন্নীর উপর রাগের বশে হরসুন্দরী অধিক বেতন স্বীকার করিয়া ক্যাস্ত দাসীকে ভাগাইয়া লইল। মহামায়াও ছাড়িবার পাজী নহে। ক্যাস্ত দাসী যখন ভাগিয়া গেল, তখন সে ঘোষ-গিন্নীর খাস চাকরাণী বামাকে ভাগাইয়া আনিল। এই প্রকারে চাকরাণী ভাগাভাগি হইতে চাকর ভাগিতে লাগিল—দ্বারবান ভাগিতে লাগিল, সরকার কর্মচারীও অনেক ভাগাভাগি হইয়া গেল। অবশেষে দেখা গেল, বোসদের চেয়ে

ঘোষেদের ক্ষতি বেশি হইল। ঘোষ-গিন্নী হরসুন্দরী অন্তরে অন্তরে জ্বলিতে লাগিল।

ক্ষ্যাস্ত দাসী অনেককাল বোসেদের বাড়ী চাকরী করিয়াছিল—মহামায়াকে সে ভালরূপ চিনিত। বোস-গৃহিণী যতই দৃষ্ট প্রকৃতির লোক হউক না কেন, তাহার হৃদয় মন্দ ছিল না। মুখের কথার কামড় খুব ছিল বটে কিন্তু দাস দাসীর উপর মায়ামমতাও যথেষ্ট ছিল। ক্ষ্যাস্ত অর্থের প্রলোভনে ঘোষ-পরিবারে ঢুকিয়া বসিয়াছে বটে কিন্তু ঘোষ-গৃহিণীর প্রকৃতি দেখিয়া এখন সে একেবারে বিরক্ত হইয়া উঠিয়াছে। ক্ষ্যাস্ত দাসী-গিরি করে সত্য কিন্তু সে কায়েতের ঘরের মেয়ে—পেটের জ্বালায় সে আজ হীনভাবে স্বজাতির দ্বারে পড়িয়া আছে। সে আজ বুঝিয়াছে, সামান্য অর্থের লোভে বোসেদের বাড়ী ত্যাগ করিয়া অন্তায় কাজ করিয়াছে।

ক্ষ্যাস্ত হাতের কাজ ফেলিয়া উঠিয়া দাঁড়াইয়া বলিল, আমি চাকরাণী মানুষ—বড় ঘরের বউ-গিন্নীর কথা আমি কি জানি মা ?

মহামায়া হাসিয়া বলিল, কেন, বড় ঘরে ঢুকে ভালমন্দ খেয়ে ঢেকুর তুলতে পারিস্, তাদের ঘরের খবর জানিস্ না ?

ক্ষ্যাস্ত বলিল, কথায় বলে, বাঘ ভালুক যুদ্ধ হয়, নল-খাগড়ার প্রাণ যায়। আমরা গরীব লোক, অর্থের পিত্যশে আপনাদের দোরে পড়ে থাকি। আমাদের কেন ঝগড়া বিবাদের মাঝখানে টেনে আনেন ? ঘোষ-গৃহিণীর হুকুম হয়েছে, নুতন বউ যেন ছাদে না আসে।

বোস-গৃহিণী বলিল, কেন বল দেখি ? নুতন বউ ত কর্পূর নয়, যে হাওয়া লেগে উভে যাবে ? ক’দিন বউমা এসেছেন শুনেছি, একটু দেখবো বলে’ দিন রাত্রি ছাদের উপর ছুটোছুটি করছি। বিয়ের সময়

পূজার তত্ত্ব

দেখেছিলাম, বউ দেখে সতাই চোখ জুড়িয়েছিল। ইয়ারে ক্ষান্ত ! এমন বউকে তোরা নাকি অষট্ঠ করিস্ ?

ক্ষান্ত নূতন বউএর বর্তমান ছুরবহান্ন বড় কাতর হইয়াছিল। একটা বালিকা বউএর উপর ঘোষ-গৃহিণীর অমাহুষিক অত্যাচার দেখিয়া দাসী হইয়াও ক্ষান্ত অন্তরে অন্তরে বিদ্রোহী হইয়া উঠিয়াছিল কিন্তু ঘোষ-গৃহিণীর বিরুদ্ধে কথা বলিবার সাহস স্বয়ং কর্তার নাই, সেত সামান্য দাসী মাত্র। ক্ষান্ত বোস-গৃহিণীর কথার কোন উত্তর না দিয়া মাথা নীচু করিয়া দাঁড়াইয়া রহিল।

পশ্চাতে শাদ্দুল-গর্জনের ত্রায় শব্দ হইল, ক্ষান্ত ! হচ্ছে কি ? কার সঙ্গে কথা কচ্ছিস্ ?

ক্ষান্ত চমকিত হইয়া ভীতভাবে বসিয়া পড়িল, তাহার পর তাড়াতাড়ি হাতের কাজ সারিতে লাগিল।

ঘোষ-গৃহিণী নিঃশব্দে ছাদের উপর উঠিয়া দাসীকে বোস-গৃহিণীর সঙ্গে কথা কহিতে দেখিয়া আগুনে ধুনা পড়িলে যেমন দপ্ করিয়া জ্বলিয়া উঠে, সেইভাবে রাগে অগ্নি-অবতার হইয়া দাসীকে ধম্কাইয়া উঠিল। হরহুন্দরী আবার বলিল, তোকে শতবার নিষেধ করেছি, ছাদে উঠে কারো সঙ্গে কথা বল্বিনে। আমার কথা কেন শুনিস্ না বল্ দেখি ?

ক্ষান্ত দাসী কোন উত্তর না দিয়া তাড়াতাড়ি কাজ সারিয়া ছাদ হইতে নামিয়া গেল।

অপর ছাদের উপর বোস-গৃহিণী নিকটেই দাঁড়াইয়া ছিল। বোস-গৃহিণী মাথা উচু করিয়া বলিল, তোমার সঙ্গে না হয় দাসীর মতন পীরিত হয়েছে, কিন্তু আমার সঙ্গে পুরাণে পীরিত ছিল, তাই একটু কথা বলেছে, তাতে দোষ কি হয়েছে ?

রাগতভাবে হরসুন্দরী বলিল, বুড়োবয়সে অত পীরিতের ধার ধারিনে। বোস-গিন্নি ! তোমাকে নিষেধ করছি, আমাদের বাড়ীর কোন লোকের সঙ্গে কথা বলো না।

মহামায়া বলিল, আমি ত তোমার খাস তাহ্লকের প্রজা নই, যে তোমার নিষেধ আমাকে শুনতেই হ'বে ? আদেশ করিতে হয়, ঘোষকর্তার উপর চালিয়ে—তিনি শুনবেন, কেননা, তুমি যে তাঁর তৃতীয় পক্ষ—গলার হার—অস্ত্রের মাণিক।

হরসুন্দরী বলিল, আর তুমি বুঝি বোসকর্তার দুয়োরাণী ?

মহামায়া বলিল, বোসকর্তার পক্ষদোষ নেই—আমিই একে চন্দ্র হয়ে আছি। কিন্তু ঘোষকর্তার দুই এ পক্ষ ছাড়িয়ে গিয়ে তুমি যে তিন এ নেত্র হ'য়ে বসেছ। কথায় বলে,—

পূজার তত্ত্ব

এক-বরে স্বামীর স্ত্রী চিংড়ী মাছের থোসা,

দোজবরে স্বামীর স্ত্রী নিত্য করেন গোসা ।

তেজবরে স্বামীর স্ত্রী পাতে বসে' খায়,

চতুর্বরে স্বামীর স্ত্রী কাঁধে চড়ে যায় ।

ঘোষ-গিন্নি ! যদি এক খাপ পিছিয়ে আসতে একেবারে গাধার পিঠে
শেতলা ঠাকরুণ হ'য়ে বসতে ।

ক্রোধে গর্জন করিয়া হরস্বন্দরী বলিল, কি—আমার স্বামী গাধা ?
ছোট মুখে এত বড় কথা ?

মহামায়া বলিল, আমার মুখ ছোট হ'তে পারে সত্য কিন্তু কথা ছোট
হ'বে কেন ঘোষ-গিন্নি ? যে পুরুষ মানুষ স্ত্রীর কথায় ওঠে—বসে, সে
গাধা নয়ত কি ?

হরস্বন্দরী যদি যথার্থই ব্যাজী হইত, এতক্ষণে ছাদের আলিসা
ডিক্কাইয়া লাফ দিয়া মহামায়ার ঘাড়ের উপর পড়িত—তাহাকে টুকরা
টুকরা করিয়া ছিঁড়িয়া খাইত কিন্তু ভগবান তাহাকে গড়িয়াছেন মানুষ—
প্রকৃতি দিয়াছেন বাধিনীর মত । সে লাকাইতে পারিল না—গুহ গর্জন
করিয়া পাড়া মাতাইয়া তুলিল ।

খাচার পোরা সিংহিনীকে খোঁচা মারিয়া লোকে যেমন গর্জন শুনিয়া
কোড়ক দেখে, মহামায়াও তেমনইভাবে হরস্বন্দরীকে রাগাইয়া দিয়া দূরে
দাঁড়াইয়া মুহুহাস্ত করিতে লাগিল । ক্রোধভরে হরস্বন্দরী বলিল, বোস-
গিন্নি ! তুমি নেহাত ছোটলোক—বেইমান !

মহামায়া বলিল, আমি ছোটলোক কি তুমি ছোটলোক হিসাব করে
বলো ঘোষ-গিন্নি ! চোদ্দ বছরের একটা বালিকা বউকে ঘরে এনেই
কোন ভঙ্গলোকে তাকে জালা-যজ্ঞণা দেয় বলত ?

হরসুন্দরী বলিল, আমার বউএর উপর আমি যেমন ব্যবহার করি না কেন, আড়ি পেতে ঘরের খবর নিতে যায়, কোন্ ভদ্রলোকে বলত ?

মহামায়া বলিল, গলাবাজি করে' যখন নিজের কুটুংকে চামার কসাই বলে' ঘোষণা কর, সেটাও কি আড়ি পেতে শুন্তে হয় ?

হরসুন্দরী বলিল, কুটুংগের আঁকেলকে বলতে হয়, যার ব্যবহারে ছোটলোকের মুখনাড়া সহ্য করতে হয়, তাকেই গাল দিতে হয়। তাতে তোমার 'আঁতে' ঘা লাগে কেন বোস-গিন্নি ?

মহামায়া বলিল, আঁতে ঘা লাগে এইজন্ত, চামার কসাই যার কুটুং, তাকে স্বজাতি বলে' পরিচয় দিতে হয়।

হরসুন্দরী গর্ভ করিয়া বলিল, পটলডাঙ্গার ঘোষেদের হাওয়া গাশে লেগে কত মেথর মুন্সফরাস বোস-কায়েত হয়েছে।

মহামায়া মৃদুহাস্য করিয়া বলিল, তার সাক্ষী আছে, হাসখালির জ্বেলেরা দস্ত-কায়েত হ'য়ে গেছে।

পিতার কুলে লোহার মৃগুরের আঘাত পড়িল—কোথেকে অভিমানে হরসুন্দরীর চক্ষে জল আসিল। উত্তেজিত হইয়া হরসুন্দরী বলিল, মুখ সামলে কথা বলো, বোস-গিন্নি ? তোমার নামে আদালতে মানহানির চার্জ আনবো।


মহামায়া বলিল, আর আমিও তোমার কুলের কথা গেজেট করে' দেব।

বুনো ওল বাঘা তেঁতুলের কাছে হার মানিল। হরসুন্দরী বোস-গৃহিণীকে অকথ্য ভাষায় গালি দিতে দিতে নীচে নামিয়া আসিল। প্রথমেই তাহার লক্ষ্য হইল, শৈবলিনী বিষাদময়ী প্রতিমার মত কক্ষদ্বারে দাঁড়াইয়া আছে। তাহাকে দেখিয়া হরসুন্দরীর নয়ন হইতে যেন বিষুবিসের অশ্রুদগম হইল। বাঘের সম্মুখে ছাগ-শিশু যেমন ভীত

পূজার তত্ত্ব

কম্পিত হয়, হরহৃন্দরীর ভীষণ মূর্তি দর্শন করিয়া শৈবলিনীর অন্তরাত্মা।
তেমনিভাবে কাঁপিয়া উঠিল—সে ভয়ে দূরে সরিয়া দাঁড়াইল। হরহৃন্দরী
কঙ্কের বাহিরে গর্জন করিতে করিতে বলিল, সর্বনাশীর মেয়ে আমার
ঘরে এসে জাত কুল সব গেল। ব'দি মরে' যেত, আমার হাড় জুড়াতো—
আবার আমি ছেলের বিয়ে দিতাম।

অমনি শৈবলিনী কাঁদিয়া উঠিয়া বলিল, মাগো! কোথায় আছ তুমি?
আর যে আমি সহ্য করতে পারিনে—আমাকে পায়ে স্থান দাও। বলিয়াই
অভাগিনী বালিকা শয্যার উপর গিয়া আছাড় খাইয়া পড়িল।



অনুকূলচক্রে ব্যস্তভাবে নিজের কক্ষে প্রবেশ করিয়া পত্নী সুরমাকে বলিল, সুরমা ! তোমরা কি মানুষ নও ?

সুরমা স্বামীর ভক্তি দেখিয়া ব্যঙ্গ স্বরে বলিল, আমরা যদি মানুষ না হই, তোমার মত মানুষটী আমাদের দলে ঢুকে বসলো কেন ?

অনুকূল বলিল, তোমাদের দলে ঢুকে বসে যে বেঙ্গাকুবী হয়েছে, তাতে বিন্দুমাত্র সন্দেহ নাই।

সুরমা বলিল, তাহ'লে নিজের হাতে নিজের কান মলে' বেঙ্গাকুবীর শাস্তি নিয়ে আমাদের দল থেকে সরে দাঁড়াও না ?

অনুকূল বিরক্তভাবে বলিল, সরে যাই যে কোন্ চুলোয় ভেবে পাইনে। সুরমা ! ছোট বউমাটী ছুধের বালিকা—সম্প্রতি মাতৃহীনা হয়েছে—বড় শোক পেয়েছে। তাকে ঘরে এনে তোমরা জ্বালা-যন্ত্রণা দিচ্ছ—মড়ার উপর খাঁড়ার আঘাত করছ, এ কি ব্যবহার তোমাদের ?

সুরমা বলিল, কথাগুলো আমাকে না বলে' তোমার গর্ভধারিণীকে গিয়ে বল না ? সে দিকে মাড়াতে ত সাহস হয় না, কেবল আমার উপর দিন রাত্রি হুকী !

পুজার তত্ত্ব

অনুকুল বলিল, তুমি আমার কথা শোন না কেন ?

“কি শুনবো ?”

“আমি হুকুম দিচ্ছি, তুমি বউমার কাছে যাও—তার সঙ্গে কথা কও—তাকে আদর-মদ্র কর ।”

সুরমা বলিল, তারপর যখন তোমার জননী বাঘের মত আমার ঘাড়ের উপর লাফিয়ে পড়ে আমাকে ছিঁড়ে খাবেন, তখন উপায় ?

অনুকুল বলিল, তোমাকে ছিঁড়ে খাবেন কি করে ? মা ত রাক্ষসী নয় ?

সুরমা বলিল, রাক্ষসীদেরও মায়া-মমতা থাকে শুনেছি । জরা রাক্ষসী জরাসন্ধ রাজাকে না খেয়ে ষোড়া-তাড়া দিয়ে বাঁচিয়েছিল । কিন্তু বাজালীর ঘরের গৃহিণী যারা, তারা বালিকা বউএর কচি মাথা চিবিয়ে খায়, তার ঢের নজির আছে । কোন রকমে এ যাবৎ নিজের মাথাটা বাঁচিয়ে রেখেছি, তুমি ইচ্ছা কর, সেটা তোমার গর্ভধারিণীর উদরে ছুকে যা'ক ?

অনুকুল বলিল, যদি প্রকাশে সাহস না কর, গোপনে বউমার সঙ্গে সাক্ষাৎ কর—দুটো মিষ্টি কথা বলে' সাধুনা দাও । তা না হ'লে পরের মেয়ে দম আটকে মরে যাবে যে ?

সুরমা বলিল, তাতে ক্রতির চেয়ে লাভ বেশি হ'বে ।

অনুকুল বলিল, কেন ?

সুরমা বলিল, তা আর বুঝতে পারছ না ? তোমার ভায়াটা আবার চতুর্দোলায় উঠে, গোরা বাড়ি বাড়িয়ে বউ আনতে যাবে । আবার বরপণের দর কষাকষি হ'বে, দানসজ্জায় তোমাদের অট্টালিকা

পূজার তত্ত্ব

ভরে যাবে। তারপর, পূজার তত্ত্ব, শীতের তত্ত্ব, গো-কাল্গুনের তত্ত্ব পর্য্যন্ত ঘরে উঠবে। তোমরা পুরুষজাতি, যতবার বউ মরে তোমাদের তত লাভ। যদি তার প্রমাণ চাও, আমাকে অনুমতি দাও, একভরি আফিং গিলে মরে দেখাই।

অনুকুল বলিল, না গো না, তোমাকে মরে দেখাতে হ'বে না। তুমি বেঁচে থেকে গৃহিণী হও। তারপর, ছেলের বউ ঘরে এনে তাকে এমনভাবে সাজা দাও। কিন্তু মনে থাকে যেন, বউরা যখন বড় হ'য়ে গৃহিণী হ'বে, তখন এই জ্বালা-যন্ত্রণা স্নেহে আসলে আদায় করে' ছাড়বে।

সুরমা বলিল, তুমি সতর্ক করে' দিচ্ছ বটে কিন্তু ওটা যে আমাদের জাতির ধর্ম্ম!

অনুকুল বলিল, জাতির ধর্ম্ম হ'ল কি করে?

সুরমা বলিল, জাতির ধর্ম্ম বই কি! কুকুর যখন বাচ্চা থাকে, তখন শেয়ালে তাকে ধরে খায় কিন্তু যেই সে বাচ্চা বড় হয়, অমনি সে শেয়াল তাড়িয়ে ছিঁড়ে খায়।

অনুকুল বলিল, তুমি বলতে চাও, স্ত্রীলোক কুকুরের জাতি?

সুরমা বলিল, তা আবার জিজ্ঞাসা করছ? কুকুর প্রভুভক্ত হয়, আমরাও পুরুষভক্ত হই। কুকুর প্রভুর পায়ের তলায় লুটিয়ে পড়ে, উচ্ছিষ্ট খায়, আমরাও পুরুষের পদসেবা করি, পাতের প্রসাদ খাই। কুকুর প্রভুর ঘর চৌকী দেয়, চোর ডাকাত তাড়ায় বলে' ছুবেলা হুমুঠো খেতে পায়। আমরাও পুরুষের দাসী-গরি করি শুদ্ধ পেটের জ্বালায়। কুকুরকে 'তু' বলে' ডাকলে কাছে এসে মুখের পানে চেরে লেজ নাড়ে, আবার দু' বুলে তফাৎ যায়। আমরাও কখন পুরুষের

পূজার তত্ত্ব

আদর পেয়ে আহ্লাদে গলে যাই, আবার কখনও চোখরাঙ্গানি সহ করে' চোখের জলে বুক ভাসাই। শুদ্ধ এক বিষয়ে কুকুরের সঙ্গে আমাদের মিল নাই।

অনুকুল বলিল, কি ?

সুরমা বলিল, কুকুর প্রভুর এত করেও ইজ্জত বজায় রেখে ছাই গাদায় নেয় সজ্জা, আমরা নারী পুরুষের পাশে থেকে লুটিয়ে দেই মান ইজ্জত আর লজ্জা। কুকুরের চেয়েও নীচ কিনা, তাই বাঙ্গালীর ঘরের বউ আমরা এত নির্যাতন সহ করি, অমানবদনে—আনতমস্তকে। কুকুর যদি ব্যথা পায়, সেও ঘাড় ফুলিয়ে গর্জন করে, কিন্তু আমরা নারী পায়ের তলায় মাড়িয়ে গেলেও মুখের কথাটা বলবার অধিকার আমাদের নাই।

অনুকুল উদ্বেজিত কণ্ঠে বলিল, নারীর উপর সমাজের এ অত্যাচার অত্যাচার।

অমনি সুরমা বলিল, চুপ্ কর গো চুপ্ কর। মনে রেখো তুমি সমাজপতি নও—সমাজপতি তোমার মা।

অনুকুল বলিল, কিছতেই না—মার কথা শুনবো না—একটু দুঃখপোষ্য বালিকার উপর এ অত্যাচার হ'তে দেব না।

সুরমা অনুকুলের হাত ধরিয়৷ বলিল, ক্ষেপে গেলে নাকি ? তুঁ কি করতে চাও, বল দেখি ?

অনুকুল বলিল, আমি এখনই বউমার কাছে যাব—তার সৎ কথা বলবো, তাকে কোলে তুলে নেব।

সুরমা হাসিয়া বলিল, পাগল তুমি। জান, তুমি ভাণ্ডার, ভাদ্রবধু ? তাকে স্পর্শ করবার অধিকার তোমার নাই।

পূজার তত্ত্ব

অনুকুল বলিল, আমার যদি সে অধিকার না থাকে, আমার হুকুম, তোমাকে তার কাছে যেতেই হ'বে।

সুরমা বলিল, তোমার হুকুম আমি পালন করতে বাধ্য কিন্তু মনে থাকে যেন তোমার মার হুকুমে কাল আমাদের গাছতলাতে দাঁড়াতে হ'বে।

অনুকুল বলিল, আমার বাবা বেঁচে থাকতে বা আমাদের উপর এ হুকুম চালাতে পারবেন ?

সুরমা বলিল, তোমার বাবা যে বেঁচে আছেন, এ বিশ্বাস আমার নাই—তাহ'লে তাঁর চোখের সম্মুখে এত বড় অত্যাচারটা ঘটতে পারে ? তারপর, তোমার ভাইটী নৈহাত ছেলে মানুষ নয়—সে বিদ্বান বুদ্ধিমান। তার জীব উপর এত অত্যাচার হচ্ছে, সে নীরবে আছে কেন ? তুমি যাও, আগে গিয়ে দেখ, তোমার পিতা ও ভ্রাতা মৃত কি জীবিত।

জীব কথা শুনিয়া অনুকুল শান্ত হইয়া ধীরপদে গৃহত্যাগ করিল।

বালিকা শৈবলিনীর উপর অত্যাচার আরও বাড়িয়া চলিল—সে দিন রাত্রি স্বাস্ত্যভীর গালি-গালাজ সহ করিতে লাগিল। তবুও বালিকা এতকাল আশা করিয়া বসিয়াছিল, তাহার স্বামী হয়ত তাহার কাছে আসিবে, তাহার সমস্ত জ্বালা-যন্ত্রণার অবসান করিয়া দিবে কিন্তু দিনের পর দিন চলিয়া গেল, অভাগিনী একদিনের তরেও স্বামীর সাক্ষাৎ পাইল না। সে তখন ভাবিল, তাহার স্বামীও তাহাকে পায়ে ঠেলিয়াছে। বালিকা হতাশ হইয়া পড়িল—তাহার মরণের সাধ জন্মিল।

দিবা দ্বিপ্রহের সময় শৈবলিনী পালঙ্কের উপর বসিয়া বাম করতলের উপর গুণ্ডুল রক্ষা করিয়া কত কি চিন্তা করিতেছিল। সন্মুখে গবাক্ষ-দ্বার উন্মুক্ত—নিম্নে বিশাল রাজপথে অবিরত জনশ্রোত চলিয়াছে। কিন্তু শৈবলিনীর দৃষ্টি সে দিকে নিবদ্ধ থাকিলেও তাহার মানস-পটে সিমলা পাহাড়ের একটা দৃশ্য প্রতিকলিত হইয়াছিল। শৈবলিনী দেখিতেছিল, তাহার পিতা আফিস হইতে বাসায় ফিরিয়া

আসিয়া বিষম্বদনে পোষাক পরিচ্ছদ ত্যাগ করিতেছেন—হাত মুখ ধুইবার জল পাইতেছেন না—সামান্য একটু জলযোগের দ্রব্যও কেহ আনিয়া হাতে দিতেছে না। তাহার ছোট ভাই ভগিনীগুলি চারিদিকে কাঁদাকাটি করিতেছে, আর শব্দর চাকর চোখ রাঙ্গাইয়া তাহাদের ধমক দিতেছে। দুঃখে শোকে ক্ষোভে শৈবলিনীর হৃদয় ফাটিয়া যাইতেছিল—অশ্রুজল বাদলের বারিধারার মত বাম করতল প্লাবিত করিয়া বসুন্ধরা সিক্ত করিতেছিল।

এমন সময় এক পরম সুন্দর যুবাণুরুষ অতি সন্তর্পণে প্রকোষ্ঠের দ্বার খুলিয়া ধীরপদে কক্ষ-মধ্যে প্রবেশ করিল, শৈবালিনী তাহার বিন্দুবিসর্গও অবগত হইল না। যুবক সন্নিহিতে দাঁড়াইয়া শৈবলিনীর সেই অনিন্দ্যসুন্দর মুখখানি দর্শন করিয়া মুগ্ধ হইল। ইচ্ছা হইল, ছুটিয়া গিয়া বালিকাকে বক্ষে ধারণ করিয়া তাহার অশ্রুসিক্ত গণ্ডস্থলে শত চুসন প্রদান করে—তাহার হৃদয়ের সমস্ত জ্বালা-বস্তুগার অবসান করিয়া দেয়। কিন্তু যুবক সাহসী হইল না—মায়ের কঠোর আজ্ঞা। সে শুদ্ধ নিকটে দাঁড়াইয়া তৃষিত চাতকের মত শৈবলিনীর রূপসুখা পান করিয়া নিজের ক্ষুধার নিবৃত্তি করিতে লাগিল। যুবক ভাবিতেছিল, শৈবলিনীর এত রূপ—এত সৌন্দর্য্য! এ স্বর্গ-পারিজাত কি এমনভাবে অনাদৃত হইয়া ধূলায় গড়াগড়ি যাইবে?

কক্ৰণাতরা একটা কোমল দীর্ঘশ্বাস শৈবলিনীর অঙ্গে আসিয়া লাগিল—তাহার প্রাণ যেন পুলকে ভরিয়া গেল। তাহার চিন্তা-বস্তু ভাঙ্গিয়া গেল—সে মাথা তুলিয়া চমকিত হইয়া দেখিল, যেন শত জন্মের সাধনায় পরিতুষ্ট হইয়া তাহার ইষ্টদেবতা সশরীরে তাহার পার্শ্বে সহাস্তবদনে দণ্ডায়মান। শৈবলিনীর ইচ্ছা হইল, ছুটিয়া গিয়া

পূজার তত্ত্ব

ইষ্টদেবতার চরণতলে আছাড় খাইয়া পড়িয়া নারীজন্য সার্থক করে—
যুবকের ইচ্ছা হইল, হুই বাছ তুলিয়া বালিকাকে আলিঙ্গন করিয়া
তাহাকে বুকে তুলিয়া লইয়া উধাও হইয়া উড়িয়া যায়। হর্ষ-বিস্ময়ে
অভিভূত হইয়া শৈবলিনী উঠিয়াও উঠিতে পারিতেছিল না—যুবক
আবেগভরে ছুটিতে গিয়াও ছুটিতে পারিতেছিল না—যেন পশ্চাৎ
হইতে লজ্জা ভয় ও সঙ্কোচের একটা প্রবল আকর্ষণ তাহাকে টানিয়া
ধরিয়া রাখিয়াছিল।

সহসা কক্ষের বাহিরে কাহার কণ্ঠের সাড়া পাঠিয়া যুবক ভীত চমকিত
হইল। অমনি সে করুণ দৃষ্টিতে শৈবলিনীর মুখের দিকে তাকাইল।
তাহার পর, সুন্দর আননে যুগ্মহাস্তের রেখা ফুটাইয়া শৈবলিনীর
বিগুণ হৃদয়ে সুধার ধারা ঢালিয়া দিয়া শশব্যস্তে প্রকোষ্ঠ হইতে বাহির
হইয়া গেল। যেন ঘন ঘটাচ্ছন্ন আকাশে সহসা সহস্র বিদ্যুৎ চমকিত
হইয়া লুকাইত হইল—শৈবলিনীর গভীর অন্ধকারময় হৃদয়ের মধ্যে
আলোর মত আশার আলো জলিয়া উঠিয়া নির্বাপিত হইল।
সে যুক্তি কাহার শৈবলিনী বিলক্ষণ চিনিতে পারিয়াছিল—সে যুথ
যে তাহার অতি পরিচিত—হৃদয়ের স্তরে স্তরে অঙ্কিত। কেমন
একটা আনন্দ, আশা, অপরিতুষ্ট লালসা বালিকার হৃদয়-সমুদ্র
আলোড়িত করিয়া তুলিল।

যুবক প্রকাশচন্দ্র কক্ষ হইতে স্বরিতপদে বহির্গত হইয়া পলায়ন
করিতে উত্তত হইল, অমনি সম্মুখে দেখিল, সিংহিনী যুক্তিতে দণ্ডায়মানা
তাহার জননী। জননীর পশ্চাতে দাঁড়াইয়া তাহার ভগিনী পুঁটু
নতমস্তকে যুগ্মহাস্ত করিতেছিল—সেই গোয়েন্দাগিরি করিয়া স্বামী-
স্ত্রীর মিলন-সংবাদ তাহার ঘুমন্ত জননীর কর্ণগোচর করিয়াছিল।

পূজার তত্ত্ব

হরসুন্দরী সংবাদ শ্রবণ করিয়া শয্যা ত্যাগ করিয়া ছুটিয়া আসিয়াছিল—
সম্মুখে যুবক প্রকাশচন্দ্রকে দেখিয়া গর্জন করিয়া বলিল, বেহায়া ছেলে !
লজ্জায় স্বণায় স্তম্ভমান হইয়া যুবক মাথা নীচু করিয়া দাঁড়াইয়া রহিল।
হরসুন্দরী আবার বলিল, শোন্ প্রকাশ ! যদি তুই অই চামারের
মেয়ের সঙ্গে কখনো কথা বলিস্, তুই আমার কুসন্তান। প্রকাশচন্দ্র
একটা দীর্ঘ নিঃশ্বাস ত্যাগ করিয়া নতমস্তকে প্রস্থান করিল। হরসুন্দরী
লক্ষ্য করিল না, তাহার দুই চক্ষু হইতে টপ্ টপ্ করিয়া অশ্রু ঝরিয়া
পড়িল। কথাগুলি শৈবলিনীরও কর্ণগোচর হইয়াছিল। অমনি সে
শয্যার উপর শয়ন করিয়া চোখের জলে উপাধান সিক্ত করিয়া
মনে মনে বলিল, তবে আর কেন, ভগবান ! আমার সকল জালা
অবসান কর।

যেইমাত্র প্রকাশচন্দ্র চলিয়া গেল, অম্বুকুলচন্দ্র ক্রুদ্ধভাবে মাতার সম্মুখে আসিয়া বিরক্তিস্ফূর্তক বাক্যে বলিল, যদি কথা না কইবে, তবে বিয়ে দিয়েছিলে কেন ?

হরমুন্দরী ক্রোধভরে বলিল, বিয়ে দিয়েছিলাম বটে কিন্তু ও যে চামারের মেয়ে সেটা আগে সন্ধান পাইনি।

অম্বুকুল বলিল, একটা কচি মেয়ে, তাকে এত জ্বালাতন কেন করছ ? তার নিজের অপরাধ কি আছে বল ত ?

হরমুন্দরী বলিল, সে নিজে অপরাধ না করলেও তার পিতামাতার অপরাধের শাস্তি তাকেই গ্রহণ করতে হ'বে।

অম্বুকুল বলিল, পিতামাতার পাপের শাস্তি যদি সন্তানকে গ্রহণ করতে হয়, তাহ'লে ভয় হচ্ছে, কতকাল আমাদের অসহ নরক-যন্ত্রণা ভোগ করতে হ'বে !

“তোমরা নরক-যন্ত্রণা ভোগ করবে কেন ?”

“তোমাদের মহাপাপের ফলে। একটা নিরপরাধ পরের মেয়ে ঘরে এনে তাকে যজ্ঞা দিচ্ছ—তাকে অবিরত খুঁচিয়ে মারছ। তার বুকভাঙা যে দীর্ঘশ্বাস উঠছে, তাতে সমগ্র সংসার বিষিয়ে উঠছে, ঘোষ-পরিবারের শির লক্ষ্য করে’ ভগবান বজ্রপাতের উদ্যোগ করছেন। যদি তাকে মেরে ফেলতে চাও, এক কোপে কেটে ফেল, না হয়, তাকে খানিকটা বিষ গিলিয়ে দাও। এমন করে’ খুঁচিয়ে যজ্ঞা দিয়ে কেন তাকে মারছ ?

পৈশাচিক হাস্য করিয়া হরসুন্দরী বলিল, মরে কই ? তাহ’লে ত আবার ছেলের বিয়ে দিতাম, বারো মাসে তের পার্কণের তত্ত্ব বুঝে নিয়ে ঘরে তুলতাম।

উৎকট ঘৃণাভরে অম্বুকুল বলিল, আগে জান্তাম, হাঁসখালর দত্তরা জেলে পাটনৌ, শুধু মাছ ধরে’ খায় কিন্তু এখন দেখছি, তারা কসাই—গোখানায় গরু ভেড়া জবাই করা তাদের ব্যবসা।

হরসুন্দরী গর্জ্জন করিয়া বলিল, পাঞ্জি ! নচ্ছার ! মুখ সামলে কথা বলিস। আমার যা খুসী তাই করবো, তুই কথা বলতে আসিস কোন্ সাহসে ?

অম্বুকুলচন্দ্রের হৃদয় বিদ্রোহে ভরিয়া গিয়াছিল। সে রক্ষ মেজাজে উত্তর করিল, কেন সাহস থাকবে না ? আমি ত তোমার পিতার অগ্নে পালিত হই না ?

কালসপেরে’ গ্রায় গর্জ্জন করিয়া হরসুন্দরী বলিল, এত স্পর্ধা তোর—তুই যখন তখন আমার ‘বাপ মা’ তুলে কথা বলিস ? তুই যে কাল অগ্নে পালিত হচ্ছিস, আজ তোকে ভাল করে’ মালুম করে’

পুজার তত্ত্ব

দেব । বলিয়াই কালসর্পিনী হেলিয়া ছলিয়া ফাঁস ফাঁস করিয়া চলিয়া গেল ।

সম্মুখে পুঁটু দাঁড়াইয়া ছিল । অম্বুকুল ক্রুদ্ধভাবে তাহার দিকে তাকাইয়া বলিল, পুঁটি ! ষত অনর্থের মূল তুই ।

ঘাড় বাঁকাইয়া মুখভঙ্গি করিয়া পুঁটু বলিল, কেন, আমি কি করেছি ?

অম্বুকুল বলিল, তুই কেন দিন রাত্রি গোয়েন্দাগিরি করিস ?

পুঁটু বলিল, বেশ করেছি—তুমি আমাকে মারবে নাকি ?

অম্বুকুল বলিল, ইচ্ছা করে, তোরা চুলের গোছা ধরে' তুই গালে ছোটো চড় বসিয়ে দেই ।

পুঁটুও সহজ মেয়ে নয়—সে দূরে সরিয়া দাঁড়াইয়া বলিল, তুমি আমাকে মারবে কেন বলত ? আমি কি তোমার খাই, না, তোমার পরি ?

ছোট বোনের মুখে এমন উত্তর শুনিয়া অম্বুকুলের অত্যন্ত রাগ হইয়া গেল । অম্বুকুল বলিল, বেহায়া মেয়ে । তোরা এত বুকের পাটা হয়েছে, তুই আমার সঙ্গে সমান উত্তর করিস ? দাঁড়া তুই, তোকে শিখিয়ে দিচ্ছি । বলিয়াই যেই অম্বুকুল অগ্রসর হইল, অমনি পুঁটু কান্নার সুরে চীৎকার করিয়া বলিল, মাগো ! আমাকে মেরে ফেললে গো—বড় দাদা মদ খেয়েছে বুঝি গো ! বলিয়াই সে দৌড়িয়া পলায়ন করিল ।

অবিলম্বে বৃদ্ধ নফরচন্দ্র অম্বুকুলের সম্মুখে আসিয়া দাঁড়াইল । নফরচন্দ্র বলিল, অম্বুকুল । এ কি ব্যবহার তোমার ?

অম্বুকুল নতমস্তকে বলিল, কি করেছি বাবা ?

“তুমি নাকি তোমার গর্ভধারিণীকে ছৰ্বাক্য বলেছ ?”

বিরক্তভাবে অমুকুল বলিল, গর্ভধারিণীকে মিষ্ট কথা বলবার সুযোগ পাইনে বাবা !

নফরচন্দ্র বিরক্তভাবে বলিল, ছিঃ ! কোন ভদ্রলোকের সম্মানের মুখে এমন কথা বা’র হওয়া উচিত নয়। তুমি তোমার গর্ভধারিণীর অবাধ্য হয়েছ ?

“হয়েছি।”

“অত্নায়।”

“কিন্তু ত্রায় অত্নায় আজ আপনাকে বিচার করতে হ’বে বাবা ! একটা পরের মেয়ের উপর কি অত্যাচার হচ্ছে, হয়ত আপনি সন্ধান রাখেন না ?”

বুদ্ধ নফরচন্দ্র বলিল, সব সন্ধান রাখি অমুকুল ! কিন্তু ত্রায় অত্নায় বিচার করবার ক্ষমতা আজ আমার নাই।

অমুকুল বলিল, কেন নাই ? আপনি কি এ সংসারের কেউ নন ?

বুদ্ধ বিচলিতভাবে বলিল, আমি কেউ নই—আমি ‘সাইফার’—শূত্র—ফাঁকা। আমি নাম মাত্র ঘোষ-পরিবারের কর্তা—প্রকৃত কর্তা হচ্ছে, তোমার গর্ভধারিণী—তার আদেশ তোমাকে শুনতেই হ’বে।

অমুকুল উত্তেজিত কণ্ঠে বলিল, এত বড় একটা অত্যাচার চোখের উপর দেখে নীরবে সহ্য করতে হ’বে ?

নফরচন্দ্র বলিল, ‘আল্‌বোথ’ করতে হ’বে। তোমার বাবা যখন জেনে শুনে সব সহ্য করছে, তখন তুমি করবে না কেন ? শোন

পূজার ভূত

অমুকুল ! একদিন তোমার পিতা নফরচন্দ্র দাতা, ধার্মিক, শ্রায়বান বলে' খ্যাতি লাভ করেছিল। সে দিন তোমার পিতা আশী বছরের বুড়ো হয়নি, বল-বুদ্ধি হারায়নি, তৃতীয়-পক্ষকে গলার হার করেনি কিন্তু আজ তোমার সেই পিতা পরমুখপ্রত্যাশী জরাজীর্ণ হুবির—সাইফার—সাইফার। তুমি নতমস্তকে তোমার গর্ভধারিণীর আদেশ পালন কর—তার কাছে ক্ষমা চাও।

মাথা নীচু করিয়া অমুকুল বলিল, পারবো না বাবা !

অমনি হরসুন্দরী বাঘিনীর শ্রায় ছুটিয়া আসিয়া বলিল, ও হতভাগাকে আজই তাজাপুত্র করতে হ'বে। ও আমার মেয়েকে মারতে আসে—আমাকে বাপ মা তুলে গাল দেয়—ওর মুখদর্শন আর করবো না।

গর্ভভরে অমুকুল বলিল, বেশ তাই হ'ক, আমি আজই তোমাদের পাপ সংসার ছেড়ে যাচ্ছি। যেখানে এত অত্যাচার অবধে চলে যাচ্ছে—যেখানে আমার পিতা সাইফার, সে স্থান নরক। বলিয়াই অমুকুল প্রস্থানোত্ত হইল।

অমনি বৃদ্ধ নফরচন্দ্র বাধা দিয়া বিচলিত ভাবে বলিল, কর কি—অমুকুল ! তুমি আমার জ্যেষ্ঠ পুত্র।

অমুকুল বলিল, আমি মূর্থ পুত্র—পিতৃ-মাতৃদ্রোহী কুসন্তান। আপনার কনিষ্ঠ পুত্র প্রকাশচন্দ্র বিদ্বান বুদ্ধিমান বাধ্য সন্তান। আমি আশীর্বাদ করে' যাচ্ছি, সে আপনার বংশের মুখোজ্জল করবে। বলিয়াই অমুকুল দ্রুতপদে প্রস্থান করিল।


বৃদ্ধ নফরচন্দ্র বলিল, গৃহিণি ! একটু ঠাণ্ডা হও—ছেলেদের সঙ্গে বনিমে চল।

পূজার তত্ত্ব

হরসুন্দরী ধমক দিয়া বলিল, নেহাত আহম্মুখের মত কথা বলছ।
আমি না হ'য়ে ছেলের পায়ে ধরতে যাব নাকি? দুর্ হ'য়ে যা'ক.
ওটা আমার ছ'চক্ষের বিষ।

নফরচন্দ্র মাথা চুলকাইতে চুলকাইতে বলিল, তুমি যা ভাল বোঝ
তাই কর। আমি শুদ্ধ সাইকার—সাইকার।

বলিয়াই বৃদ্ধ মস্তুরগমনে প্রস্থান করিল।



শৈবলিনীকে স্বশ্রুতালয়ে পাঠাইয়া দিয়া শঙ্কর চাকর ও পুত্র-কন্ঠাগণকে লইয়া হেমবাবু তাঁহার কৰ্মস্থল সিমলা পাহাড়ে প্রস্থান করিলেন। তাঁহার চিন্তার অবধি ছিল না, কি প্রকারে সেখানে সংসার-যাত্রা নির্বাহ করিবেন। পত্নী নাই—বয়স্হা কন্ঠা স্বশ্রুতালয়ে। একমাত্র বিশ্বস্ত শঙ্কর চাকরের উপর নির্ভর করিয়া কিছুতেই সংসার চলিতে পারে না। এখন উপায় কি ?

হেমবাবু শঙ্করকে ডাকিয়া বলিলেন, শঙ্কর ! কি করে' আমার সংসার চলবে ?

শঙ্কর ভরসা দিয়া বলিল, ভয় কি বাবু ! যে প্রকারেই হউক আপনার সংসার চালিয়ে দেব।

হেমবাবু বলিলেন, তুমি একা কি করে' চালাবে শঙ্কর ? আমাকে আফিসে যেতে হ'বে। কে র'াধবে—বাড়বে—কে ছেলেমেয়েদের দেখবে ? তা ছাড়া আরও অনেক গৃহস্থানী কাজ-কৰ্ম্ম আছে।

শঙ্কর মাথা নীচু করিয়া বলিল, সব আমি করবো।

হেমবাবু শঙ্করের মুখের দিকে তাকাইয়া বলিলেন, অসম্ভব।

শঙ্কর বলিল, 'এই অসম্ভবই আমাকে সম্ভব করে' তুলতে হবে। শুধু রাঁধবার বাড়ীর জন্ত একটা ঠিকে বায়ুন রেখে দিলে হবে, আর বত কাজ-কর্ম আছে, সব আমি করবো।

হেমবাবু বলিলেন, কি বলছ শঙ্কর! তুমি একা মাহুষ—এত কাজ কি করে' করবে?

শঙ্কর বলিল, আমাকে করতেই হবে—একা আমাকে দশটা হাতে হবে।

হেমবাবু দেখিলেন, শঙ্করের মুখ গম্ভীর—দৃঢ়তাব্যঞ্জক। বিস্মিতভাবে হেমবাবু বলিলেন, কেন বল দেখি, তোমার এত জেদ?

শঙ্কর ধীরভাবে উত্তর করিল, জেদ নয়—আমার উপর হুকুম।

অত্যন্ত বিস্মিত হইয়া হেমবাবু বলিলেন, কার হুকুম?

শঙ্কর বলিল, 'আমার দিদিমণির হুকুম। বাবু! আমি জানি, চারিদিক থেকে আপনি ঋণজালে জড়ীভূত হ'য়েছেন। চাকরী করে' আপনার যে আয় হয়, দাস দাসী পাচক ব্রাহ্মণ রেখে বড়মাহুষী চালে চললে জীবনে আপনি ঋণ শোধ করতে পারবেন না। কাজেই আজ থেকে আমাকে হাড়ভাঙ্গা পরিশ্রম করে' আপনাকে ঋণদার থেকে মুক্ত করতে হবে।

হেমবাবু অবাক হইয়া সেই প্রভুভক্ত বিশ্বস্ত পরম হিতৈষী ভৃত্যের সুখের দিকে তাকাইয়া রহিলেন—ঠাঁহার ছুই চক্ষু হইতে অশ্রুধারা ঝরিয়া পড়িল। আত্মসংবরণ করিয়া হেমবাবু বলিলেন, শঙ্কর! তুমি আমার অনেক উপকার করেছ, সে ঋণ ত জীবনে শোধ করতে পারবো না। তুমি আমার ভৃত্য নও—

শঙ্কর বাধা দিয়া বলিল, না বাবু! আমি আপনার ভৃত্য নই—

পুজার তত্ত্ব

আপনার পুত্র। পুত্রের কি কর্তব্য নয়, অসময়ে বিপন্ন পিতাকে সাহায্য করে ?

হেমবাবু বলিলেন, পিতারও কি কর্তব্য নয়, পুত্রের সুখ-স্বচ্ছন্দতার দিকে লক্ষ্য করে ? একটা গৃহস্থের সংসারে কত কাজ। সব কাজের দায়ীত্ব যদি একা তোমার ঘাড়ে পড়ে, তোমার হাফ ছাড়বার অবসর থাকবে না। তোমার শ্রাম পরমাত্মীর উপর আমি এত অত্যাচার কি করে' করবো ?

শঙ্কর বলিল, দায়ীত্বের ভারে যদি আমার ঘাড় ভেঙ্গে যাবার উপক্রম করে, সে দিন আমি আপনাকে জানাবো, আপনি অধীর হ'বেন না।

শঙ্কর জোর করিয়াই সব দায়ীত্ব ঘাড়ে পাতিয়া লইল। একজন 'ঠিকে' ব্রাহ্মণ ডাকিয়া রন্ধনের ভার তাহার হস্তে দিল, আর সব কাজ-কর্ম সে নিজের হাতেই করিতে লাগিল। সে নিজে বাসন মাজে, জল তোলে, ঘর দ্বার পরিষ্কার করে, ছেলে মেয়ে রাখে, হাট বাজার করে। কোন কাজেই তার ক্রটি নাই—কিছুতেই তাহার বিরক্তি নাই। দু'দিন পরে হেমবাবু দেখিলেন, একমাত্র শঙ্করের গুণে তাঁহার সংসারে কোন অভাব নাই—কোন বিশৃঙ্খলা নাই। যথার্থই আজ যেন এক শঙ্কর দশটা হইয়া কাজ করিতেছে। পত্নী ও কন্যা বর্তমানে তাঁহার সংসাবে যে প্রকার সুব্যবস্থা ও শৃঙ্খলা ছিল, আজ তাহার কোন অভাব হয় নাই। প্রভুভক্ত শঙ্করের কার্যে হেমবাবু মুগ্ধ হইলেন—তিনি ভাবিলেন, শঙ্কর যথার্থই আজ পুত্রের কার্য করিতেছে।

শঙ্কর কেন এত করিতেছে ? সেই যে শৈবলিনী তাহাকে বলিয়া দিয়াছে, আমার বাবাকে যত্ন করো, তাই বোন্দের ভালবেসো, শঙ্কর

পূজার ভঙ্গ

সে কথাত ভুলিতে পারে নাই ? সে শৈবলিনীকে প্রাণের চেয়ে অধিক ভালবাসে, তাহাই ত আজ প্রাণপাতেও তাহার আদেশ পালন করিতে প্রস্তুত হইয়াছে। যদি ক্রটি হয়—শৈবলিনী যদি কৈফিয়ৎ চায় ? তার চেয়ে মরণ মঙ্গল।

(১৭)

শঙ্কর অতি দরিদ্রের সন্তান। কোন্ পাহাড়ে মূল্যে কুঁড়ে ঘরে তাহার জন্ম হইয়াছিল—জন্মগ্রহণের পরেই অল্পদিনের মধ্যে একে একে জনক-জননী হারাইয়া বসিয়াছিল, তখন তাহার বয়স মাত্র পাঁচ বৎসর। তাহার অগ্র কোন ভাই ভগিনী ছিল না। পিতৃমাতৃহীন হইয়া শঙ্কর এক দূর সম্পর্কীয় আত্মীয়ের ঘরে আশ্রয় পাইয়াছিল সত্য কিন্তু সেখানে স্নেহ-মমতার মুখ কখনও দেখিতে পায় নাই। অবিরত প্রহার ও তিরস্কার অগ্নাবদনে সজ্জ করিতে করিতে তাহার জীবনযাত্রার সূত্রপাত হইয়াছিল।

সেই আত্মীয়ের দ্বারে দুই চারি বৎসর অতি কষ্টে কাল কাটাইয়া একদিন সে তাহার খোঁটা আত্মীয়ের প্রচণ্ড চপেটাঘাত গণ্ডদেশে গ্রহণ করিয়া গৃহত্যাগ করিয়াছিল। তখন তাহার বয়স নয় দশ বৎসর মাত্র। বালক শঙ্কর দেশ ছাড়িয়া পলায়ন করিয়া দেশান্তরে উপস্থিত হইল। সে এক কৃষকের বাড়ীতে আশ্রয় পাইল। সেখানে জীবিকা অর্জনের জন্য একপাল গরু, তেড়া ও ছাগল চরাইবার ভার প্রাপ্ত হইল। বালক

সেখানে পেট ভরিয়া খাইতে না পাইলেও তাহার পশু সঙ্গীগণের সহিত দুই এক বৎসর বেশ মনের আনন্দে কাল যাপন করিল। সহসা একদিন নেকড়ে বাঘে একটা ছাগল-ছানার ঘাড় ভাঙিবার অপরাধে সে কৃষকের হস্তে উত্তম মধ্যম প্রহারের আশ্বাদ গ্রহণ করিয়া সে স্থান ত্যাগ করিয়া পলায়ন করিতে বাধ্য হইল।

এইরূপে শব্দর একবার হইতে অপর দ্বারে এক স্থান হইতে অল্প স্থানে ফুটবলের মত পদাঘাত সহ্য করিয়া ভ্রমণ করিতে লাগিল। সে জীবনে কোন স্থানেই ভালবাসা বলিয়া পদার্থটির সন্ধান প্রাপ্ত হয় নাই—কঠোর শ্রম ও অত্যন্ত নিঃশ্রমতার মধ্যেই সে চির পরিচিত হইয়াছিল—সেই কারণেই তাহার হৃদয় সাহারার মরুভূমির স্থায় একেবারে নীরস হইয়া গিয়াছিল।

পরিণত বয়সে সহসা একদিন সে হেমবাবুর আশ্রয় পাইল—তাঁহার পত্নী সুরবালা দেবীর ভালবাসা ও মায়া-মমতা পাইয়া তাহার হৃদয় গলিয়া গেল। এমন জিনিসের আশ্বাদ সে জীবনে কখনও পায় নাই—মরুভূমির মাঝখানেও যে মরুস্থানে থাকিতে পারে, সে কল্পনাও করে নাই—পাষাণের বুক চিরিয়াও যে অমৃত নিষ্করিণী প্রবাহিত হইতে পারে, সে পূর্বে কখনও অনুমান করে নাই। শব্দরের হৃদয় যথার্থই গলিয়া গেল—সে সুরবালাকে মা বলিয়া ডাকিতে পাইয়া চির জীবনের অভাব হৃদে আসলে পোষাইয়া লইল।

সুরবালার প্রথম সন্তান জন্মগ্রহণ করিল, শৈবলিনী। দেবকন্ডার মত সেই শিশুটিকে বৃকে জুড়াইয়া ধরিয়া শব্দরের বুক জুড়াইয়া গেল। সে জীবনে কাহারও ভালবাসা পায় নাই, কাহাকেও ভালবাসিতে শেখে নাই। সিমলার পাহাড়ে আসিয়া সে যথার্থই যেন ভালবাসার স্বর্গরাজ্যে

পূজার ভঙ্গ

প্রবেশ করিয়া বসিল। স্থান সুন্দর—আশ্রয় সুন্দর—অধিবাসীরা সুন্দর—শঙ্কর যে দিকে তাকায় সেইদিকেই সৌন্দর্য্যের একাধিপত্য। সেই সৌন্দর্য্যের সাগরে ডুবিয়া সুন্দরী শৈবলিনীকে বুকে ধরিয়া অসুন্দর শঙ্করের মনে-প্রাণেও যেন সৌন্দর্য্য ফুটিয়া উঠিয়াছিল—শঙ্কর মুগ্ধ হইয়াছিল।

শঙ্কর হেমবাবুর সদয় ব্যবহারে সন্তুষ্ট হইয়াছিল—সুরবালার স্নেহে মুগ্ধ হইয়াছিল কিন্তু সে সর্ব্বাপেক্ষা ভালবাসিয়াছিল, শৈবলিনীকে—সে যেন ছিল তাহার বুকের রক্ত। আজ শৈবলিনী শব্দরালয়ে—শঙ্করের হৃদয় শৈবলিনীর বিরহে বড় কাতর হইয়াছিল। সুরবালা পরলোকে গমন করিলেও বোধ হয় সে এত কাতর হয় নাই। কিন্তু উপায় নাই, শঙ্কর বুঝিয়াছিল, শৈবলিনীর বিরহ-বেদনা তাহাকে অগ্নানবদনে সজ্জ করিতেই হইবে। কাজেই শঙ্কর বুক বাধিয়াছিল, শৈবলিনীর আদেশ পালনের জন্ত প্রাণপণে পরিশ্রম করিতেছিল।

হেমবাবুর জ্যেষ্ঠ পুত্র বালক সন্তোষকুমার বড় ছরস্ক ছিল—তাহাকে জ্যাটিয়া ওঠা শঙ্করের দায় হইয়াছিল। মাঝে মাঝে সে শঙ্করকে এত বিরক্ত করিয়া তুলিত যে তাহার ইচ্ছা হইত, বিরানি সিকার চপেটাঘাত চালাইয়া তাহাকে ঠাণ্ডা করিয়া দেয়। অমনি শৈবলিনীর অস্বরোধ মনে পড়িত, শঙ্কর নিজের ঠাণ্ডা হইয়া যাইত, নথের আঁচড়টা পর্য্যন্ত তাহার অঙ্গে পড়িত না। হেমবাবু নিজেরও বালক-বালিকাগণকে শাসনে রাখিবার অবসর পাইতেন না—পাইলেও সেই মাতৃহীনা শিশুগণের মুখের দিকে তাকাইয়া তাহার হৃদয় করুণায় গলিয়া যাইত—কাজেই তাহাদের শত অপরাধ বরদাস্ত হইয়া যাইত—দিন দিন তাহারাও অত্যন্ত উচ্ছৃঙ্খল হইয়া উঠিতেছিল।

সহসা একদিন হেমবাবু শঙ্করকে বলিলেন, শঙ্কর ! ছেলে মেয়েগুলোকে একটু শাসনে রেখো—ওরা যে অধঃপাতে যেতে বসেছে ?

শঙ্কর হেমবাবুর মুখের দিকে কাতর দৃষ্টি নিষ্ক্ষেপ করিয়া বলিল, কি করবো বাবু ! ওরা যে মা-হারা ?

হেমবাবু বলিলেন, মা-হারা বলে ওদের মাথা খাওয়ার ব্যবস্থা করা ত ভাল নয় ?

শঙ্কর বিরক্ত হইয়া উঠিয়া বলিল, ওরা ত আপনার কাছে কখনও দুরন্তপনা করে না—ওদের যা কিছু উপদ্রব আমার কাছে । আমি ত নীরবে সব সহ্য করি ।

হেমবাবু বলিলেন, তুমি সহ্য কর বটে কিন্তু অত্যন্ত প্রাশ্রয়ে ওদের যে ইহকাল পরকাল ঝড়ঝরে হ'য়ে উঠছে ।

শঙ্কর রাগিয়া বলিল, ওরা দুষ্ট বলে' আপনি কি বলেন, ওদের পিছনে গুণ্ডা লাগিয়ে দেব ? আমি ওদের গায়ে একটা নখের আঁচড়ও দিতে পারবো না, অথচ কেউ যদি ওদের গায়ে হাত দেয়, তাও সহ্য করিতে পারবো না, তাতে ওদের পরিণাম যা হয়—তাই হ'বে ।

হেমবাবু বলিলেন, বেশ ! তাই হ'ক, কিন্তু মনে রেখো, দুদিন পরে তোমাকেই আগে এর ফল ভোগ করিতে হ'বে ।

“হয়—হ'বে ।” বলিয়াই শঙ্কর রাগে গব্ব গব্ব করিয়া চলিয়া গেল ।

(১৮)

দু'দিন বাইতে না বাইতেই শঙ্কর হাতে হাতে ফল পাইল। বালক সম্ভোষ অবাধ্যতার চরম সীমায় উপস্থিত হইল। তাহার অশিষ্ট ব্যবহারে পথের লোক পর্য্যন্ত বিরক্ত হইয়া উঠিল। অনেকের অভিযোগ হেমবাবুর কর্ণগোচর হইতে লাগিল, তিনিও মনে মনে বিরক্ত হইতে লাগিলেন, কিন্তু শঙ্করকে মুখ ফুটিয়া আর কোন কথা বলিলেন না।

বালক পাখী মারিবার উদ্দেশ্যে একখানি বড় পাথরের ঢিল উর্দ্ধে নিক্ষেপ করিতেই লক্ষ্যভ্রষ্ট হইয়া নিক্ষিপ্ত শিলাখণ্ড অদূরে কর্মনিরত শঙ্করের কপালে সবলে পতিত হইল—শঙ্করের কপাল কাটিয়া দর দর ধারায় শোণিতপাত হইতে লাগিল—সে অব্যক্ত চিৎকার করিয়া মাটিতে বসিয়া পড়িল। বালক নিজের অপরাধ বুঝিতে পারিল—তাহার মুখ শুকাইয়া গেল—নিতান্ত অপরাধীর মত সে ধীরপদে শঙ্করের সন্নিকটে উপস্থিত হইয়া বিষমবদনে তাহার মুখের দিকে তাকাইয়া রহিল।

শঙ্কর অত্যন্ত আঘাত পাইয়াছিল—বেদনায় তাহার কপাল কাটিয়া বাইতেছিল কিন্তু বালকের বিষম মুখ দেখিয়া অন্তরের ভাব গোপন করিয়া

মুখে হাসি ফুটাইবার চেষ্টা করিল। অদূরে বসিয়া হেমবাবু নিজের চক্ষে সে দৃশ্য দেখিতে পাইলেন—ক্রোধে তাঁহার সর্বশরীর জলিয়া উঠিল। তিনি ধৈর্য্যাহারা হইয়া একখানি বেত হাতে করিয়া তীরবেগে বাহিরে ছুটিয়া আসিলেন এবং বালকের পশ্চাতে আসিয়া তাহার পৃষ্ঠোপরি সবলে বেত্রদণ্ড চালনা করিলেন। কটাক্ষ-মধ্যে শঙ্কর বালকের বিপদ বুঝিতে পারিল—সে নিজের ব্যথা ভুলিয়া গিয়া বিদ্যাতের ত্রায় ক্ষিপ্ৰগতিতে বালকের হাত ধরিয়া টানিয়া নিজের বুকের মধ্যে টানিয়া লইল। হেমবাবুর বেত্রাঘাত ব্যর্থ হইল না—সবলে ব্যথিত শঙ্করের পৃষ্ঠদেশে পতিত হইল। ‘উঃ গেলাম গো!’ বলিয়াই শঙ্কর পিঠ বাঁকাইয়া মুখ বিকৃত করিয়া মাথা নীচু করিয়া বসিয়া পড়িল।

হেমবাবু স্তম্ভিত হইলেন—কি করিতে গিয়া কি করিয়া বসিলেন—পূজকে শাসন করিতে গিয়া নির্দোষ নিরপরাধ প্রভুভক্ত ভৃত্যকে অকারণে প্রহার করিয়া বসিলেন। প্রহার সামান্য হয় নাই। অত্যন্ত ক্রোধের বশে যে বেত্রাঘাত তিনি করিয়াছিলেন, বালক সন্তোষের কোমল পৃষ্ঠে সে আঘাত পতিত হইলে অত্যাঘাতের ত্রায় ক্রিয়া প্রকাশ করিতে ক্রটি করিত না কিন্তু শঙ্করের কঠিন গাত্রচৰ্ম্ম ভেদ করিয়া রক্তস্রাব না করিলেও অবিলম্বে তাহার পিঠ ফুলিয়া উঠিল। একে কপালের আঘাতে সে যাতনা পাইতেছিল, সে আলা জুড়াইতে না জুড়াইতেই পৃষ্ঠোপরি দারুণ আঘাত পড়িল। যন্ত্রণায় শঙ্করের চোখ ফাটিয়া অশ্রু নির্গত হইবার উপক্রম করিল—শঙ্কর কষ্টে আত্মসংবরণ করিয়া হেমবাবুর মুখের দিকে তাকাইয়া জলভরা মেঘে দামিনী বিকাশের মত মুখে হাসি বাহির করিয়া বলিল, বড় বাঁচায়েছি ভাইকে আমার। বাবু! আপনার বড় অগ্রাহ—কেন আমার ভাইকে মারতে ছুটে এলেন?

পূজার ভঙ্গ

হেমবাবু ক্রোধে লজ্জায় ক্ষোভে অভিভূত হইয়া এতক্ষণ স্থির হইয়া দাঁড়াইয়া ছিলেন—তাহার হাতের বেত খসিয়া ভূতলে পড়িয়াছিল। কিছুক্ষণ পরে তিনি দীর্ঘ নিঃশ্বাস ত্যাগ করিয়া বলিলেন, শঙ্কর !

শঙ্কর ব্যথার জ্বালা চাপিয়া রাখিয়া বলিল, কি বাবু !

হেমবাবু বলিলেন, আজ থেকে তোমাকে আমার বাড়ীর চাকরী হ'তে জবাব দিলাম। তোমার পাওনা টাকা কড়ি বুঝে নিয়ে আমার বাড়ী ত্যাগ করে' চলে যাও।

শঙ্কর অবাক হইয়া হেমবাবুর মুখের দিকে চাহিয়া রহিল। হেমবাবুর কথার অর্থ সে হৃদয়ঙ্গম করিতে পারিল না। বিষন্ন বিমুগ্ধ মুখে শঙ্কর বলিল, আমার অপরাধ কি বাবু ?

হেমবাবু বলিলেন, অপরাধ যথেষ্ট। তুমি আমাদের অনেক করেছ, তার কৃতজ্ঞতার চিহ্ন পুত্র এঁকে দিয়েছে, তোমার কপালে—আর তার নরাদম পিতা আমি এঁকে দিলাম, তোমার পৃষ্ঠে। এখন যাও শঙ্কর ! এই পুরস্কার বহন করে' জগতের সম্মুখে গিয়ে দাঁড়াও—আমি যে কত বড় ভদ্র আর তুমি কেমন অভদ্র আজ বিচার হ'য়ে যাক।

শঙ্কর উঠিয়া দাঁড়াইয়া বলিল, অনিচ্ছায় অজ্ঞাতে যে কাজটা হ'য়ে গেল, আপনি তার জন্ত এত অধীর হচ্ছেন কেন ?

হেমবাবু বলিলেন, না শঙ্কর ! আর তোমাকে আমি রাখবো না—পদে পদে আর তোমাকে এমনভাবে নির্যাতন করবো না। পরের ছেলে তুমি—কিন্তু আমার বিশ্বাস, আমার নিজের ছেলেও বোধ হয় এতটা অত্যাচার নীরবে সহ্য করতো না। শঙ্কর ! বিদায় নাও।

“কোথায় যাব ?”

“যেখানে ইচ্ছা।”

“ত্রিসংসারে যে আমার স্থান নাই বাবু!”

হেমবাবু বলিলেন, ভগবানের রাজ্যে যদি পুণ্যের পুরস্কার থাকে, তোমার স্থানের অভাব হ’বে না শঙ্কর!

অমনি শঙ্কর ঘাড় বাঁকাইয়া গর্জ্জন করিয়া বলিল, বাবু! আমি কি পুণ্যের পুরস্কারের লোভে আপনাদের এতকাল সেবা করেছি? মূর্খ আমি—ইতর আমি—পাপ-পুণ্যের ধার ধারি না। এককালে আপনার সঙ্গে আমার কোন সম্পর্ক ছিল না কিন্তু কেন যে এতকাল আমি আপনাদের প্রাণভরে সেবা করেছি, জানেন? অমনি শঙ্কর সজলনয়নে উর্দ্ধদিকে তাকাইয়া কাতরকণ্ঠে বলিল, মা আমার! কোথায় আছ তুমি? শৈবলিনি! দিদি আমার—একবার এসে আমাকে দেখে যাও।

শঙ্কর বালকের গ্রাস রোদন করিতে লাগিল। তখন হেমবাবু স্নেহভরে শঙ্করের চোঁখের জল মুছাইয়া দিয়া তাহার হাত ধরিয়া কক্ষ-মধ্যে টানিয়া লইয়া গেলেন। প্রভুভক্ত ভূত্য শয্যায় মুখ গুঁজিয়া ফুলিয়া ফুলিয়া কাঁদিতে লাগিল। হেমবাবু তাহার গায়ে হাত বুলাইয়া দিয়া নিজেও চোখের জলে বুক ভাসাইতে লাগিলেন।

তাঁহার পর কিছুদিন গত হইল। একদিন হেমবাবু শয্যায় শয়ন করিয়া আছেন। হাতের কাজ সারিয়া হেমবাবুর পায়ে কাছ বসিয়া শঙ্কর কাতর কণ্ঠে বলিল, বাবু! দিদিমণির কোন চিঠি-পত্র পেয়েছেন?

হেমবাবু বলিলেন, না শঙ্কর! এত দিন হ'য়ে গেল সে ত একখানাও পত্র লেখে না।

শঙ্কর যেন ক্রন্দনের স্বরেই বলিল, কেন লেখে না? দিদিমণির জন্ত আমার প্রাণ যেন থেকে থেকে কেঁদে ওঠে। কেন এমন হয় বাবু?

হেমবাবু শঙ্করকে সাধুনা দিয়া বলিলেন, তুমি তাকে বড় ভালবাস, তাই তার অদর্শনে কাতর হ'য়ে পড়েছ।

“চিঠি লেখে না কেন?”

“কুলবধূ সে—হয়ত সেখানে চিঠি লেখবার সুযোগ পায় না।”

শঙ্কর বলিল, যদি অনুমতি দেন, আমি ছুটে গিয়ে একবার আমার দিদিমণিকে চোখে দেখে আসি।

হেমবাবু বলিলেন, পাগল! সে কি এখানে। যেতে আসতে কত টাকা ব্যয় হ'য়ে যাবে।

শঙ্কর বলিল, যায় যাবে—টাকার ভাবনা কি ! এখনও আমার তহবিলে অনেক টাকা আছে ।

হেমবাবু বলিলেন, মিছামিছি এতদূর ছুটোছুটি করে' কাজ কি পাগল ! আমি আজই বেহাইকে পত্র দিচ্ছি ।

শঙ্কর বলিল, এত দিন কি তাদের কোন পত্র দেন নি ?

মাথা নীচু করিয়া হেমবাবু বলিলেন, না ।

“কেন ?”

“তারা আমার সঙ্গে যে কি ব্যবহার করেছে, তা কি তোমার মনে নাই শঙ্কর ?

শঙ্কর বলিল, তারা ধেরূপ ব্যবহার করুক না কেন, সেখানে যে আমার দিদিমণি আছে । মান অভিমান করলে আমার দিদিমণির উপায় কি হ'বে ?

হেমবাবু দীর্ঘ নিঃশ্বাস ত্যাগ করিয়া বলিলেন, বেশ ! আর আমি কোন অভিমান করবো না—তারা যদি আমাকে পাণের তলায় মাড়িয়ে বায়, তবুও কোন কথা বলবো না । আমি আজই পত্র লিখছি, তুমি অধীর হয়ে না শঙ্কর !

সেইদিবসই হেমবাবু বেহাই নকরচন্দ্রকে পত্র লিখিলেন । শঙ্কর হর্ষভরে নিজেই ডাকঘরে পত্র দিয়া আসিল । পরদিবসই শঙ্কর হেমবাবুকে জিজ্ঞাসা করিল, বাবু ! পত্রের উত্তর এসেছে ?

হেমবাবু হাসিয়া বলিলেন, তুমি পাগল হ'লে নাকি ! কাল পত্র দিয়েছি, আজ সে পত্র এখনও তাদের হস্তগত হয়নি, উত্তর দেবে কি করে ?

“কবে উত্তর আসবে ?”

“পত্র পেয়েই যদি উত্তর দেয়, দুই তিন দিন দেয়ী হ'বে ।”

পুজার তত্ত্ব

সে দুই তিন পূর্ণ হইতে না হইতেই শঙ্কর হেমবাবুকে দশ বার তাগিদ করিয়া বসিল। পত্র বথাসময়ে পটলডাঙ্গায় পৌছিরাছিল এবং তাহা হরশ্চন্দ্রীর হস্তগত হইলেই সে ঘৃণাভরে খণ্ড বিখণ্ড করিয়া দূরে নিক্ষেপ করিয়াছিল। হেমবাবু মনে মনে বড় দুঃখ অনুভব করিলেন, কিন্তু শঙ্করের অধীরতা দেখিয়া তিনি মনের ভাব গোপন করিয়া শঙ্করের অত্যন্ত তাগাদায় বিরক্ত হইয়া তাহাকে জানাইলেন, পত্রের উত্তর আসিয়াছে, শৈবলিনী ভাল আছে।

হেমবাবু মিথ্যা কথা বলিলেন। কিন্তু শঙ্কর সে কথায় সন্তুষ্ট হইল না। সে বলিল, পত্র দেখি ?

হেমবাবু বলিলেন, পত্র দেখে তুমি কি করবে ? তুমি ত লেখাপড়া জান না ?

শঙ্কর বলিল, না জানি, তবুও আমি চিঠিখানা দেখবো।

বিরক্ত ভাবে হেমবাবু বলিলেন, আফিসের ঠিকানায় পত্র এসেছিল— আমি আফিসে ফেলে এসেছি।


শঙ্কর বলিল, কাল পত্রখানা আনবেন—তুলবেন না ত ?

হেমবাবু বলিলেন, না তুলবো না। তিনি মনে মনে ভাবিলেন, এ পাগলকে বুঝাই কি করে ?

পরদিন তিনি আফিস হইতে বাসায় আসিতেই শঙ্কর প্রথমেই জিজ্ঞাসা করিল, বাবু! চিঠি কই ? শঙ্কর ত্বষিত চাতকের মত সেই চিঠির আশায় পথ তাকাইয়া বসিয়াছিল। উপায়স্বরূপ রহিত হইয়া হেমবাবু শঙ্করকে প্রতারণা করিলেন। তাঁহার জামার পকেটে কোন বস্তু প্রদত্ত ইংরাজিতে লেখা একখানা পত্র ছিল। হেমবাবু সেই পত্র বাহির করিয়া শঙ্করের হাতে দিলেন।

পূজার তত্ত্ব

শঙ্কর যেন আকাশের চাঁদ হাতে পাইল—তাহার দুই চক্ষু হইতে অশ্রু ঝরিয়া পড়িল। সে পত্রখানা বুকে ধরিয়া পাগলের মত নৃত্য করিতে লাগিল। সেই দৃশ্য দেখিয়া হেমবাবু অশ্রু সংবরণ করিতে পারিলেন না। তিনি দ্রুতপদে কক্ষ-মধ্যে চলিয়া গেলেন। হেমবাবু কোন দিনই পটলডাক্তার কোন চিঠি-পত্র পাইলেন না কিন্তু মাঝে মাঝে শঙ্করকে বাহা হয় একখানা পত্র দেখাইয়া শাস্ত করিয়া রাখিলেন। এইভাবে সিমলার পাহাড়ে তাঁহাদের দিন কাটিতে লাগিল।



বাড়ীভুক্ত লোক শৈবলিনীর সহিত বাক্যালাপ বন্ধ করিয়াছে—
 হরসুন্দরী দিন রাত্রি তাহাকে গালি-গালাজ করিতেছে কিন্তু এ শাস্তিতেও
 ঘোষ-গৃহিণীর মনস্কামনা পূর্ণ হইল না। হরসুন্দরী ভাবিল, এ অতি
 সামান্য শাস্তি—ঘরের ভিতর দিন রাত্রি বসে থাকবে, রাণীর হালে থাকে
 পূর্বে, তাতে ও অভাগার বেটার কি এত ক্ষতি বৃদ্ধি হ'বে? কাজেই
 আবার নূতন শাস্তির বিধি-ব্যবস্থা হইল।

হরসুন্দরী শৈবলিনীকে শুনাইয়া ক্যাস্ত দাসীকে ডাকিয়া বলিল,
 ও ক্যাস্ত! ছোটলোকের মেয়ে দিন রাত্রি ঘরের কোণে বসে থাকবে,
 কোন কাজ-কর্ম করবে না, এ ত আমার বরদাস্ত হ'বে না। ওকে তোরা
 কাজ দে না?

ক্যাস্ত বলিল, আপনাদের রাজার সংসারে কাজ করবার লোকের
 ত অভাব নেই। বউনাকে আমরা কি কাজ দেব?

হরসুন্দরী বলিল, ও হ'ল ছোটলোকের মেয়ে—ছোটলোকের মত কাজ
 ওকে দে—বসে বসে কেন থাকে সে?

ক্যাস্ত বলিল, আপনি বলে' দিন বউমাকে কি কাজ করতে দেব ?

হরমুন্দরীর হুকুম হইল, আজ হ'তে বাসন মাজা, জল তোলা, ঘর দোর পরিষ্কার করার কাজ ও ছোটলোকের মেয়েকে করতে হ'বে।

ক্যাস্ত চমকিত হইয়া বলিল, বলেন কি ! বড় ঘরের বউ হ'য়ে আপনার সংসারে নুতন বউমা দাসী-গিরি করবেন ?

হরমুন্দরী বিদ্রুপের হাস্ত করিয়া বলিল, ও অভাগী দাসীরও বোগ্য নয়। তোদের তবু একটা জাত-জন্ম আছে, হাতের ছোঁয়া জল লোকে খায় কিন্তু অই মুদ্‌ফরাসের মেয়ের হাতের জল কে খাবে বলত ? কাজেই ওকে বাইরের কাজ-কর্ম করতে হ'বে—দরকার হ'লে ধাক্কাড় মেথরের কাজও ওর ঘাড়ে পড়'বে।

ক্যাস্ত দাসী অবাধ হইয়া রহিল। এতটুকু বালিকার উপর এত অত্যাচার সে বে দাসী হইয়াও কল্পনা করিতে পারে না। রুষ্টভাবে ক্যাস্ত বলিল, এ আপনার অত্যন্ত বাড়াবাড়ি দেখ'ছি মা।

দাসীর মুখে জবাব শুনিয়া হরমুন্দরী ক্রোধভরে বলিল, বাড়াবাড়ি কমান্বিত বুঝিলে ক্যাস্তি। আমি যা হুকুম করবো, নতমস্তকে সকলকে পালন করতে হ'বে। যার না পোষাবে, সে পথ দেখ'তে পারে। বলিয়াই হরমুন্দরী অত্যাচার প্রস্থান করিল।

ক্যাস্ত দাসীর হৃদয়েও আজ বিদ্রোহের আগুন জলিয়া উঠিয়াছিল—সে মনে করিল, যখন গতর খাটাইয়া থাইতে হইবে, তখন পথ দেখার ভয় কি আছে। কিন্তু সে তখনই পথ দেখিয়া লইতে পারিল না, কেন না, নুতন বউএর উপর অত্যাচারটা কতদূর গিয়া দাঁড়ায়, তাহাই সে দেখিবার জ্ঞান ঘোষ-গিন্নীর তেজ দস্ত সহ করিয়াই সেখানে পড়িয়া রহিল।

পূজার ভঙ্গ

চরসুন্দরীর আদেশ শৈবলিনীর কর্ণগোচর হইয়াছিল—সে আদেশ শুনিয়া সে মর্মাহত হইয়া চোখের জলে বুক ভাসাইতেছিল। হেম-বাবুর আদরের কথা সে—যথাসর্বস্ব ধোয়াইয়া তাহার পিতা বড় ঘরে তাহার বিবাহ দিয়াছেন। তাহার পরিণাম এই ঘটিল! আজ তাহাকে বড় ঘরের দোরে দাসী-গিরি করিতে হইবে। কিন্তু উপায় কি আছে? বোম-গিন্নীর আদেশ তাহাকে মাথায় পাতিয়া লইতে হইবে।

শৈবলিনী উঠিল—একখানি মলিন বসন পরিধান করিয়া নিম্নতলে নামিয়া গেল। রান্নাঘরের বারান্ডার উপর বাসনের বোঝা ছিল। বালিকা দুই হস্তে আঁকড়াইয়া ধরিয়া কলতলায় গিয়া নামাইল। দাসীরা চম্কাইয়া উঠিল—পরম্পরে মুখের দিকে চাহিতে লাগিল। রাজরাণী হইয়া আজ চাকরানীর দলে মিশিয়া কাজ-কর্ম করিবে, এ বড় অত্যাচারের কথা! কিন্তু কে তাহার প্রতিবাদ করিবে? হুঃখে কোন্ডে দাসীদের বুক ফাটিয়া যাইবার উপক্রম করিল—তাহাদের চক্ষু হইতে অশ্রু ঝরিয়া পড়িল।

সকল দাসী মাথা নীচু করিয়া দাঁড়াইয়া রহিল, কেহই শৈবলিনীকে বাধা দিতে পারিল না—তাহার হাতের কাজ কাড়িয়া লইতে সাহস করিল না। কিন্তু ক্যান্ড দাসী স্থির থাকিতে পারিল না। সে ভাবিল, যদি চাকরী ছাড়িতে হয়, সেও স্বীকার কিন্তু চোখের উপর শৈবলিনীকে কিছুতেই এ ঘৃণিত কাজ করিতে দিবে না।

ক্যান্ড ছুটিয়া কলতলায় গেল—বাসনের বোঝা তুলিয়া লইয়া দূরে সরিয়া গিয়া নিজেই বাসন মাজিতে লাগিল। দাসী হইলেও ক্যান্ড কায়স্থের কথা—জল তোলা, বাসন মাজা প্রভৃতি ছোট কাজ

পূজার ভক্ত

সে কখনও করিত না। আজ যদি শৈবলিনীকেই সে কাজ করিতে হয়, তবে তাহার করিতেই বা আপত্তি কি? ক্ষান্ত মাথা নীচু করিয়া বাসন আগলাইয়া বসিয়া কাজ করিতে লাগিল। শৈবলিনী নীরবে দাঁড়াইয়া রহিল।

দূরে দ্বিতলের রেলিং ধরিয়া দাঁড়াইয়া ছিল—যুবক প্রকাশচন্দ্র। সে স্বচক্ষে তাহার পক্ষীর ছরবস্থা দেখিল—যুবকের বুক ফাটিয়া গেল—তাহার চক্ষে জল আসিল। কিন্তু যুবক কোন কথা বলিল না—শুধু একটা দীর্ঘ নিঃশ্বাস ত্যাগ করিয়া ধীরপদে অগ্রত্যাগ প্রস্থান করিল।

(২১)

দ্বিতলের বারাণ্ডার দাঁড়াইয়া কলতলার দিকে তাকাইয়া হরমুন্দরী গৰ্জ্জন করিয়া বলিল, ক্র্যাণ্ডি ! বড় দরদী হয়েছি, দেখছি ।

ক্র্যাণ্ড মাথা তুলিয়া বলিল, দরদের কথা কিছু নয় মা ! যার কাজ তারই সাজে । আমরা থাকতে বউমা এ কাজ করবেন, চোখে দেখতে পারবো না ।

হরমুন্দরী ক্রোধভরে বলিল, বটে ! দিন দিন তোর স্পর্কা বড় বেড়ে গেছে দেখছি । তুই আমার হুকুম অমান্ত করতে সাহস করিস ?

ক্র্যাণ্ড বলিল, হুকুম অমান্ত করছি না মা ! তবে আমরা থাকতে যদি নূতন বউমা এই সব নোঙ্করা কাজে হাত দেন, লজ্জার আমাদের মাথা কাটা যায় । আপনি বউমার উপর হুকুম করেছিলেন, তিনি আপনার হুকুম মান্ত করেছেন । তবে আপনি রাগ করছেন কেন ?

ক্যাস্ত দাসীর উপর অন্তরে অন্তরে কষ্ট হইলেও হরমুন্দরী আর কোন উত্তর না দিয়া অস্ত্র চলিয়া গেল। দাসী হইলেও হরমুন্দরী তাহাকে একটু ভয় করিয়া চলিত—তাহার একটু দোষ ক্রটি হইলেও মার্জনা করিয়া লইত। তাহার কারণ, প্রথমতঃ সে স্বজাতির কন্না—দ্বিতীয়তঃ সে বিশ্বস্তা ও কশিষ্ঠা—তৃতীয়তঃ সে এককালে তাহার পরম শত্রু বোস-গিন্নীর খাস চাকরাণী ছিল, অনেক চেষ্টায় তাহাকে ‘ফুলসাইয়া’ আনিয়াছিল। যদি আজ সে রাগের বশে চাকরী ছাড়িয়া চলিয়া যায়, তাহা হইলে আবার সে বোসেদের বাড়ী চুকিয়া বসিবে—তাহার ঘরের অনেক গলদ বোস-গিন্নীকে জানাইয়া দিবে। কাজেই মানের দায়ে হরমুন্দরী ক্যাস্ত দাসীর অবাধ্যতাও সহ্য করিয়া বাইত।

শৈবলিনী এতরূপ কলতলায় চূপ্ করিয়া দাঁড়াইয়া ছিল। হরমুন্দরী চলিয়া গেলে, শৈবলিনী দীর্ঘ নিঃশ্বাস ত্যাগ করিয়া মৃদুস্বরে বলিল, ক্যাস্ত! কেন আমার মান রক্ষার জন্য চেষ্টা করছ? আমি বুঝতে পারছি, আমার পিতার ক্রটিতেই আজ আমার উপর এ কঠোর শাস্তির ব্যবস্থা হইয়াছে। তুমি সরে যাও ক্যাস্ত! আমাকে অই হীন কাজ করিতে দাও—আমার বাবার পাপের শাস্তি আমাকেই গ্রহণ করিতে দাও।

ক্যাস্ত কোন উত্তর দিল না—সে মাথা নীচু করিয়াই কাজ করিতে লাগিল। একবার সে মাথা তুলিয়া কক্ষ দৃষ্টিতে শৈবলিনীর মুখের দিকে তাকাইল। শৈবলিনী দেখিল, ক্যাস্ত দাসীর হুই চক্ষু হইতে টপ্ টপ্ করিয়া অশ্রু ঝরিয়া পড়িতেছে।

হায় রে! দাসীর বুকেও দয়া আছে, মায়ামমতা আছে কিন্তু বোস-গিন্নীর বুকখানা কি পাবাণের চেয়েও শক্ত? শৈবলিনীর উপর

পূজার ভঙ্গ

এ অত্যাচার শুদ্ধ তাহার পিতাকেই অপমান করিবার জন্ত, শৈবলিনী তাহা বেশ বুঝিতে পারিয়াছিল। সে বালিকা—বাল্যকালী স্বরের কুলবধু—প্রতিবাদ করিবার শক্তি তাহার ছিল না—তাহার আত্ম-সম্মানে এত বড় আঘাত লাগিল, তবু সে স্বাস্থ্যের আদেশ অমান্য করিতে সাহস করিল না। শৈবলিনী জানিত, যদি সে ঘাড় বাঁকাইয়া জোর করিয়া দাঁড়ায়, তাহা হইলে তাহার স্বাস্থ্যের এমন সাধ্য হইবে না, যে তাহার দ্বারা এমন হীন কাজ করাইয়া লয়। কিন্তু সে তাহা করিল না—স্বাস্থ্যের অবাধ্য সে হইল না। তাহার কারণ, সে ভাবিয়াছিল, নিজে অপমানের বোঝা মাথায় পাতিয়া লইয়া তাহার পিতার পাপের প্রায়শ্চিত্ত করিবে।

দীন বেশে শৈবলিনী দাসী-মহলে দাঁড়াইয়া আছে, উপর হইতে সুরমা লক্ষ্য করিল। সুরমার ইচ্ছা হইল, নিম্নতলে ছুটিয়া গিয়া শৈবলিনীর হাত ধরিয়া উপরে টানিয়া আনে কিন্তু ক্যান্ড দাসীর মত প্রকাশ্যভাবে স্বাস্থ্যের বিরুদ্ধাচরণ করিতে তাহার সাহস হইল না। যেইমাত্র শৈবলিনী মুখ তুলিয়া তাহার দিকে লক্ষ্য করিল, অমনি সুরমা তাহাকে উপরে উঠিয়া আসিবার ইঙ্গিত করিল।

শৈবলিনী ধীর পদবিক্ষেপে উপরে উঠিবার সিঁড়ির দিকে অগ্রসর হইল। হরসুন্দরী উপর হইতে তাহা লক্ষ্য করিয়া গর্জন করিয়া বলিল, নবাবীয়াণায় চলবে না—আমার হুকুম শুনতেই হ'বে। ছোট-লোকের মেয়ে ছোটলোকের মতই থাকবে। জল তুলে এনে ওর নিজের ঘর দোর ওকে নিজেই পরিষ্কার করতে হ'বে।

শৈবলিনীর কান জলিয়া গেল—সে আর স্থির থাকিতে পারিল না। কাহারও বাধা-বিপত্তি শুনিল না—সে ছুটিয়া গিয়া এক বালুতি জল

লইয়া সিঁড়ি বহিয়া উপরে উঠিতে গেল। অপমানে অভিমানে তাহার হৃদয় ভাঙিয়া গিয়াছিল। কয়দিন হইতে তাহার অন্ন অন্ন জর হইতেছিল—শরীর দুর্বল হইয়াছিল—তাহার মাথা ঘুরিতেছিল। জল পড়িয়া সিঁড়ির পথ ভিজিয়া গিয়াছিল—জলের ভার লইয়া উপরে উঠিতে গিয়াই তাহার পা পিছলাইয়া গেল, অমনি সে সিঁড়ির উপর পড়িয়া গিয়াই অজ্ঞান হইয়া পড়িল।

দাসীরা হায় হায় করিয়া উঠিল—সুরমা পর্য্যন্ত ছুটিয়া আসিল—হরসুন্দরীর কন্ঠা উবারাণীও নিকটে আসিয়া দাঁড়াইল। ঠিক সেই সময়ে ক্যান্ড দাসী ছুটিয়া আসিয়া শৈবলিনীকে কোলে তুলিয়া লইয়া উপরে উঠিয়া গেল। শৈবলিনীকে তাহার কক্ষ-মধ্যে লইয়া গিয়া শয্যার উপর শয়ন করাইয়া তাহার পার্শ্বে বসিয়া সেবা করিতে লাগিল। হরসুন্দরী কক্ষ-দ্বারে দাঁড়াইয়া বাঘিনীর মত তাহার দিকে চাহিয়া চোখ ‘পাকাইতে’ লাগিল।

“নূতন বউএর ভারি জর হয়েছে—বিছানায় পড়ে ছট্‌কট্‌ করছে।”

বেলা সাড়ে চারিটার সময় ক্যাস্ত দাসী এই অভূতপূর্ব সংবাদটা কর্তা-গৃহিণীর কর্ণগোচর করিল। সংবাদ শুনিয়া বৃদ্ধ নফরচন্দ্রের হস্তস্থিত আলবোলায় নল ভূতলে পড়িয়া গেল। কর্তা অত্যন্ত ব্যস্তভাবে বলিল, য্যা! বলিস্ কিরে! নূতন বউমার জর হয়েছে? কবে হ’ল?

ক্যাস্ত বলিল, আজ জানতে পেরেছি বাবু! তিন চারি দিন আগে থেকেই বোধ হয় একটু একটু জর হ’ত—আজ জল তুলতে পড়ে গিয়ে অজ্ঞান হয়েছিল, তারপরই জরটা বড় বেশি হয়েছে।

নফরচন্দ্র বিস্ময়ভরে বলিল, আমার বউমা জল তুলতে গিয়েছিল কেন?

দাসী মাথা নীচু করিয়া বলিল, গিন্নী মার হুকুম হয়েছিল।

নফরচন্দ্র বলিল, তিন চারি দিন আগে থেকেই যদি অসুখ হ’রে থাকে, তোরা ভাল করে সন্ধান নিসনি কেন? তাকে জল তুলতেই বা দিলি কেন?

দাসী বলিল, জর হয়েছিল, কার কাছে সন্ধান নেব? নূতন

বউএর সঙ্গে কথা বলা, তার কাছে যাওয়া পর্য্যন্ত যে বন্ধ। বলিয়াই ক্যান্স দাসী চলিয়া গেল।

নফরচন্দ্রে অত্যন্ত ভীতভাবে বলিল, কি সর্বনাশ! একটা কচি মেয়ে—তিন চারি দিন জ্বর হয়েছে। তার উপর জল তুলবার হুকুম হয়েছে—পড়ে গিয়ে অজ্ঞান হয়েছে—এখন জ্বরে ছট্-ফট্ করছে! তার সঙ্গে কথা বলা—কাছে যাওয়া পর্য্যন্ত বন্ধ। গিন্নি! ব্যাপারখানা কি বলত?

বিরক্তভাবে হরমুন্দরী বলিল, ব্যাপার আবার কি হ'বে—তুমি চূপ্ করে' থাক না। বউটা ভারি 'এড়াটে'। এই ঠাণ্ডার দিনেও ছ' তিনবার স্নান করে। বোধ হয়, একটু সর্দি জ্বর হয়েছে।

কর্তা বলিল, বে-জ্বরই হ'ক, পড়ে গিয়েছিল—ব্যথা পেয়েছে—একটা ডাক্তার ডেকে দেখানো ভাল।

গৃহিণী মুখ ঘুরাইয়া নথ নাড়া দিয়া বলিল, সন্দি জ্বরে ডাক্তার দেখাতে হ'বে, তোমার এত টাকা কোথায় আছে? ও চামারের মেয়েটা বাপের বাড়ী থেকে কি ছ' পাঁচ হাজার এনেছে?

কর্তা বলিল, তা বলে' কি ঘরের বউ বে-তদ্বিরে মারা যাবে?

অমনি হরমুন্দরী মুখ নাচাইয়া বলিল, সে ভাগ্যি আমার হ'ল কই? ম'লে ত বাঁচতাম—ছেলের আবার বিষে দিতাম।

কর্তা বিরক্তভাবে বলিল, কি অলক্ষণে কথা বলছ গিন্নি? পরের মেয়ের উপর একটু মায়া-দয়া করতে নেই?

ব্যঙ্গধরে গৃহিণী বলিল, বড় দয়া মায়া'র শরীর দেখছি, বেন ধর্মরাজ যুধিষ্ঠির! চূপ্ করে' থাক না! ছ'দিন উপোস দিলেই জ্বর ছেড়ে যাবে।

পূজার ভঙ্গ

এমন সময় ক্যান্ড দাসী আবার ছুটিয়া আসিয়া ভীতভাবে বলিল,
ও মা ! কি হ'বে গো ! বউমা যে আবোল তাবোল বক্ছে !
বলিয়াই দাসী ছুটিয়া চলিয়া গেল ।

ভয়ে কর্তার প্রাণ উড়িয়া গেল—ভীতভাবে বলিল, কি সর্বনাশ !
কর্তা উঠিয়া দাঁড়াইল !

হরমুন্দরী বলিল, বক্ছে তাতে হয়েছে কি ? একটু বাতিক চড়ে
উঠেছে ।

কর্তা হতভম্বার মত বলিল, অতটুকু মেয়ের বাতিক চড়ে গেল ?
সোজা কথা নয় গিন্নি ! চল—চল—একবার দেখে আসি । বলিয়াই
কর্তা গমনোত্তর হইল ।

অমনি হরমুন্দরী কর্তাকে টানিয়া ধরিয়া বলিল, পাগল হয়েছে ?
কোথায় যাবে—চুপ্ করে বসে থাক ।

বিচলিতভাবে কর্তা বলিল, চুপ্ করে' থাকি কি করে' গিন্নি ।
ছেড়ে দাও, একবার আমার বউমাকে দেখে আসি ।

ক্রুদ্ধভাবে হরমুন্দরী বলিল, তুমি আমার কথা শুনবে না ?

গৃহিণীর চোখরাঙ্গানি দেখিয়া কর্তা ঠাণ্ডা হইয়া গেল । অমনি
নরম সুরে বলিল, শুনবো বই কি ! তবে কিনা—

হরমুন্দরী বাধা দিয়া বলিল, কিছু না—কিছু না—তুমি ভেবোনা—
ও পোড়াকপালীর কোন অমঙ্গল হ'বে না । বলিয়া গৃহিণী কর্তাকে
জোর করিয়া আবার বসাইয়া দিল ।

কর্তা আলবোলায় নল হাতে লইয়া দুই একবার তামাক টানিয়া
বলিল, যাও না—তুমি নিজে গিয়েই না হয়, খবরটা নাও না ।

গৃহিণী বলিল, কার কাছে যাব—কার খবর নেব ? সর্বনাশী


আমার ঘরে এসে আমার জাত গেল, মান গেল, পরম শত্রুর কাছে মাথা নীচু হ'য়ে গেল। আমি ওর মুণ্ডদর্শন করবো না।

“তাহ'লে উপায় কি হ'বে?”

“কোন ভাবনা নেই—ও আপনিই সেয়ে উঠবে। ক্যান্ডকে বলে দিচ্ছি, যদি তেঁটা পেয়ে হা করে, সে ওর গালে জল ঢেলে দেবে। যদি ক্রিধের কথা বলে, একটু বালি রেঁধে দেবে।”

কর্তা দীর্ঘ নিঃশ্বাস ত্যাগ করিয়া বলিল, গিন্নি! তুমি বা ভাল বোঝ, তাই কর। তুমিই সব—আমি একটা সাইফার মাত্র।

কর্তা আফিঙের মৌতাত্তে ঝিমাইতে লাগিল—গৃহিনী কর্তার কথা শুনিয়া তাহার পার্শ্বে বসিল—যেন ভৈরবের পার্শ্বে চামুণ্ডার অধিষ্ঠান হইল।



(২৩)

প্রকাশচন্দ্র উচ্চশিক্ষিত যুবক। বি,এ, পাস করিয়া মেডিকেল কলেজে চতুর্থ বার্ষিক শ্রেণীতে পড়ে। সে দেখিতে সুন্দর পুরুষ—সচ্চরিত্র সদালাপী—শাস্ত শিষ্ট তার প্রকৃতি। মাতার নিবেদন সত্ত্বেও বিবাহিতা পত্নী শৈবলিনীর সহিত গোপনে সাক্ষাৎ করিতে গিয়া সে দিন সে লাহিত হইয়া যেমন দুঃখিত হইয়াছে, মনে মনে বথেষ্ট লজ্জাও অনুভব করিয়াছে। শৈবলিনীর উপর হরসুন্দরীর দুর্ব্যবহারে অনুকূলচন্দ্র ও তাহার পত্নী সুরমা অত্যন্ত ব্যথিত হইয়াছিল। অনুকূলচন্দ্রই পত্নীর সহিত পরামর্শ করিয়া সন্ধ্যাপনে স্বামী-স্ত্রীর সন্মিলন ঘটাইয়াছিল। দ্বিবা বিপ্রহরে হরসুন্দরী যখন নিদ্রা বাইতেছিল, তখন সুরমাই কৌশল করিয়া দেবর প্রকাশচন্দ্রকে শৈবলিনীর কক্ষে গোপনে প্রবেশ করিবার সুযোগ করিয়া দিয়াছিল। কিন্তু যখন গোয়েন্দার তীক্ষ্ণ দৃষ্টি এড়াইতে না পারিয়া প্রকাশচন্দ্র ধরা পড়িয়া লাহিত হইল, তখন উদ্বেগ ব্যর্থ হইল দেখিয়া অনুকূল বিদ্রোহী হইয়া মাতার সহিত বচসা করিয়া নিজের লাহিত হইল।

অপরান্ধে কলেজ হইতে ফিরিয়া আসিয়া প্রকাশচন্দ্র জলযোগের
 জন্য অন্তঃপুরে সুরমার কক্ষে প্রবেশ করিল। সুরমা খাণ্ড দ্রব্য প্রদান
 কারলে প্রকাশ বলিল, বউদি! বড় লজ্জা হচ্ছে, সে দিন নূতন
 বউএর ব্যাপার নিয়ে বাড়ীতে এমন একটা কাণ্ড ঘটে গেল। দাদা
 কেন মার সঙ্গে ঝগড়া করতে গেলেন?

দীর্ঘ নিঃশ্বাস ত্যাগ করিয়া সুরমা বলিল, তার শাস্তির ব্যবস্থাও হ'য়ে
 গেছে—রাম-বনবাসের আদেশ হ'য়েছে।

প্রকাশচন্দ্র হাস্ত করিয়া বলিল, রামচন্দ্র বনবাসের পরিবর্তে স্বপ্নের
 বাড়ী গিয়ে উঠে বসেছেন, বুঝতে পারছি! সীতাদেবীরও ত সঙ্গে
 যাওয়া উচিত ছিল? ক্রটি হ'ল কেন?

সুরমা বলিল, শুদ্ধ একা সীতাদেবীর হয়নি—ভাই লক্ষণেরও ক্রটি
 যথেষ্ট।

প্রকাশ বলিল, আমিও কি দাদার সঙ্গে সঙ্গে দাদার স্বপ্নের বাড়ী
 গিয়ে হাজির হ'ব?

সুরমা বলিল, তাতে দোষ কি? রামের অনুগত ভাই লক্ষণ
 তুমি—অন্ততঃ তাঁর তল্লাদার হ'য়ে ত যেতে পারতে?

পূজার তত্ত্ব

প্রকাশ বলিল, রামচন্দ্র যে তল্লা-তল্লা ফেলেই পালিয়ে গেছেন। বলত, তোমাকে কাঁধে করে' নিয়ে রামচন্দ্রের কাছে রেখে আসি।

সুরমা হাসিয়া বলিল, না ভাই! আমি তোমার সঙ্গে যেতে পারবো না।

প্রকাশ বলিল, কেন?

সুরমা বলিল, তুমি আমাকে রামচন্দ্রের কাছে নিয়ে যাবে কিংবা বান্ধিকীর তপোবনে রেখে আসবে, কি করে' বুঝবো?

অমনি প্রকাশ ক্রভজি করিয়া বলিল, কি আমাকে অবিশ্বাস?

সুরমা বলিল, দেবর লক্ষ্মণকে বিশ্বাস করেই ত সীতাদেবীর সর্বনাশ ঘটেছিল। সেইজন্তু দেবরজাতির উপর জ্বীলোকের ঘোরতর অবিশ্বাস।

প্রকাশ বলিল, তুমি কেপে গেছ বউদি?

সুরমা বলিল, তোমার দাদা যখন কেপেছেন, তখন আমার কেপ্তে দোষ কি?

প্রকাশ বলিল, আমার দাদা কেপেছেন কে বললে?

সুরমা বলিল, না কেপ্তে কি কেউ বাপ মার সঙ্গে বিবাদ করে' বাড়ী ছেড়ে চলে যায়? তোমার দাদার সব কাজেই বাড়াবাড়ি। এখন আমাকে দিন রাত্রি তোমার মার কাছে মুখনাড়া সহ্য করতে হ'বে—হয়ত ছোট বউএর মত দুর্দশাই আমার কপালে আছে।

ছোট বউএর নাম শুনিয়া প্রকাশচন্দ্র মাথা নীচু করিল—যুবকের হৃদয়ে যেন একটা প্রবল বেদনা উপস্থিত হইল। কিছুক্ষণ পরে প্রকাশ মাথা তুলিয়া বলিল, বউদি! শৈবলিনী নেহাত ছেলেমানুষ—সামান্য

একটা তত্ত্বের ব্যাপার নিয়ে মা তার উপর বড় অত্যাচার করছেন।
তাকে দিয়ে দাসীর কাজও করানো হচ্ছে ?

সুরমা দুঃখভরে বলিল, স্বীলোকের উপর শত অত্যাচার হ'লেও
তাদের মুখের দিকে তাকাতে সংসারে কেউ নাই ভাই ! তোমার
মত এমন বিদ্বান গুণবান স্বামী যার, তার যদি আজ এমনভাবে
অত্যাচার সহ করতে হয়, তবে ধিক্ আমাদের নারীজন্মে !

কাতর দৃষ্টিতে সুরমার মুখের দিকে তাকাইয়া প্রকাশ বলিল, কিন্তু
কি করবো বউদি ? আমি যদি জ্বর পক্ষপাতি হ'য়ে দাঁড়াই —

কথা সমাপ্ত হইতে না দিয়া সুরমা বলিল, তাহ'লে লোকে
তোমাকে স্ত্রী বলে' গাল দেবে—লজ্জায় তোমার মাথা নীচু হ'বে,
এই ভয় ত ? কিন্তু মনে রেখো, স্বপ্ন-ঘরে স্বীজাতির একমাত্র বল-
ভরসা স্বামী। সামান্য একটা অপবাদে ভরে তুমি যদি তোমার
চক্ষের সম্মুখে বিবাহিতা ধর্মপত্নীর উপর অত্যাচার হ'তে দাঁও, মাথার
উপর ভগবান তোমাকে কি বলে' আশীর্বাদ করবেন ?

প্রকাশ আবার চিন্তিত হইল—আবার সে মাথা তুলিয়া বলিল,
উপায় কি বউদি ?

সুরমা বলিল, উপায় তুমি জান, আমি কি পরামর্শ দেব ভাই ?

প্রকাশ বলিল, আমি মনস্থ করেছি, শৈবলিনীকে সিমলার পাহাড়ে
তার পিতার কাছে পাঠিয়ে দেব।

সুরমা বলিল, যার সঙ্গে কথা বন্ধ করেছে—যাকে চোখে দেখলেও
তোমার অপরাধ হয়, কি করে' তাকে তার পিতার কাছে পাঠাবে ?
মাতৃভক্ত শান্ত শিষ্ট সন্তান তুমি, কি করে' মার সঙ্গে বিবাদ করবে ?

ঠিক সেই সময়ে ক্যান্স দাসী ছুটিয়া আসিয়া ব্যস্তভাবে বলিল, বড়

পূজার তত্ত্ব

বউমা ! নূতন বউএর ভারি জ্বর হয়েছে—হট্, ফট্, করছে—উপায় কি ?

বিস্মিতভাবে সুরমা বলিল, বল কি ক্যাস্ত !

ক্যাস্ত বলিল, পড়ে গিয়ে অজ্ঞান হ'য়েছিল, তার পরেই কম্প দিয়ে জ্বর এসেছে। এখন দাহ হচ্ছে—ভুল বকছে। বউমা ! কেউ তার সঙ্গে কথা কথা কয় না—কেউ তার দিকে ফিরেও তাকায় না—এক ফোটা জলও কেউ তার মুখে দেয় না।

উত্তেজিত কণ্ঠে সুরমা বলিল, কি আশ্চর্য্য ! সেই দুঃখপোষা বালিকার উপর এত নির্ঘাতন ! এ সংসারে কি তার কেউ নাই ?

অমান প্রকাশ চন্দ্র উঠিয়া দাঁড়াইয়া গম্ভীরভাবে স্থিরকণ্ঠে বলিল, আছে বউদিদি ! দু'দিন আগেই থাকা উচিত ছিল, শুদ্ধ লোক-লজ্জার ভয়ে—মায়ের অভিশম্পাতের আশঙ্কায়—এতদিন নীরব থাকতে হয়েছে। বউদিদি ! বাম-বনবাসের আদেশ হ'য়ে গেছে—এইবার লক্ষ্মণ-বর্জনের পালা উপস্থিত। বলিয়াই প্রকাশচন্দ্র দ্রুতপদে কক্ষ ত্যাগ করিল।

যুবক প্রকাশচন্দ্র কোন বাধা গ্রাহ্য করিল না। বাঘিনী মুর্ছিতে জননী বারাণ্ডার উপর দ্রুতকৌ করিয়া দাঁড়াইয়া ছিল, যুবক তাহার দিকে কটাক্ষপাতও করিল না। দ্রুতপদে সে শৈবলিনীর কক্ষে প্রবেশ করিয়া কক্ষ-দ্বার রুদ্ধ করিয়া দিল। শৈবলিনী সংজ্ঞাহীন অবস্থায় শরবিদ্ধা কুরঙ্গিনীর ত্রায় শয্যার উপর ছট্-ফট্ করিতেছিল, প্রকাশ শয্যার উপর উঠিয়া ধীরে ধীরে অতি বস্ত্রের সহিত বনিতার মস্তক আপনার অঙ্গের উপর তুলিয়া লইল। শঙ্কা-কম্পিত হস্তে যুবক তাহার অঙ্গে হস্তার্পণ করিল। উঃ! গাত্রে কি প্রচণ্ড উত্তাপ!

প্রকাশ ডাক্তারী পড়ে। পকেটে থার্মোমিটার ছিল—গায়ের উত্তাপ পরীক্ষা করিয়া দেখিল, ১০৫° ডিগ্রী—প্রবল জ্বর। তাহার উপর কাশি দেখা দিয়াছে। প্রকাশ যন্ত্র দ্বারা রোগিনীর বুক পরীক্ষা করিতে লাগিল। এ পিঠ ও পিঠ ভাল করিয়া দেখিল। তাহার পর যন্ত্রটা দূরে নিক্ষেপ করিয়া কপালে হাত দিয়া ভীতভাবে যুবক বলিল, কি সর্বনাশ! নিউমোনিয়া!

প্রকাশের চক্ষে জল আসিল—তুই ফোঁটা অশ্রু শৈবলিনীর সুন্দর মুখের উপর ঝরিয়া পড়িল। অমনি যুবক বসনাঞ্চলে অশ্রু ফোঁটা মুছিয়া

পুজার তত্ত্ব

লইল। এই সময় সংজ্ঞাহীন অবস্থায় শৈবলিনী প্রলাপ বকিতে লাগিল, মাগো ! একটু দাঁড়াও—আমিও তোমার সঙ্গে যাব।

যুবক কাঁদিতে কাঁদিতে বলিল, হায় ! আর একটু আগে কেন শৈবলিনীকে যত্ন করলাম না—এমনিভাবে কেন একে বুকে তুলে নিলাম না ?

অভাগিনী শৈবলিনী শ্বাশুড়ীর গঞ্জনায় সকলের অনাদরে হতাশ হইয়া পড়িয়াছিল—দুঃখে ক্ষোভে বালিকা মরণ-পণ করিয়া বসিয়াছিল। সে শরীরের উপর যথেষ্ট অত্যাচার করিতে লাগিল। কখন অল্প আহার করিত—কখন অনাহারে কাটাইয়া দিত। ক্রমশঃ শরীর ভগ্ন হইতে লাগিল—অল্প অল্প জ্বর দেখা দিল—সেই জ্বরের উপরও সে অত্যাচার করিতে ক্রটি করিল না। দুই বেলা স্নান করিত—আহার করিত—সন্মুখে বাহ্য কুপথ্য হুঁটিত, তাহাই খাইয়া বসিত। তাহার পর শ্বাশুড়ীর হুকুমে জল তুলিতে পড়িয়া গিয়া অত্যন্ত আঘাত পাইল। বালিকার শরীরে এত অত্যাচার সহ হইল না—সে প্রবল রোগে আক্রান্ত হইল—তাহাই আজ তাহার জীবন-শব্দট অবস্থা উপস্থিত হইল।

প্রকাশচন্দ্র বুঝিতে পারিল, ষোলআনা অত্যাচার করিয়া স্ব-ইচ্ছায় শৈবলিনী এ কাল ব্যাধি ডাকিয়া আনিয়াছে—সে মরণের পথে দ্রুত অগ্রসর হইয়াছে। যুবক ভাবিয়া পাইল না, কি প্রকারে তাহার জীবন রক্ষা করিবে।

শৈবলিনী আবার প্রলাপ বলিল, মা ! কে আমাকে জোর করে' ধরে' রেখেছে—ছেড়ে দিচ্ছে না। ওগো তুমি কে গো ! তোমার পায়ে পড়ি, আমাকে ছেড়ে দাও—মার মেয়ে মার কাছে চলে যাই।

আবেগভরে প্রকাশচন্দ্র শৈবলিনীর সংজ্ঞাহীন দেহ বুকের মধ্যে টানিয়া

লইয়া স্নেহভরে তাহার মুখচুশন করিল। সে চুশনে বোধ হয় সজীবনী ছিল—
শৈবলিনীর সর্বাত্ম শিহরিয়া উঠিল—তাহার চৈতন্য ফিরিয়া আসিল। চক্ষু
উদ্বীলিত করিয়া সম্মুখে কি দেখিল? ছই দণ্ড পূর্বে যে দেবতার দর্শন
লাভ করিবার জন্য সে আকুল হইয়া উঠিয়াছিল—যাহার সাক্ষাৎ পাইলে
সে এ অনন্ত নরকেও স্বর্গ-সুখ উপভোগ করিতে পারিত—যাহার মুখের
একটা মিষ্ট কথা শুনিতে পাইলে সে বজ্রের আঘাতও অম্লানবদনে বুকে
পাতিয়া লইতে পারিত, এ সেই পরমারাধ্য পতি-দেবতা। শৈবলিনী
স্বামীকে বিন্দুমাত্র লজ্জা করিল না—সে বোধ হয় ভাবিয়াছিল, তাহার
জীবনে এমন দিন আর ঘটিবে না। তাহাই সে মুখ ফুটিয়া বলিল, এসেছ—
আবার দেখা দিয়েছ? ছ’দিন আগে যখন এসেছিলে, তখন যদি এমনি
ভাবে বুকে তুলে নিতে, তাহ’লে আমি মরতাম না।

প্রকাশের চক্ষে জল আসিল—সে মাথা নীচু করিয়া অশ্রুত্যাগ করিতে
লাগিল। শৈবলিনী আবার বলিল, তুমি কেঁদোনা—চোখের জল কেলে
না—শ্রাবণের বারিধারা ঢেলে দিলেও আর আমাকে বাঁচাতে পারবে না।
আমি মরছি—ইচ্ছা করেই মরছি—বড়ঘরের মানের দাবীতে আমার জীবন
বলিদান করছি। কত দিন এসেছি, একটা মুখের কথাও কেউ আমার
সঙ্গে বলে নি—পেট পূরে এক দিনও খেতে পাইনি। কত দুর্ভাগ্য কানে
শুনেছি, তাই মরবার জন্য আকুল হ’য়ে শরীরের উপর শত অত্যাচার
করেছি। আজ আমাকে যমে ধরেছে—না ডাকছে—আমি যাই।

দুর্বল শরীরে আবেগভরে এতগুলি কথা বলিয়া শৈবলিনী আবার
সংজ্ঞা হারাইল। প্রকাশ উঠিয়া শৈবলিনীর মাথায় জল দিয়া পাখার
বাতাস করিতে লাগিল। ক্ষণকাল পরে আবার শৈবলিনীর চৈতন্য
হইল—সে দেখিল, প্রকাশ তখনও তাহার পার্শ্বে বসিয়া তাহাকে সেবা

পূজার তত্ত্ব

করিতেছে। শৈবলিনী বলিল, তুমি এখনও এখানে বসে আছ? চলে যাও। মা দেখলে গাল-মন্দ দেবেন।

প্রকাশচন্দ্র কি বলিতে যাইতেছিল, অমনি শৈবলিনী তাহার রুম্ব কস্পিত হস্ত উত্তোলন করিয়া প্রকাশের মুখ চাপিয়া ধরিয়া বলিল, আমার সঙ্গে কথা করো না—মার আদেশ লঙ্ঘন করো না—তোমার পাপ হ'বে।

প্রকাশ কোন কথা না বলিয়া কাতর দৃষ্টিতে শৈবলিনীর মুখের দিকে তাকাইয়া রহিল—তাহার চক্ষু জলে ভরিয়া আসিল। অমনি শৈবলিনী প্রকাশের হাতখানি ধরিয়া নিজের কপালের উপর রাখিয়া বলিল, কেঁদোনা তুমি—আমার সঙ্গে ছুদিনের দেখা—ছ'দিনে সাক্ষ হ'য়ে গেল। আমার বাবা যখন ছুটে এসে তোমাকে জিজ্ঞাসা করবেন, আমার শৈবলিনী কই? তখন তুমি তাঁকে বলো, মার মেয়ে মার কাছে চলে গেছে। আমার ভাই বোনগুলো যখন কেঁদে বুক ভাসাবে, তখন তাদের বলো, তাদের দিদি জন্মের মত বিদায় হয়েছে। কিন্তু আমার শঙ্কর দাদা যদি আসে, সে যে পাগল হ'য়ে যাবে—তুমি ত কিছুতেই তাকে শান্ত করতে পারবে না?

শৈবলিনীর কাতর খেদোক্তি শ্রবণ করিয়া প্রকাশচন্দ্রের বুক ফাটিয়া গেল—সে শৈবলিনীকে বুকে জড়াইয়া ধরিয়া আকুলভাবে ক্রন্দন করিতে লাগিল।

(২৬)

শৈবলিনী আবার অচেতন হইল। প্রকাশচন্দ্র শৈবলিনীর সংজ্ঞাহীন দেহ শয্যার উপর রাখিয়া উত্থিত হইল। শৈবলিনীর কক্ষ ত্যাগ করিয়া প্রকাশচন্দ্র দ্রুতপদে বহির্কোণে নিজে কক্ষ প্রবেশ করিল। গৃহে কয়েকটা বাস ছিল। যুবক একটা বাস খুলিয়া নিজের সোনার ঘড়ি, চেইন, বোতাম, হীরকাসুরীয় বাহির করিল। সে গুলি বস্ত্র-মধ্যে লুকাইত করিয়া প্রকাশচন্দ্র দ্রুতপদে কক্ষ হইতে বাহির হইয়া গেল।

হরমুন্দরী দূরে দাঁড়াইয়া এতক্ষণ সমস্ত ব্যাপার দেখিতেছিল। জ্যেষ্ঠ পুত্র অম্বুকুলচন্দ্র অবাধ্য ছিল বলিয়া ঘোষ-গিন্নী তাহার উপর অসন্তুষ্ট ছিল, কিন্তু কনিষ্ঠ পুত্র প্রকাশচন্দ্র বিদ্বান, বিনয়ী ও মাতার প্রতি একান্ত "অম্বরক্ত" সন্তান—সে কখনও তাহার অবাধ্য হয় নাই—মুখ তুলিয়া কখনও উচ্চ কথাটা বলে নাই। আজ সেই প্রিয় পুত্র যখন বাধ্যতার গণ্ডী পার হইয়া মাতার বিরুদ্ধাচরণ করিল, তাহাকে অবজ্ঞা করিয়া—নিষেধ অমান্য করিয়া স্বীয় পত্নীর সেবার ভার স্বহস্তে গ্রহণ করিল, তখন হরমুন্দরীর হৃদয় ক্রোধে

পূজার ভঙ্গ

অভিমানে ও অপमानে ভরিয়া গেল। মূৰ্খ পুত্র অমুকুলচন্দ্রের অবাধ্যতা তাহাকে তত ব্যথা প্রদান করিতে পারে নাই, কৃতবিন্দু সন্তান প্রকাশচন্দ্রের এ প্রকার অবজ্ঞা ও ঔদাসীন্য তাহার হৃদয়ে যে প্রকার যন্ত্রণা উপস্থিত করিয়াছিল।

রোষভরে গম্ভীরভাবে হরসুন্দরী কণ্ঠা উষারাগীকে জিজ্ঞাসা করিল, পুঁটু! প্রকাশ চলে গেছে?

কণ্ঠা বলিল, গেছে মা!

“কোথায় গেছে, জানিস?”

“বোধ হয়, ডাক্তার ডাক্তারে গেছে।”

রোষভরে হরসুন্দরী বলিল, ডাক্তার ডাক্তারে গেছে! টাকা খরচ করিতে হ'বে, অই পোড়াকপালার জন্তে! এত বাড়াবাড়ি আমার বরদাস্ত হ'বে না পুঁটু!

আদরের মেয়ে পুঁটু—এতকাল সে মার মন যোগাইয়া আসিয়াছে—নূতন বউএর বরুন্ধে গোয়েন্দাগিরি করিয়াছে কিন্তু আজ যেন তাহারও প্রাণ কাঁদিয়া উঠিয়াছে। তাহাই সে বিরক্ত হইয়া বলিল, তোমারও ত বাড়াবাড়ি নেহাত কম নয় বাপু!

বিস্মিতভাবে আদরের কণ্ঠার মুখের দিকে তাকাইয়া হরসুন্দরী বলিল, বলিস কি পুঁটি! আমার বাড়াবাড়ি কিসে দেখলি?

আদর পাইয়া পুঁটুর বৃকে স্পর্ধা জন্মিয়াছিল। বিন্দুমাঝ ভীত না হইয়া সে বলিল, বাড়াবাড়ি নয়? একটা তক্তের ব্যাপার নিয়ে তুমি ঘরের বউএর উপর কত অত্যাচার করছ, বল দেখি? আজ সে মরিতে বসেছে, তবুও তোমার আশা মেটে না। তোমার বৃকে কি বিন্দুমাঝ মায়ী-মমতা নাই মা?

এত বড় কথা আজ আদরের মেয়ের মুখে শুনিতে হইল! আঘাত পাইয়া কালসপিনী যেমন গর্জন করিয়া ওঠে, তেমনিভাবে হরসুন্দরী চোখ রাঙ্গাইয়া আদরের মেয়ের মুখের দিকে তাকাইয়া বলিল, পুঁটি! তুইও ওদের দলে মিশে গেছিস বুঝি?

পুঁটি বলিল, অত শত দলাদলি আমি বুঝিনে। তোমার কথা শুনে এ যাবৎ আমি কত অত্যাচার কাজ করেছি—ঘরের বউএর বিরুদ্ধে আড়ি পেতেছি—বড় ভাইএর অসম্মান করে' মহাপাপ করেছি। আর তোমার কথা শুনবো না। এখনই আমি নূতন বউএর কাছে যাব—তাকে সেবা করবো।

ক্রোধভরে হরসুন্দরী বলিল, তুই তার সেবা করবি?

পুঁটি বলিল, করবো। শোন মা! সে দিনের কথা মনে হ'লে এখনও দুঃখে আমার বুক কেটে যায়। নূতন বউদিদি একটা মুখের কথা শোনবার জন্য আমার হাত ধরে কেঁদেছিল—কত দুঃখের কথা আমাকে শোনায়েছিল কিন্তু পাষাণীর মেয়ে আমি তার কথায় কান দেইনি—তার চোখের জল মুছিয়ে দেইনি। ছোট দাদার যখন বিয়ে হয়েছিল, নূতন বউ ঘরে এলে আমি তাকে নিজের বোনের মত ভালবেসেছিলাম। সে যখন পিত্রালয়ে চলে গিয়েছিল, আমি চোখের জলে বুক ভাসিয়েছিলাম। কিন্তু আজ আমি তোমার পরামর্শ শুনে সেই বউএর উপর কি অত্যাচার করেছি! সে যদি আজ মরে, নরকেও আমার স্থান হ'বে না মা। বলিয়াই চোখে বসনাঞ্চল দিয়া উবারাণী কাঁদিয়া আকুল হইল।

কন্নার কথা শুনিয়া হরসুন্দরী চমকিত হইল—সে দেখিল, বিশ্ব-ব্রহ্মাণ্ড আজ তাহার বিরোধী হইল—বড় আদরের কন্নাও আজ তাহার কার্য্যে তীব্র প্রতিবাদ করিতে সাহস করিল। কিন্তু শাঙ্গুল যতই খোঁচা খায়,

পূজার তত্ত্ব

ততই গর্জন করিয়া ওঠে—কালসপিনী আঘাত পাইয়া মরণাপন্ন হইলেও ফৌস করিতে ছাড়ে না। হরস্বন্দরী রোষভরে বলিল, তুই যদি আমার অবাধ্য হ'স, তোকে এখনই স্বপ্নরবাড়ী পাঠিয়ে দেব।

কত্কা বিন্দুমাত্র ভীত না হইয়া বলিল, সে ভয় দেখাচ্ছ কেন? তাই আমাকে পাঠিয়ে দাও, যেন মৃতন বউদিদির মরণ চোখের উপর না দেখতে হয়—তোমাদের এ বড় ঘরের ভিটের আর যেন আমাকে না আসতে হয়। বলিয়াই উষারাগী দ্রুতপদে প্রস্থান করিল।

অনতিকাল পরে একজন খ্যাতনামা ডাক্তার সঙ্গে লইয়া প্রকাশ গৃহে ফিরিয়া আসিল। ডাক্তারকে সঙ্গে লইয়া যুবক অন্তঃপুরে শৈবলিনীর কক্ষে প্রবেশ করিল। হরসুন্দরী দূরে দাঁড়াইয়া রোষভরে কম্পিত হইতে লাগিল। ডাক্তার প্রায় অর্দ্ধঘণ্টাকাল রোগিনীকে ভাল করিয়া পরীক্ষা করিল। তাহার পর, মুখ গম্ভীর করিয়া বলিল, রোগ সাংঘাতিক—ডবল নিউমোনিয়া। পেট খাঁপ দিয়েছে—শীঘ্র টাইফয়েড অবস্থা দেখা দেবে। তবে হতাশ হ'বেন না—সুচিকীৎসায় আরোগ্য হ'তেও পারে।

চিকীৎসার ব্যবস্থা করিয়া ষোল টাকা দর্শনী লইয়া ডাক্তার চলিয়া গেল। প্রকাশচন্দ্র মাথায় হাত দিয়া আকাশ পাতাল ভাবিতে লাগিল। দীর্ঘ নিঃশ্বাস ত্যাগ করিয়া প্রকাশচন্দ্র উঠিল—রোগিনীর পার্শ্বে গিয়া বসিল—তাহার পরম সুন্দর মুখখানার দিকে অনিবেশ নয়নে অনেকক্ষণ তাকাইয়া রহিল। শৈবলিনী সংজ্ঞাহীন অবস্থায় পড়িয়া ছিল—ক্রমশঃ সে দুর্বল হইয়া আসিতেছিল। প্রকাশ মনে মনে বুঝিল, তাহাকে রক্ষা করিবার আর উপায় নাই। তবুও যুবক হতাশ হইল না—বুক বাধিল—প্রাণপণে রোগিনীর সেবা করিতে লাগিল।

পূজার তত্ত্ব

গৃহিণী হরসুন্দরী কক্ষ-মধ্যে প্রবেশ করিয়া বিরক্তভাবে বলিল, কি এত কঠিন রোগ হয়েছে, যে বড় ডাক্তার ডেকে এনেছিস্ ?

প্রকাশ কোন উত্তর না দিয়া জননীর মুখের দিকে তাকাইয়া একটা দীর্ঘ নিঃশ্বাস ত্যাগ করিল। হরসুন্দরী রক্ষ মেজাজে কঠোর বাক্যে আবার বলিল, এত বাড়াবাড়ি ভাল লাগেনা। তুই কার হুকুমে এত টাকা খরচ করুলি ?

প্রকাশ উদাস নয়নে একবার জননীর মুখের দিকে তাকাইয়া রোগিনীর মুখে ঔষধ ঢালিয়া দিল—সে কতক গলাধঃকরণ করিল—কতক পড়িয়া গেল। হরসুন্দরী আবার গর্জন করিয়া বলিল, যদি তুই আমার অবস্থা হ'স্, স্পষ্ট কথা বলছি, তোর স্বীকে নিয়ে এখনই আমার বাড়ী থেকে দূর হ'য়ে যা।

অত্যন্ত কাতরভাবে প্রকাশচন্দ্র জননীর মুখের দিকে তাকাইয়া বুকভরা বেদনায় শুদ্ধ একটা কথা উচ্চারণ করিল—মা !

সে মা সম্বোধন শ্রবণ করিলে বোধ হয়, পাষণ হিমাচলও গলিয়া যাইত—সুমেধ শিখর ভাঙ্গিয়া পড়িত—বজ্রের আগুণ নিক্বাপিত হইত, কিন্তু ঘোষ-গৃহিণীর অতি কঠিন প্রাণে এতটুকুও ব্যথা লাগিল না। হরসুন্দরী বলিল, কোন কথা শুন্তে চাই না—তুই ওঠ।

প্রকাশ আবেগভরা কণ্ঠে উচ্ছ্বাসিত বাক্যে আবার বলিল, মা !

প্রকাশের পাষণী মা সে কাতর বাক্যে কর্ণপাত করিল না বটে কিন্তু সহসা কোথা হইতে আর একখানি মাতৃমূর্তি ছুটিয়া আসিয়া স্নেহ-কোমল অতি স্নমধুর কণ্ঠে বলিল, ভয় নাই বাবা ! যদি তোমার গর্ভধারিণীর কাছে আশ্রয় না পাও, বিশ্বসংসারে তোমাব মায়ের অভাব হ'বে না।

রমণীর মুখের দিকে তাকাইয়া বিস্মিত স্তম্ভিত ও অত্যন্ত বিরক্ত ভাবে হরস্বন্দরী বলিল, বোস-গিন্নি ! তুমি এখানে ?

বোস-গিন্নী মহামায়া বলিল, ই্যা ! আমিই এখানে । সন্তানের মুখে মাতৃ-সম্ভাষণ শুনেও তোমার পাষণ বৃকে যখন দয়ার সঞ্চার হ'ল না, তখন মাতৃজাতির অপমানের ভয়ে তোমার পরম শত্রু হ'য়েও আজ আমাকে এখানে ছুটে আসতে হ'য়েছে । ঘোষ-গিন্নি ! চোখ রান্ধাচ্ছ কেন ?

হরস্বন্দরী বলিল, তোমার স্পর্শ বড় বেড়েছে দেখছি । তুমি আমার ঘরে এসে আমার সঙ্গে ঝগড়া করতে চাও ?

মহামায়া ঘৃণাভরে বলিল, তোমাকে ভয় করে' চন্দ্রবার মত দীনতা আমার নাই । ঝগড়া করাই যখন আমার স্বভাব, তখন আজ তোমার ঘরে বসে' তোমার সঙ্গে ঝগড়া করে' জন্মী হ'য়ে চলে যাব ।

হরস্বন্দরী বলিল, বটে ! এখনই পুলিশ ডাকবো ।

মহামায়া হাসিয়া বলিল, পুলিশ ডেকে আমাকে গেরেফতার করবার আগে তোমার হাতে হাতকড়ি পড়বে । ঘোষ-গিন্নি ! একটা নিরাশ্রয় পরের মেয়েকে তুমি কি করে' গুম্ব খুন করছ, এখনই প্রকাশ হ'য়ে যাবে । সর্বনাশ ! বড় ঘরের গিন্নী হ'তে হ'লে যে বড় বুক নিয়ে সংসারে আসতে হয়, সে শিক্ষা তুমি পাওনি । আজ তোমার পরম শত্রু হ'য়েও সেই শিক্ষা তোমাকে দিয়ে যাব । বলিয়াই মহামায়া শৈবলিনীর শয্যার পার্শ্বে ধীরপদে অগ্রসর হইয়া প্রকাশকে লক্ষ্য করিয়া বলিল, প্রকাশ ! ওঠ বাবা ! আমি তোমার মা । তুমি বেটা ছেলে রোগিনীর সেবা করতে পারবে না—মেয়ের সেবার ভার মায়ের হাতে দাও—তুমি নিশ্চিন্ত হও ।

প্রকাশের দুই চক্ষু হইতে তখন দর দর ধারায় অশ্রু নির্গত হইতেছিল । সে দয়াশূন্য মমতাশূন্য স্বীয় গর্ভধারিণীর পার্শ্বে এমন করুণাময়ী মাতৃমূর্তি

পূজার ভঙ্গ

দর্শন করিয়া বোধ হয় মনে মনে তুলনা করিতেছিল, ভীমবেশা চামুণ্ডার পার্শ্বে শাস্তিময়ী জগজ্জননী দেবী দশভূজা—তুফানভরা খরস্রোতা পদ্মা নদীর পার্শ্বে শান্তসলিলা সুরতরঙ্গিনী গঙ্গা । একই মায়ের দুই মূর্তি—তবে কেন কেহ ভীষণা, কেহ মঙ্গলময়ী অভয়া ?

বোস-গিন্নী প্রকাশের হাত ধরিয়া উঠাইয়া তাহার স্থান নিজে অধিকার করিয়া বসিল । অমনি প্রকাশচন্দ্র বালকের মত মহামায়ার পদতলে আছাড় খাইয়া পড়িয়া কাঁদিতে লাগিল ।

তখন দূরে দাঁড়াইয়া গর্জ্জন করিয়া হরসুন্দরী বলিল, বোস-গিন্নি ! তুমি মমতা দেখায়ে আমার সর্বনাশ করতে এসেছ ? অপেক্ষা কর, তোমার স্পর্ধা ভেঙ্গে দিচ্ছি—স্বারবান ডেকে ঘাড় ধরে' তোমাকে বিদায় করছি । সে দ্রুতপদে প্রস্থান করিল ।

(২৮)

বুদ্ধ নফরচন্দ্র আফিং খাইয়া আলবোলায় নল হাতে লইয়া তখন ঝিমাইতে ঝিমাইতে ভাবিতেছিল, দুনিয়ার মধ্যে কে বেশী মমতার পাত্র ?
বুদ্ধ ভাবিয়া স্থির করিল, তৃতীয় পক্ষের বনিতার মত আদরিণী খ্রিসংসারে কেউ নাই। আহা ! গৃহিণী যখন গজেন্দ্রগমনে ধর্মিত্রীর বুক কাঁপায় সন্মুখে এসে দণ্ডায়মান হয়, কণ্ঠবাণীর ঝঙ্কার তুলে হৃদকম্প উপস্থিত করে, তখন ইচ্ছা হয়, ভগবান ভবানীপতির মত ভৈরবীর চরণতলে লুটিয়ে পড়ে মানব-জন্ম সার্থক করি। ঠাকুর দেবতার মধ্যে মহাদেব ঠাকুরটী যে সর্বাপেক্ষা সুরসিক ও প্রেমিক সে বিষয়ে বিন্দুমাত্র সন্দেহ নাই। কেউ ঠাকুরটীও প্রেমিক মন্দ নয়, তবে তার লুকোচুরী ব্যবসা। মহাদেব ঠাকুরটী কিন্তু একেবারে বন্ম ভোলানাথ। তার কারণ, মহাদেবের নেশা করা অভ্যাস আছে, কেউ ঠাকুর সে রসে বঞ্চিত।

ঠিক সেই সময়ে হরহৃন্দরী দ্রুতপদে কক্ষ-মধ্যে প্রবেশ করিয়া উচ্চকণ্ঠে বলিল, বলি ই্যা গা ! তুমি বেঁচে আছ, না মরেছ ?

পূজার তত্ত্ব

আবার বুদ্ধের ভাবনা উপস্থিত হইল, আমি মৃত কি জীবিত । পুরো-দস্তুর যে জীবিত নহি, সে আমি বেশ বুঝতে পারছি । কেননা, যে বেঁচে থাকে, সে ত আমার মত দিন রাত্রি ঝিমিয়ে কাল কাটায় না । নেশা-খোরের পক্ষে মরা বাঁচা সমান দশা ।

আবার বঙ্কর উঠিল, বলি আমার কথা কানে ঢুকলো না বুঝি ?

বুদ্ধ অমনি হাতের নল মাটীতে ফেলিয়া দিয়া হাসিয়া বলিল, ঢুকেছে—ঢুকেছে । কানের ভিতর ঢুকে মাথার ভিতর গুল্জার করছে, কিন্তু তার মানে বুঝতে পারছিনে গিন্নি !

বিরক্তভাবে হরস্বন্দরী বলিল, বলি, তুমি মরেছ ?

নফরচন্দ্র বলিল, তা যদি মরতাম, তাহ'লে গা-ভরা গহনা পরে কালা পেড়ে সাড়ীর বাহার দিয়ে কি হাত নেড়ে কথা বলতে, না একাদশীর দিনে আকর্ষ ভোজন করবার অধিকার পেতে ? আমি আধমরা হ'য়ে বেঁচে আছি ।

গৃহিণী বলিল, যদি বেঁচে থাক, তোমার সংসারে এত অত্যাচার কেন বলত ?

নফরচন্দ্র বলিল, কি আশ্চর্য্য ! তোমার মত গৃহিণী বেঁচে থাকতে আমার সংসারে অত্যাচার ?

হরস্বন্দরী বলিল, আমার গৃহিণীপনা আর কেউ মানে না গো ! তোমার বড় ছেলে অবাধ্য হ'য়ে বাড়ী ছেড়েছে—ছোট ছেলেটাও মাথা তুলে দাঁড়িয়েছে—পোড়ারমুখী পুঁটি মেয়েটাও আজকাল কথার কামড় দিতে শিখেছে ।

নফরচন্দ্র বলিল, ব্যাপার এতদূর পর্য্যন্ত গড়ায়েছে ? আমি আফিংখোর মানুষ—কোন খবর রাখিনে । কিন্তু গিন্নি ! তোমার ছোট ছেলে প্রকাশ-চন্দ্রটা ত বেশ শাস্ত শিষ্ট ?

গৃহিণী বলিল, শাস্ত শিষ্ট হ'লে কি হয়, সে কার পরামর্শ পেয়েছে, আমার আদেশ অমান্য করিতে শিখেছে। এইমাত্র সে হতভাগা কতকটা টাকা ব্যয় করে' একটা বড় ডাক্তার ডেকে এনেছে।

বিস্মিতভাবে নফরচন্দ্র বলিল, ডাক্তার ডেকে এনেছে কেন ?

বিরক্তভাবে গৃহিণী বলিল, জান না—নূতন বউটার 'ব্যাঙ্গি' হ'য়েছে, সে নাকি মরিতে বসেছে।

বৃদ্ধ নফরচন্দ্র লাফাইয়া উঠিয়া বলিল, বল কি গিন্নি ! মরিতে বসেছে ?

গৃহিণী বলিল, ভয় নেই—মরবে না—মরবে না। সে যদি মরবে ত আমাকে হাড়ে মাসে জালাবে কে ? তারপর, শোন।

“কি ?”

“পরম শত্রু বোস-গিন্নীর কি এত মাথা ব্যথা পড়েছে যে আমাদের অন্তরে ঢুকে কোমর বেঁধে ঝগড়া করিতে এসেছে ?

চমকিতভাবে হরস্বন্দরীর মুখের দিকে তাকাইয়া নফরচন্দ্র বলিল, বল কি গিন্নি ! বোস-গিন্নী আমাদের বাড়ীতে এসেছেন ? কোথায় তিনি ? হরস্বন্দরী বলিল, তোমার নূতন বউমাকে কোলে করে' সেবা করিতে বসেছে। যাদের ছায়া মাড়াইনে, তাদের স্পর্শ দেখ—বাড়ীর উপর চড়েয়া হ'য়ে শত্রুতা করছে—কলিকাতা সহরের বুকের উপর দিনে ডাকাতি হচ্ছে। তুমি এখনও চুপ্ কর' আছ ?

নফরচন্দ্র উঠিয়া দাঁড়াইয়া বলিল, কি করবো বল ?

হরস্বন্দরী বলিল, দ্বারবান ডাকো—গলাধাক্কা দিয়ে তাকে বাড়ীর বা'র করে' দাও।

গম্ভীরভাবে নফরচন্দ্র বলিল, গিন্নি ! চুপ্ কর।

রোষভরে হরস্বন্দরী বলিল, চুপ্ করবো কেন ?

পূজার তত্ত্ব

নফরচন্দ্র বলিল, আমার পরম সৌভাগ্য যে বোস-গিন্নী আজ আমার ভিটায় পদার্পণ করেছেন।

ঘাড় বাঁকাইয়া হরসুন্দরী বলিল, বল কি তুমি ?

নফরচন্দ্র বলিল, সত্য কথাই বলছি—বোস-গিন্নীর মর্যাদা তুমি কি বুঝবে ? কায়স্থ কুলের শিরোমণি সুবিখ্যাত রাজার ঘরে তাঁর জন্ম—পটলডাঙ্গার প্রসিদ্ধ বোস-জমিদারের কুলবধু তিনি। গিন্নি ! এত নিকটে বাস করছি, কিন্তু এ যাবৎ সাধ্য হয়নি, বোস-গিন্নীকে বাড়ীতে নিমন্ত্রণ করে' এনে পৈত্রিক ভিটা ধন্য করি। আজ তিনি উপবাচক হ'য়ে আমার বাড়ীতে এসেছেন, এখনও তুমি তাঁর পায়ের তলায় মাথা নীচু করনি ?

গর্বভরে মাথা উচু করিয়া কর্কশ-কণ্ঠে হরসুন্দরী বলিল, কি—এত বড় কথা ! আমি বোস-গিন্নীর পায়ের তলায় মাথা নীচু করবো ? মনে রেখো, আমিও জমিদারের মেয়ে—আমিও পটলডাঙ্গার ঘোষ-জমিদারের কুলবধু।

নফরচন্দ্র বলিল, তোমার বুকে যত অভিমান থাক না কেন, বোস-গিন্নী মান-মর্যাদায় তোমার চেয়ে ঢের বড়।

হরসুন্দরী বলিল, সে বড় হই, তুমি তার পা-পূজা করগে—কিন্তু আমার এ উচু মাথা কখনো নীচু হ'বে না—শ্রদ্ধানে গিয়ে যখন পুড়বো, তখনও আগার মাথা এমনভাবে উচু থাকবে। বলিয়াই হরসুন্দরী স্বামীর দিকে রোষভরে তাকাইয়া মাথা উচু করিয়া গর্বভরে চলিয়া গেল।

যখন বড় ডাক্তার আসিয়া শৈবলিনীকে পরীক্ষা করিয়া বলিয়া গেল, রোগিনীর জীবনের আশা অল্প, তবে ভালরূপ সেবা-শুশ্রূষা করিলে জীবন রক্ষা হইতেও পারে, তখন ক্যাস্ত চাকরাণীর বৃকে বড় ব্যথা উপস্থিত হইল। সে শৈবলিনীকে বড় ভালবাসার চক্ষে দেখিয়াছিল। তাহার জীবন রক্ষার জন্ত সে আকুল হইয়া পড়িল। ভালরূপ সেবা করা চাই কিন্তু উপায় কই? কে অভাগিনী বালিকাকে সেবা করিতে সাহস করিবে? প্রকাশচন্দ্র প্রাণপণে পত্নীর সেবা করিবে বটে কিন্তু সে যুবাপুরুষ—রোগিনীর সেবা তাহার দ্বারা নিতান্ত অসম্ভব। ক্যাস্ত ছুটিয়া বড় বধু সুরমার কাছে গেল কিন্তু সুরমা জানাইল, খাণ্ডড়ীর অবাধ্য হইয়া শৈবলিনীকে সেবা করিতে গেলে তাহার নিস্তার থাকিবে না। তখন নিরুপায় হইয়া ক্যাস্ত দাসী গুপ্তভাবে অন্তঃপুরের পথে বোসবাবুদের অন্তরে প্রবেশ করিল।

ক্যাস্ত দাসী বোস-গিন্নীকে ভালরূপ চিনিত—তাহার অন্তর জানিত। সে যখন মহামায়ার সন্মুখে গিয়া দাঁড়াইল, তখন বোস-গিন্নী বিস্মিতভাবে তাহার মুখের দিকে তাকাইয়া বলিল, ক্যাস্ত বে! পথ ভুলে আমাদের অন্তরে ঢুকে বসেছিস্ নাকি?

পুজার তত্ত্ব

অমনি ক্যাস্ত ছুটিয়া গিয়া বোস-গিন্নীর পা জড়াইয়া ধরিয়া সজল-নয়নে বলিল, মা ! রক্ষা করুন !

অত্যন্ত বিস্ময়ভরে মহামায়া বলিল, সে কি ! কি হয়েছে তোর ? মহামায়া বুঝিল, হয়ত কোন অপরাধে ঘোষ-গিন্নী তাহার উপর অত্যাচার আরম্ভ করিয়াছে, তাহাই সে তাহার আশ্রয় লইতে আসিয়াছে ।

ক্যাস্ত কাঁদিতে কাঁদিতে বলিল, আমার কিছু হয়নি মা !

“তবে কার কি হয়েছে, বল না ?

ক্যাস্ত চোখে বসনাঞ্চল দিয়া বলিল, মা ! ঘোষেদের নূতন বউমা বে মারা যায় ?

চমকিতভাবে মহামায়া বলিল, বলিস কি ! কি হয়েছে বউমার ?

শৈবলিনীর উপর হরসুন্দরীর অত্যাচারের কথা মহামায়া পূর্বে শুনিয়াছিল । আজ ক্যাস্ত দাসী আত্মোপাস্ত তাহার নিকট বর্ণনা করিল । শুনিয়া, মহামায়া শিহরিয়া উঠিল । কিছুক্ষণ চিন্তা করিয়া মহামায়া বলিল, ক্যাস্ত ! ঘোষেদের সঙ্গে আমাদের বনিবনাও নাই— বিশেষতঃ ঘোষ-গিন্নী ভীষণা রমণী । আমি কি করে’ বউমাকে রক্ষা করবো ?

ক্যাস্ত বলিল, মা ! আপনি ভিন্ন কারো সাধ্য নাই, অভাগিনী নূতন বউমাকে রক্ষা করে । তাই অল্প উপায় না দেখে আমি আপনার কাছে ছুটে এসেছি ।

মহামায়া বলিল, ক্যাস্ত ! ঘোষেদের সংসারে এত লোক থাকতে নূতন বউয়ের জন্ত তোর কেন মাথা ব্যথা পড়ে গেল বল দেখি ?

ক্যাস্ত বলিল, বলতে বুক ফেটে যায় । যখন আমি নূতন বউমাকে

আনুতে ভবানীপুর তার বাপের বাড়ী গিয়েছিলাম, আমি সামান্ত দাসী হ'লেও বউমার বাপ আমার দুখানি হাত ধরে' কাঁদতে কাঁদতে বলেছিলেন, ক্যাস্ত ! মায়ের শোকে আমার শৈবলিনী পাগলিনী হয়েছে—সে বুকে বড় ব্যথা পেয়েছে। তোমরা আমার মাকে যত্ন করো—সে যদি কাঁদে, চোখের জল মুছিয়ে দিয়ে তাকে শান্ত করো। বউমার বাপের সে করুণ কান্নার কথাগুলো এখনও আমার কানে বাজছে—তার প্রত্যেক কথাটা আজ আমার বুকে শেলাঘাত করছে। মাগো ! ঘোষ-গিল্লীর ভয়ে আমি ভদ্রলোকের সে অনুরোধ রক্ষা করতে পারিনি—হুঃখে ক্ষোভে আমার বুক ফেটে যাচ্ছে মা !

ক্যাস্ত দাসীর কথা শুনিয়া মহামায় কোমল হৃদয়ে দারুণ ব্যথা লাগিল—তাহার চোখের কোনে অশ্রু দেখা দিল। মহামায়া উঠিল—অবিলম্বে বোস-কর্ত্তা প্রসন্নবাবুর সহিত সাক্ষাৎ করিয়া সমস্ত ব্যাপার নিবেদন করিল।

প্রসন্নবাবু বলিলেন, তুমি কি করতে চাও ?

মহামায়া বলিল, আমি এখনই ঘোষেদের বাড়ী যাব—বউমাকে সেবা-শুশ্রূষা করে দেখবো, যদি তার জীবন রক্ষা করতে পারি।

প্রসন্নবাবু বলিলেন, তোমার উদ্দেশ্য মহৎ সত্য কিন্তু আহ্বান করে' যারা তোমাকে পায় না, তুমি অনাহত ভাবে তাদের বাড়ীতে যেতে চাও ?

মহামায়া বলিল, কর্ত্তব্য পালনের গুরুত্ব যেখানে বেশী, সেখানে মান-মর্যাদার দাবী চলে না। তুমি আমাকে অনুমতি দাও।

প্রসন্নবাবু বলিলেন, এ যাবৎ তাদের সঙ্গে রেবারেষি চলে আসছে। যদি তারা তোমাকে অপমান করে।

পূজার তত্ত্ব

মহামায়া বলিল, একটা অত্যাচারের আশুন যেখানে জলে উঠেছে, সেটা নিভাতে গেলে সেখানে আশুনের সেক গায়ে লাগবে বই কি ! তাতে ভয় করলে ত চলবে না ?

প্রসন্নবাবু মহামায়ার মুখের দিকে তাকাইয়া বলিলেন, তোমার অদ্ভুত প্রকৃতি ! যে ঘোষেদের নাম শুনলে তুমি রাগে জলে ওঠ, বাদের ছায়া মাড়াতে তুমি ঘৃণা কর, তাদের বিপদে আজ তুমি মান-অভিমান জলাঞ্জলি দিয়ে তাদের বাড়ী ছুটে চলেছ ?

মহামায়া বলিল, যদি ঘোষ-গিন্নীর কোন বিপদ উপস্থিত হ'ত, এতটা উদারতা দেখাবার শক্তি আমার হ'ত কি না বলতে পারি না । কিন্তু একটা পরের মেয়ে—নিরীহ বালিকা অত্যাচারের আশুনে পুড়ে মরছে—তাকে রক্ষা করতে গিয়ে আমি আশুনে ঝাঁপ দিতেও প্রস্তুত আছি । শোন, যদি আমার সংকল্প সাধু হয়, ঘোষ-গিন্নীর সাধ্য কি আমাকে অপমান করে ? আমি চললাম ।

প্রসন্নবাবু বলিলেন, একা যাবে ?

মহামায়া বলিল, নির্মলকে সঙ্গে নিয়ে যাব ।

নির্মলচন্দ্র প্রসন্নবাবুর কনিষ্ঠ পুত্র—প্রকাশের সহপাঠী বন্ধু । দুই পরিবারে বিবাদ বিসম্বাদ থাকিলেও তাহারা পরস্পরে ভালবাসার বন্ধনে আবদ্ধ ছিল । ক্যাস্ত দাসী পূর্বে প্রস্থান করিয়াছিল । পুত্রকে সঙ্গে লইয়া মহামায়া পশ্চাতে ঘোষেদের অস্তঃপুরে প্রবেশ করিল ।

(৩০)

বোস-গিন্নী মহামায়া শৈবলিনীর সেবার ভার গ্রহণ করিল। প্রকাশ মহামায়ার পদতলে লুটাইয়া পড়িয়া বালকের মত কাঁদিতে লাগিল। ঠিক সেই সময়ে তাহার সহপাঠী নির্মলচন্দ্র তাহার হাত ধরিয়া তুলিয়া বলিল, প্রকাশ ! অধীর হয়ো না—ম্মার হাতে সেবার ভার দিয়ে তুমি নিশ্চিন্ত হও। প্রকাশকে লইয়া নির্মলচন্দ্র কক্ষান্তরে প্রস্থান করিল।

মহামায়া শৈবলিনীর রোগ-শীর্ণ অবসন্ন তনু একেবারে বুকের মধ্যে টানিয়া লইলেন, তাহার পর, তাহার মুখের কাছে মুখ রাখিয়া স্নেহকোমল কণ্ঠে ভাকিলেন, বউমা ! মা আমার—একবার কথা কও।

সে কি স্মৃষ্টি স্বর ! সে কি করুণ কান্নায় ভরা বেহাগের বাঁশী ! সেই স্বর্গীয় স্বর শৈবলিনীর যুতপ্রায় দেহে প্রাণ সঞ্চার করিল। শৈবলিনীর সর্বাত্ম স্বর্গীয় পুলকে শিহরিয়া উঠিল। সে যে অনেক কাল হইতে সোহাগে বঞ্চিত হইয়া আছে—এতকাল যে বিশ্বসংসার তাহার

পূজার তত্ত্ব

কর্ণে নীরব হইয়া আছে ! সহসা স্তম্ভুর সম্বোধনে সে চমকিত হইয়া উঠিল—সে চক্ষু উন্মীলিত করিয়া দেখিল, এক দেবী-মূর্তি তাহাকে . স্নেহের অঙ্কে ধারণ করিয়া বসিয়া আছে । বিশ্বব্যবস্থারিত নয়নে মহামায়ার মুখের দিকে তাকাইয়া শৈবলিনী ক্লীণকণ্ঠে বলিল, কে তুমি মা ?

শৈবলিনীর বিস্ময় গণ্ডে স্নেহভরে চুষন প্রদান করিয়া মহামায়া বলিল, আমি তোমার মা ।

শৈবলিনীর গণ্ডস্থল প্লাবিত করিয়া অশ্রুধারা ঝরিয়া পড়িল । মহামায়া বসনাঙ্কলে শৈবলিনীর চোখের জল মুছাইয়া দিয়া স্নেহভরে বলিল, কেঁদোনা মা ! রোগ ভাল হ'য়ে যাবে ।

শৈবলিনী ক্লীণকণ্ঠে বলিল, বথার্থই তুমি আমার মা । ঠিক আমার মায়ের মত মুখখানা । মাগো ! স্বর্গ ছেড়ে আমাকে কোলে তুলে নিতে এসেছ ? এতদিন কেন তুলে ছিলে ? আর যে আমি সহ্য করিতে পারি নে মা ?

গণ্ডে চুষন করিয়া মুখের কাছে মুখ রাখিয়া মহামায়া বলিল, চুপ্ কর মা ! তুমি ভাল হ'বে ।

শৈবলিনী বলিল, বল তুমি আমাকে আর ছেড়ে যাবে না—কোলে করে' স্বর্গে নিয়ে যাবে ?

মহামায়া অশ্রুসংবরণ করিতে পারিল না । চোখের জল মুছিয়া শৈবলিনীকে বুকের মধ্যে টানিয়া লইয়া মহামায়া বলিল, বউমা ! তুল করুছ কেন ? আমি পাশের বাড়ীর বোস-গিন্নী—চিন্তে পারুছ না মা ?

শৈবলিনী বলিল, মিথ্যা কথা ! তুমি আমার মা । আমার মা ছাড়া সংসারে আর ত কেউ আমার সঙ্গে কথা কইতে সাহস করবে না ?

“কেন ?”

“আমার ঋণ্ডীর হকুম ।

“বিশ্বলংসারে সকলেই তোমার ঋণ্ডীর হকুম পালন করবে না মা !”

মাসে পথ্য লইয়া মহামায়া শৈবলিনীর মুখে চালিয়া দিতে গেল । শৈবলিনী মুখ ফিরাইয়া বলিল, ও কি ?

“পথ্য—বেদানার রস ।”

মাথা নাড়িয়া শৈবলিনী বলিল, খাবো না মা !

“কেন খাবে না ?”

“আমি মরবো—মরতে সাধ হয়েছে । আমি মার মেয়ে মার কাছে যাব ।”

শৈবলিনীকে বুকে চালিয়া রাখিয়া বোস-গিন্নী বলিল, আমি তোমার মা—তুমি আমার কাছে থাকো ।

শৈবলিনীর ক্ষীণ কণ্ঠে উত্তেজনা আসিল । মহামায়ার মুখের দিকে তাকাইয়া শৈবলিনী বলিল, তুমি যদি আমার মা, তবে এতকাল কোথায় ছিলে ? একটা মুখের কথা শোনবার জন্য আমি এতকাল কাণ খাড়া করে’ ছিলাম—একটা মিষ্টি কথা শুনে আমি আনন্দে গলে যেতাম । কিন্তু পোড়াকপাল আমার ! কেউ আমার মুখের দিকে তাকালে না—চাকর চাকরাণীরাও আমার সঙ্গে একটা কথাও বল্লে না । যদি ছ’দিন আগে আস্তে, এমনি করে’ আমাকে বুকে তুলে নিতে, তাহ’লে আমি মরতাম না ।

দীর্ঘ নিঃশ্বাস ত্যাগ করিয়া মহামায়া বলিল, আমি তোমাকে মরতে দেব না ।

পূজার তত্ত্ব

শৈবলিনী বলিল, বাঁচাতে পারবে না না। বাকালার কত ঘরে এমনভাবে খাণ্ডড়ীর অত্যাচারে 'কত বউ মরছে, তুমি কজনকে রক্ষা করবে না? তার চেয়ে আমাকে মরতে দাও, আর আশীর্বাদ কর, বড় ঘরের বউ হ'য়ে আর যেন আমাকে সংসারে না আসতে হয়।

অত্যন্ত উদ্বেজনায় শৈবলিনী আবার সংজ্ঞা হারাইল—মহামায়ার দুই চক্ষু হইতে দর দর ধারায় অশ্রু ঝরিতে লাগিল।

(৩১)

কণ্ঠের সাড়া দিয়া চটীজুতার শব্দ করিয়া বৃদ্ধ নফরচন্দ্র নিতান্ত পাগলের মত টলিতে টলিতে টলিতে শৈবলিনীর কক্ষ-মধ্যে প্রবেশ করিল। নফরচন্দ্রকে দেখিয়াই বোস-গিন্নী লজ্জিত সঙ্কুচিতভাবে মাথার উপর অবগুষ্ঠন টানিয়া দিল। বৃদ্ধ নফরচন্দ্র বিহ্বলভাবে কক্ষের মধ্যস্থলে দণ্ডায়মান হইয়া করষোড়ে বিজড়িত কণ্ঠে বলিল, বোস-গিন্নি! পরম সৌভাগ্য আমার যে আমার বাড়ীতে আপনার পদধূলি পড়েছে। বোস-গিন্নি! যথার্থই আমি গাধা—যথার্থই আমি মহুশ্য নামের অযোগ্য। তা যদি না হ'বে, তাহ'লে আজ আমার কুললক্ষ্মীর উপর এত অত্যাচার ঘটতে পারে—আমার সোণার প্রতিমা আজ ধুলার গড়াগড়ি যায়? আমি নরাধম।

অমনি বোস-গৃহিণী শৈবলিনীর শয্যাভ্যাগ করিয়া ভূতলে নামিয়া ভূমিষ্ঠ হইয়া বৃদ্ধ নফরচন্দ্রকে প্রণাম করিল, তাহার পর, নতমস্তকে বলিল, আপনি আমার পিতৃতুল্য—আপনার জ্ঞান মহাপুরুষকে আমি ছোট মুখে বড় কথা বলেছি, আপনি আমাকে ক্ষমা করুন।

পূজার তত্ত্ব

নফরচন্দ্র আবেগভরে বলিল, সত্য কথাই বলেছি মা ! তাতে কোন অপরাধ হয়নি। আমি পুরুষ—সুবিধ্যাত ঘোষবংশের কর্তা হ'য়ে একটা হীন বংশের স্ত্রীলোকের মোহে এত মুগ্ধ হ'য়ে এতকাল পড়ে-ছিলাম যে পিতৃকূলের মান-মর্যাদা হারাতে বসেছি—বড় ঘরের বড় মুখে চুণকালি দিয়েছি—অভিমানের খড়্গে কুললক্ষ্মীকে বলিদান দিতে বসেছি। আমার মত এত বড় মহাপাপী এ সংসারে কে আছে ?

আশুনের হল্কার মত হরসুন্দরী কক্ষ-মধ্যে ছুটিয়া গিয়া বৃদ্ধ নফরচন্দ্রের দিকে অগ্নিদৃষ্টি নিক্ষেপ করিয়া বলিল, আমি হীনবংশের স্ত্রীলোক ?

✽

আজ বৃদ্ধের মোহ ঘুটিয়া গিয়াছে—বড় ঘরের পৌরুষ বৃকের মধ্যে জাগিয়া উঠিয়াছে। অমনি নফরচন্দ্র ক্রুদ্ধভাবে হরসুন্দরীর মুখের দিকে তাকাইয়া বলিল, চোখ রাঙ্গায়োনা ঘোষ-গিন্নি ! বড় ঘরের বড় মর্যাদার দায়ীত্ব একদিন তোমার হস্তে সমর্পণ কবে' আকিংএর নেশায় ঝিম্ হ'য়ে আমি নিশ্চিন্ত হ'য়ে বসেছিলাম। তুমি যদি বড় বংশের মেয়ে হ'তে, তাহ'লে আজ কি আমার মাথাটা এমন করে' নীচু করে' দিতে পারতে ? তুচ্ছ একটা পূজার তত্ত্ব—হু' পাঁচশ টাকা বার মূল্য, তারই জন্ত আমার কি অমূল্য সম্পত্তি নষ্ট করেছ, তুমি কি বুঝ্বে ছোটলোকের মেয়ে ? রাগে বৃদ্ধের সর্বস্ব কম্পিত হইতে লাগিল।

লগুড়াঘাতে কালসপিনীর কোটা ভঙ্গ হইলে সে যেমন উর্দ্ধকণা হইয়া গর্জন করিতে থাকে, বিষ উদগীরণ করিবার জন্ত যেমন অবিরাম মাথা দোলাইতে থাকে, হরসুন্দরী তেমনিভাবে বৃদ্ধের মুখের দিকে অগ্নিদৃষ্টি নিক্ষেপ করিয়া দীর্ঘনিঃশ্বাস ত্যাগ করিতে লাগিল, অত্যন্ত ক্রোধে তাহার মুখ হইতে একবর্ণও উচ্চারিত হইল না।

হরসুন্দরীর আজ কি অপমান—কি লাঞ্ছনা ! পরম শত্রু বোস-গিন্নীর সম্মুখেই তাহাকে তাহার বৃদ্ধ স্বামী এমনভাবে অপমানিত করিল। ঘৃণা—অভিমান—ক্রোধ তাহার উচ্চ বক্ষস্থল আজ যেন লৌহের শুল্কের আঘাতে গুঁড়াইয়া চূর্ণ করিয়া দিল। কিছুক্ষণ পরে দীর্ঘশ্বাস ত্যাগ করিয়া হরসুন্দরী বলিল, আমি যদি ছোটলোকের মেয়ে হই, তোমার সংসারে আগুন জ্বলে দিয়ে যাব।

নফরচন্দ্র বলিল, আগুন ত জ্বলি অনেককাল জ্বলে দিয়েছে ? ঘরে এসেই পরম মিত্র বোসদেবের সঙ্গে বিবাদ করে' শত্রু করে' তুলেছে—বড় ছেলেটাকে গৃহত্যাগী করেছে—ছোট ছেলেটাকে সন্ন্যাসী করে' ছাড়ছে—আদরের একটা মেয়ে, তার সঙ্গেও বিবাদ বাধায়েছে। সর্বনাশি ! আর কি করতে চাও ?

হরসুন্দরী জ্ঞান হারাইল—উন্মাদিনীর ভাষা সে বৃদ্ধের অঙ্গে হস্তার্ণণ করিতে উত্তত হইল। ব্যাপার দেখিয়া বোস-গিন্নী আর নীরবে থাকিতে পারিল না—ছুটিয়া গিয়া উভয়ের মধ্যস্থ হইয়া হরসুন্দরীর হাত ধরিয়া ফেলিয়া বলিল, ঘোষ-গিন্নি ! কর কি ? স্বামীর গায়ে হাত তুলছে ? পাপের আগুনে পুড়ে ছাই হ'য়ে যাবে। ছিঃ ! ছিঃ ! বলিয়াই বোস-গিন্নী তাহার হাত ধরিয়া জোর করিয়া গৃহের বাহির করিয়া দিল।

ঠিক সেই সময়ে শৈবলিনী চৈতন্ত লাভ করিয়া কণকণ্ঠে ডাকিল, মা ! মা !

বোস-গিন্নী ছুটিয়া গিয়া শব্যার উপর উঠিয়া শৈবলিনীকে বুকে টানিয়া ধরিল, তাহার মুখের উপর মুখ রাখিয়া বলিল, কি মা !

শৈবলিনী বলিল, আর কেউ আমার সঙ্গে কথা বলবে না মা ?

পূজার তত্ত্ব

অমনি নফরচন্দ্র ছুটিয়া গিয়া শৈবলিনীর বুকের উপর মুখ রাখিয়া বলিল, বলবো মা ! আমি বলবো । মা আমার ?

শৈবলিনী ক্ষীণকণ্ঠে বলিল, বাবা !

মুখের উপর মুখ রাখিয়া নফরচন্দ্র বলিল, কি মা ? বৃদ্ধ বালকের ভায়ে রোদন করিতে লাগিল ।

উষারাগী ছুটিয়া আসিয়া পিতার পাশে বসিয়া শৈবলিনীর হাত ধরিয়া বলিল, বউদিদি ! আইন অমাগু হ'য়ে গেছে—কথা বলতে ছুটে এসেছি । আমাকে ক্ষমা কর বউদিদি ! বলিয়াই সে শৈবলিনীর বুকের উপর মুখ লুকাইয়া ফুলিয়া ফুলিয়া কাঁদিতে লাগিল । তাহার পর, একে একে সকলেই আসিয়া শৈবলিনীকে ঘিরিয়া দাঁড়াইল—সকলেই কাঁদিয়া আকুল হইল—আসিল না কেবল বড় ঘরের বড় গিন্নী হরম্মন্দরী । সকলেই বুঝিয়াছিল, আর কেন, হৃদয় পরে শৈবলিনীর জীবন-লীলা সাক্ষ হ'য়ে যাবে ।

আজ হরসুন্দরীর মর্যাস্তিক যন্ত্রণা উপস্থিত হইল। তাহার এত অহঙ্কার—এত আধিপত্য সব নষ্ট হইয়া গেল—তাহার আত্মাভিমান প্রবল আঘাত পড়িল। ঘোষ-পরিবারে এতকাল সকলে নতমস্তকে তাহার আদেশ পালন করিয়াছে—এত বড় সংসারটা তাহার ঈর্ষিতে চালিত হইয়াছে—পুরবাসী পরিজনেরা তাহার কথায় উঠিয়াছে বসিয়াছে কিন্তু আজ তাহার সব প্রভুত্ব চূর্ণ হইয়া গিয়াছে। যাহার বলে বল—যাহার আদরে এ আধিপত্য—যাহার প্রজ্ঞায় সে এ যাবৎ সকলকেই পদানত রাখিতে সক্ষম হইয়াছিল, তাহার সেই স্বামী আজ তাহাকে কটুক্তি করিয়াছে—দশ জনের সম্মুখে হতমান করিয়াছে। হরসুন্দরীর বুক কাটিয়া গেল—চোখে জল আসিল—সে ছুটিয়া নিজের কক্ষে প্রবেশ করিয়া শয্যার উপর আছাড় খাইয়া পড়িল।

সমস্ত দিন হরসুন্দরী উঠিল না—স্নান আহার করিল না কিন্তু কেহই আজ তাহার কাছে আসিল না—সাধ্য সাধনা করিল না—মুখের কথাটা পর্য্যন্ত কেহ তাহার সঙ্গে কহিল না। সংসারের সমস্ত লোকের ক্রোধ তাহার উপরে। স্বামী বিরক্ত হইয়াছে—সন্তানেরা অন্ধা

পূজার ভঙ্গ

হারাইয়াছে—আত্মীয় স্বজনেরা শতমুখে তাহার নিন্দা করিতেছে—
দাস দাসীরা পর্যাপ্ত বেন ঘৃণাভরে তাহার দিকে কটাক্ষপাত করি-
তেছে। লজ্জায় ঘৃণায় হরসুন্দরীর মরিতে ইচ্ছা হইল।

হুনিয়াব সমস্ত লোক যখন তাহার বিপক্ষে দাঁড়াইয়াছে—যে স্বামী
এতকাল তাহার কথাই উঠিত বসিত—তাহার উপরই সর্বপ্রকারে
আত্মসমর্পণ করিয়া বসিয়াছিল, সেই স্বামী যখন তাহার উপর ক্রু-
হইয়াছে—পেটের সন্তানেরাও যখন তাহার বিরোধী হইয়া দাঁড়াইয়াছে,
তখন হরসুন্দরী বিলক্ষণ হৃদয়ঙ্গম করিতে পারিল, যথার্থই তাহার
অপরাধ ঘটিয়াছে—একটা নিরপরাধ বালিকার উপর অযথা অত্যাচার
করিয়া তাহাকে মরণের পথে টানিয়া ফেলিয়া দিয়াছে—তাহাই বিশ্ব-
ব্রহ্মাও একজোটে তাহার বিরুদ্ধে দাঁড়াইয়াছে। এতদিনের পর
তাহার হৃদয়ে আত্মশ্রান্তি উপস্থিত হইল।

কিন্তু আর যে প্রতিকারের উপায় নাই! তাহার মুখ দেখাইবার
পথ নাই। হরসুন্দরী হৃদয়ে নরক-যজ্ঞা ভোগ করিতে লাগিল। সে
নিজের কক্ষে শয্যার উপর পড়িয়া রহিল—অনাহারে আনন্দ্রায় দিন
কাটাইতে লাগিল। স্নান আহারের জন্ত দাস দাসীরা এক আধবার
অমুরোধ করিয়াছিল কিন্তু হরসুন্দরী তাহাদের ধমক দিয়া তাড়াইয়া
দিল—তাহারা মুখ বিকৃত করিয়া প্রস্থান করিল।

কয়দিন কাটিয়া গেল—বৃদ্ধ নফরচন্দ্র আর তাহার কাছে আসিল
না—একটা সাত্বনার কথাও বলিল না—বধূমাতার চিকীৎসার জন্ত
তাহার কক্ষেই দিন কাটাইতে লাগিল। কষ্টের এ প্রকার অবজ্ঞা
হরসুন্দরীর অন্তরে অধিকতর যজ্ঞা প্রদান করিল। তখন সে মনে
মনে সঙ্কল্প করিল, নূতন বউএর মরণের সঙ্গে সঙ্গে তাহাকেও এ পৃথিবী

ত্যাগ করিতে হইবে। একটা পরের মেয়েকে যে জালা দিয়া মারিয়াছে, নরকে গিয়া তাহার শত গুণ শাস্তি গ্রহণ করিয়া পাপের প্রায়শ্চিত্ত করিতেই হইবে।

নূতন বউএর চিকীৎসার জ্ঞাত সকলে ব্যস্ত—হরসুন্দরীর দিকে লক্ষ্য করিবার মত মন তখন কাহারও ছিল না। অবসর মত কত্কা উবারাণী বড় বধু সুরমা তাহার কাছে গিয়াছে কিন্তু হরসুন্দরী কাহারও দিকে ফিরিয়া চাহে নাই, শুদ্ধ শয্যায় শয়ন করিয়া জানাইয়াছে, আমার শরীর ভাল নয়, তোমরা চলিয়া যাও।

সর্বদা বজ্রাবৃত করিয়া হরসুন্দরী শয়ন করিয়াছিল। পুত্র প্রকাশ-চন্দ্র ধীরপদে কক্ষ-মধ্যে প্রবেশ করিয়া জননীর পদতলে বসিয়া তাহার পায়ে হাত দিয়া কাতর কণ্ঠে ডাকিল, মা।

চমকিত হইয়া মুখ তুলিয়া হরসুন্দরী দেখিল, প্রকাশচন্দ্র তাহাব পদতলে বসিয়া চোখের জলে বুক ভাসাইতেছে। হরসুন্দরী বলিল, পা ছাড় প্রকাশ! আম তোদেব মা নই—আমি রাক্ষসী। একটা কচি বউএর মাথা চিবিয়ে খেয়েছি—তোরা সরে যা—হয়ত ক্ষিধের জ্বালায় আমি টপ্ টপ্ করে' সব গিলে ফেলবো।

প্রকাশ কঁাদিতে কঁাদিতে বলিল, কেন এমন অধীর হচ্ছ মা! পরের মেয়েটার কাছে একদাব এস—তার পাশে বস—চিরদিনের মত তাকে বিদায় দাও।

হরসুন্দরী মাথা তুলিয়া বলিল, সেই দেবকন্নার পাশে গিয়ে বসবার অধিকার আমার আছে প্রকাশ?

প্রকাশ বলিল, তোমার কি অপরাধ মা? সে যে নিজের দোষে নিজে মরছে।

পূজার তত্ত্ব

হরসুন্দরী বলিল, নিজের দোষে মরছে ? মিথ্যা কথা বলিসনে প্রকাশ ! আমিই তাকে হত্যা করেছি—বড় ঘরের মানের দাবীতে আমি একটা পরের মেয়ে বলিদান করেছি। এ পাপের শাস্তি আমি নিজে গ্রহণ করবো।

চমকিত হইয়া প্রকাশ বলিল, কি করবে তুমি মা ?

হরসুন্দরী বলিল, তাকে যজ্ঞা দিয়েছি—সেই অভিমানে সে অনাহারে অনিদ্রায় মরণের পথে ছুটে চলেছে। আমিও তার প্রায়শ্চিত্ত করবো, অনাহারে অনিদ্রায় আমিও এ পাপদেহ ত্যাগ করবো।

অমনি প্রকাশ জননীর পা জড়াইয়া ধরিয়া ফুলিয়া ফুলিয়া কাঁদিতে লাগিল, অনেক অহুন্নয় বিনয় করিয়া শত চেষ্টা করিয়াও তাহাকে উঠাইতে পারিল না—তাহার সঙ্কল্প ত্যাগ করাইতে পারিল না। যুবক বুঝিল, ঘোষ পরিবারের ধ্বংসই ইহার অনিবার্য্য পরিণাম। সে ধীরপদে জননীর কক্ষত্যাগ করিল।

(৩৩)

হরস্বন্দরীর কঠোর আদেশ অগ্রাহ্য হইয়া গেল—বাড়ীভুক্ত সকলেই আজ প্রাণপণে শৈবলিনীর সেবা করিতে লাগিল। বোস-গিন্নী শৈবলিনীর শিয়রে বসিয়া অনাহারে অনিদ্রায় তাহার সেবা করিতে লাগিল! বৃদ্ধ নফরচন্দ্র তাহার ধনের সিক্কুক উন্মুক্ত করিয়া মুক্ত হস্তে অজস্র অর্থবৃষ্টি করিতে লাগিল। বড় বড় ডাক্তার কবিরাজ আসিতে লাগিল—মূল্যবান ঔষধ পথ্যে ঘর ভরিয়া গেল। চেষ্টার বিন্দুমাত্র ফল না কিঙ্ক সব বিফল হইয়া গেল—দিন দিন শৈবলিনীর অবস্থা শোচনীয় হইয়া দাঁড়াইতে লাগিল।

আশুন যখন মট্টকার জলিয়া উঠিয়াছে, তখন আর জল ঢালিয়া কল কি হইবে? ডাক্তারেরা প্রাণপণ চেষ্টা করিয়াও যখন রোগের বিন্দুমাত্র উপশম করিতে পারিল না, তখন তাহারা হতাশ হইয়া জবাব দিয়া একে একে প্রস্থান করিতে লাগিল। বৃদ্ধ নফরচন্দ্র তখন পাগলের মত হইল—যাহার তাহার হাত ধরিয়া কাঁদিয়া বলিতে লাগিল, আমার ধন-

পূজার তত্ত্ব

সম্পত্তি বধাসর্বস্বের বিনিময়ে তোমরা আমার বউমার জীবন রক্ষা কর।
হার অভাগা! যদি দুদিন আগে চৈতন্য হইত, তাহা হইলে আজ এত
অর্থ অপব্যয় হইত না—তোমার কুললক্ষ্মী এমনভাবে অত্যাচারের আগুনে
পুড়িয়া ছাই হইয়া যাইত না।

শৈবলিনী অতি ক্লীণকণ্ঠে ডাকিল, মা!

আগ্রহভরে মাথা নীচু করিয়া মহামায়া বলিল, কি মা!

শৈবলিনী কিছুক্ষণ চুপ্ করিয়া থাকিয়া বলিল, বাঁচতে বড় সাধ হচ্ছে মা!

বুকভরা দীর্ঘনিঃশ্বাস ত্যাগ করিয়া চোখের জলে বুক ভাসাইয়া মহামায়া
বলিল, এত চেষ্টা করেও ত তোমাকে রক্ষা করতে পারলাম না মা?

আবার কিছুক্ষণ চুপ্ করিয়া থাকিয়া শৈবলিনী বলিল, তিনি কোথায়?

শৈবলিনী প্রকাশচন্দ্রকে লক্ষ্য করিয়াছিল, সকলেই বুঝিতে পারিল।

প্রকাশ তখন শৈবলিনীর পার্শ্বে বসিয়া মাথা নাচু করিয়া কাঁদিতেছিল।
শৈবলিনীর উদ্দেশ্য বুঝিয়া তাহার মুখের কাছে মুখ রাখিয়া প্রকাশ বলিল,
এই যে আমি!

শৈবলিনী বলিল, কথ। বলতে হুকুম পেয়েছ? ও কি! তুমি কাঁদছো?
কৈদোন।। তুমি একটুখানি হাস—তোমার মুখের হাসি দেখে আমি স্নেহে
মরতে পারবো।

প্রকাশ মাথা নীচু করিয়া ফুলিয়া ফুলিয়া কাঁদিতে লাগিল।

শৈবলিনী দীর্ঘ নিঃশ্বাস ত্যাগ করিয়া মহামায়ার মুখের দিকে তাকাইয়া
বলিল, বাবাকে, ভাই বোনদের দেখতে সাধ হয়েছে মা! বলিয়াই
শৈবলিনী অচৈতন্য হইল।

ঠিক সেই সময়ে নফরচন্দ্রের জ্যেষ্ঠ পুত্র অন্নকুলচন্দ্রের সহিত হেমবাবু
পুত্র-কন্তাদের হাত ধরিয়া উদ্ভাদের মত কঙ্ক-মধ্যে প্রবেশ করিলেন।

তাহাদের দেখিয়া সকলেই শৈবলিনীর শয্যা ত্যাগ করিয়া দূরে সরিয়া দাঁড়াইল। হেমবাবু গভীর শোকভরে বাষ্পক্লক্লক্ঠে বলিলেন, বেহাই! বেহাই! আমার মা কই? হেমবাবু শয্যার উপর উঠিয়া শৈবলিনীর লুপ্তিত মস্তক অঙ্গে তুলিয়া লইলেন—ভাই ভগিনীগুলি শৈবলিনীর বুকের উপর মুখ রাখিয়া দিদি! দিদি! বলিয়া উচ্চকণ্ঠে কাদিয়া উঠিল।

অমনি শৈবলিনীর তত্ত্বা ভাবিয়া গেল—পিতাকে দেখিয়া ভাই ভগিনী-দের দেখিয়া তাহার মলিন মুখখানি যেন পরমানন্দে উজ্জ্বল হইয়া উঠিল—মুখে হাস্তের রেখা ফুটিয়া উঠিল। ক্ষীণ হস্ত অতি কষ্টে উত্তোলন করিয়া শৈবলিনী ভাই ভগিনীদের বাহবেষ্টনে জড়াইয়া ধরিল—তাহার দুই চক্ষু হইতে দর দর ধারায় আনন্দাশ্রু ঝরিয়া পড়িল। হেমবাবু শৈবলিনীর মুখের উপর মুখ রাখিয়া কাতরকণ্ঠে বলিলেন, মা! মা! অম্বুকুলের টেলিগ্রাম পেয়েই চাকরীর আশায় জলাঞ্জলি দিয়ে তোমাকে দেখতে ছুটে এসেছি। কথা কও মা!

অতি ক্ষীণ কণ্ঠে শৈবলিনী বলিল, বাবা! এসেছ—পূজার তত্ত্ব এনেছ? বড় ঘরের মান রক্ষা করেছে?

ঠিক সেই সময়ে প্রকাণ্ড একটা ভার কাঁধের উপর করিয়া শঙ্কর চাকর জ্রুতপদে কক্ষ-মধ্যে প্রবেশ করিয়া বলিল, এনেছি—এনেছি দিদি! শঙ্কর চাকরের যথাসর্বস্ব ব্যয় করে' সহর উজাড় করে' বাছা বাছা জিনিষ এনেছি—চোখের উপর দেখ, বড় ঘরের মান রক্ষা কেমন করে' করেছে।

শঙ্কর মস্তকের ভার কক্ষতলে নামাইল—আরও কয়েক জন ভারীর স্বঙ্গে প্রচুর দ্রব্য উপস্থিত লইল—ঘর ভরিয়া গেল। সকলে অবাক হইয়া শঙ্করের মুখের দিকে তাকাইয়া রহিল।

পূজার তত্ত্ব

শব্দের উদ্ভাদের মত মূর্তি । সে মূর্তি দেখিয়া সকলের অন্তরে আতঙ্ক উপস্থিত হইল । হেমবাবু পর্যন্ত ভীতভাবে তাহার মুখের দিকে তাকাইয়া রহিলেন । অমনি বোস-গিন্নী উচ্চকণ্ঠে চীৎকার করিয়া বলিল, ওগো বড় ঘরের বড় গিন্নি ! ওগো বাঙ্গালীর ঘরের স্বাভূদী ! একবার ছুটে এস—চোখে দেখে যাও । একটা চাকরের বুকে কি মায়া-মমতা—কি কৃতজ্ঞতা—কি উদারতা ! বধু-নির্ধ্যাতনের মহাপাপে বাঙ্গালা দেশ আজ অশান হয়েছে—সব ধ্বংসের পথে চলেছে । আর সহ করতে পারিনে । বলিরাই মহামায়া কাঁদিতে কাঁদিতে কক্ষত্যাগ করিল ।

চোখের উপর এত অত্যাচার সহ্য করিতে পারিবে না বলিয়াই অম্বুকুল-
চন্দ্র গৃহত্যাগ করিয়া শ্রামবাজারে তাহার শস্ত্রশালয়ে গিয়া আশ্রয় লইয়া-
ছিল। জননীর সহিত যখনই তাহার বিবাদ উপস্থিত হইত, তখনই
সে রাগ করিয়া শস্ত্রশালয়ে চলিয়া যাইত। সেইজন্য হরহৃন্দরী মন্তব্য
প্রকাশ করিত, তাহার শস্ত্র শাস্ত্রীই তাহার মাথা খাইতেছে। অম্বুকুলের
শস্ত্র শাস্ত্রী সে মন্তব্যে কর্ণপাত করিত না, কেননা, তাহারাও বড়লোক—
জমিদার।

অম্বুকুল শস্ত্রশালয়ে থাকিয়া সন্ধ্যোপনে বাড়ীর সংবাদ লইত। শৈবলিনীর
কঠিন রোগের কথা শুনিয়া তাহার প্রাণ আতঙ্কে কাঁপিয়া উঠিল—জনক-
জননীর উপর তাহার বিজাতীয় দ্বন্দ্ব উপস্থিত হইল। সে কালবিলম্ব
না করিয়া সিমলার পাহাড়ে হেমবাবুকে টেলিগ্রাম করিয়া বিপদের কথা
জানাইল। শৈবলিনীর জীবন-সঙ্কট অবস্থা শ্রবণ করিয়া হেমবাবুর মাথায়

পূজার তত্ত্ব

আকাশ ভাঙিয়া পড়িল। পূজার তত্ত্ব হয় নাই বলিয়া মার উপর অত্যাচার হইয়াছে, যা আমার মরিতে বলিয়াছে, হেমবাবু যখন শব্দর চাকরকে এ সংবাদ জানাইলেন, তখন শব্দর উদ্ভাদের দ্বারা লাকাইয়া উঠিয়া বলিল, কি! পূজার তত্ত্ব হয়নি বলে' তারা আমার দিদিমণিকে মেয়ে ফেলছে? বাবু! বাবু! আমি এখনই কলিকাতায় যাব—পূজার তত্ত্ব তাদের কড়ায় গলুয় বুঝে দেব—সে সময়তানদের হাত থেকে আমার দিদিমণিকে রক্ষা করবো।

হেমবাবু চাকরীর মমতা রাখিলেন না—আফিসে একটা দরখাস্ত পর্যন্তও করিলেন না—তখনই শব্দর চাকর ও পুল্ল কণ্ঠাদের লইয়া কলিকাতা অভিমুখে ধাবিত হইলেন। যথাসময়ে কলিকাতায় আসিয়া তিনি প্রথমই স্ট্রামবাজারে অল্পকুলচন্দ্রের স্বস্ত্রালয়ে উপস্থিত হইলেন। হাবডার স্টেশন হইতেই শব্দর চাকর সহসা কোথায় অদৃশ্য হইয়া গেল। হেমবাবু শব্দরকে চিনিতেন। সে যে শৈবলিনীকে কত ভালবাসে ভালরূপ জানিতেন। তিনি ভাবিলেন, হতভাগা শব্দর হয়ত পাগল হইয়া গিয়াছে।

শব্দরের নিকট এখনও সাত আটশত মূদ্রা সঞ্চিত ছিল। সে ভবানী-পুরে একজন পরিচিত ভদ্রলোককে সঙ্গে করিয়া মিউনিসিপ্যাল মার্কেটে পূজার তত্ত্বের বাজার করিল, তাহার পর, নিজে মোট মাথায় করিয়া ভারীর সঙ্গে ভার তুলিয়া দিয়া পটলভাড়ার দিকে উর্দ্ধ্বাসে ছুটিয়া চলিল।

• • • • •

শব্দর উদ্ভাদের দ্বারা উচ্চহাস্ত করিয়া হরহৃন্দরীতে সম্বোধন করিয়া উচ্চকণ্ঠে বলিল, কোথায় গেলে গো খোব-গিন্নি! ছুটে এস—পূজার তত্ত্ব

পূজার তত্ত্ব

বুঝে নাও—বড় ঘরের মান রক্ষা হ'ল কি না একবার চোখে দেখে যাও ।
 স্বার্থই তখন হরসুন্দরী নিজের কক্ষ ত্যাগ করিয়া কাহিরে আসিয়া
 দাঁড়াইয়াছিল—উকি দিয়া ঘরের দিকে চাহিতেছিল—পূজার তত্ত্ব চোখে
 দেখিয়া অবাক হইয়া গিয়াছিল । ঠিক সেই সময়ে ক্লীণকণ্ঠে শৈবলিনী
 বলিল, শঙ্কর দা !

বাস্পরুদ্ধকণ্ঠে শঙ্কর উত্তর প্রদান করিল, কেন দিদি !

শৈবলিনী বলিল, যাই আমি ।

শঙ্কর বলিল, কেন যাবে ? মনে পড়ে দিদি ! সেদিনকার কথা ?
 তুমি বলেছিলে, আমার বাবাকে যত্ন করো । বসে আছেন তোমার পিতা,
 জিজ্ঞাসা কর তাঁকে, যত্নের কোন ক্রটি হয়েছিল কি ? বলেছিলে দিদি । আমার
 ভাই বোনদের মেরো না, জিজ্ঞাসা কর তাদের—শঙ্করের একটা নখের
 ঝাঁচড়ও কি তাদের গায়ে লেগেছিল ? তাদের ভালবাস্তে বলেছিলে ।
 আমি ছোটলোকের ছেলে—বড় ঘরের লোকে কি ব'রে' ভালবাসে, খান্নি
 জানিনে দিদি ! তবে আমি ছোটলোক, তোমার ভাই বোনগুলিকে
 দিনরাত্রি বুকের মধ্যে জড়িয়ে রেখেছিলাম—তাদের শত অত্যাচার নারবে
 সহ্য করে' ছিলাম । এর চেয়ে ত বেশী ভালবাস্তে আমি ছোটলোক
 শিক্ষা করিনি দিদি । তারপর, পূজার তত্ত্ব ? শঙ্করের ভাণ্ডার উজাড়
 করে' তত্ত্ব এনেছে—চোখে দেখ দিদি ! তবে কেন আজ আমাদের ত্যাগ
 করে' চলে যাবে ?

শোকের বড়ের দম্কা বাতাসে সমগ্র সংসার যেন ভাঙিয়া পড়িল ।
 হরসুন্দরী দূরে দাঁড়াইয়া ছিল—অনাহারে অনিদ্রার আধ তাহার মুক্তি
 ভয়ঙ্কর—সে কথা শুনিয়া স্তম্ভিত হইয়া তাহার মুখের দিকে তাকাইয়া ছিল ।
 আজ পাখাণ হিমাচল গলিয়া গেল—হরসুন্দরীর চক্ষেও অশ্রুধারা ঝরিয়া

পূজার তত্ত্ব

পড়িল। অমনি ঘোস-গিরী উন্মাদিনীর স্থান কক্ষ-মধ্যে ছুটিয়া গিয়া উচ্চকণ্ঠে চিৎকার করিল। বলিল, বড় খরের মান রক্ষা হয়েছে—আমার অহংকার চূর্ণ হয়েছে। কোথায় গেলে ঘোস-গিরী! আমি আজ নিজের মুখেই স্বীকার করছি, যথার্থই আমি ছোট—অতি ছোট—তোমার পায়ের ধুলোরও যোগ্য নই। বউমা। বউমা! ক্ষমা কর—ছেড়ে যেয়ো না—এত বড় ঘোষ-বংশ ছারখার করে' দিয়ে না। তার চেয়ে, অভিসম্পাত কব
-মা—আমার মাথায় বজ্রাঘাত হ'ক। বলিয়াই হরহৃন্দরী শৈবলিনার বুকের উপর আছাড় খাইয়া পড়িল।

অমনি শৈবলিনার মুখে শেব বাণা উচ্চারিত হইল —মা।

সম্পূর্ণ।

